


AMALĀLÚSYO NA MĀMÚLO

BAHIBURI KIYABO III

 . . . ukuya apa ikilo iki kāngi ku kipānga, ukugūlila mu bulilanisi ubununu ubu nukwīputīla ukusyūngutīla i Lisyu Iya Kyāla ili lipīgwe kwa uswe kisitakuhomba. Kangi uswe tuli. . . tukuganīle ukuya balilanisi bwa lusayo ulu.

⁵⁵⁴ Kangi une ngusūbīla itolo u Kyāla isakutusayaga uswe ikilo iki mūmo Umwēne ābōmbīle ulubunju ulu, ni ndumi ya ndubunju. Kangi une nāyobāga itolo nu mpalamani gwāngu, Nka. Wood, pītasipo, kāngi uswe twāyobesaniaga ikyēne, kangi Tāta. Wood na bēne. Kangi une ngwītika bula bwāli bulūmbīlili ubununu ukukinda-bōsa ubwa Nkundwe Neville ukufuma mu syōsa innunu isi umwēne ālūmbilīle, bula bwāli bumobwene ubu bwāli bununupo kwa une ukukīnda bulibōsa umwēne ālūmbilīlemo siku mpaka na lino. Une naloliloli nānyonywīle nukupālisya ubulūmbīlili ubununu bula. Kangi ubwēne bwālimbēle une ubukifu, kangi umwēne bwālinsengelīle une pāsī. Popāpo une—une ngulōnda ukwītisya ubwanaloli, umwe mumenye. Popāpo, ukufwāna ni fiyabo ifikifu, umwe mumenye, ukuya nkifu, kangi mumo ukuya. . . Davidi āli kula, kangi mumo fikuti umwene. . . Akabalilo kāko mu lugelo ulukulumba lula, mbuyo bwa kuyoba “Mulimosā, une ngubukaga ukubōmba iki, Ntwa, Ugwe itolo ndula une,” umwēne alinkugūlila, alinkubūka nukwakundālūsya u Ntwa ikyakubōmba. Umwēne alinkutwāla pāsī umwēnda gwabupūti, umwe mumenye, kangi alinkuti, “Lilino unko uswe twīme nukunsuma Kyāla, ‘Ngimba uswe tubōmbe fiki mbutolwe ubu?’” O, bula bwāli naloliloli bukābi. Bula bwā na mavitamini mingipo ukukīnda amalūka gamikota aga uswe tulinagi nkīsu. Ena, nkulumba, bula naloliloli bukukubōmbēla ugwe ubununu.

⁵⁵⁵ Lilino, ikilo iki, uswe—uswe tutikulōnda ukwitūgasya komma pabutali ukukīnda pakilo-pakati, linga uswe tubagīle, pa malālūsyo aga. Popāpo uswe tuli—uswe tukubūka itolo mu gēne, ukwānda itolo. Ikyēne kyo kumālīsya mōsa amalālūsyo aga, kangi akabalilo kalikōsa une ngwānda ukumālīsya agēne mōsa. . . Lilino, Kalumbu Hattie, une ngāsanwīsye ikyo, ugwe umenye ikyo. Une—une nāyobāga itolo ikyo, muketile; kangi, umma ndaga. Lōli une ndinago gamo amakafu naloliloli apa ukufuma ku ndumbilili, kangi agēne go naloliloli makafu ukwāmūla. Umwe mumenye, abalūmbilīli bala, abēne bikupinda ilyēne ukusyunguti ukwisila mwi Bāngéli kangi bikugela ukwāga ilyāmūlo lyābo bēne bo abēne bakāli bakakulālūsya ugwe, umwe muketile. Kangi polelo. . . kangi iki kikwēgelelīgwa

pa tepi, kikubūka kula ku Georgia ku mwinangu ndumbilili gwa une yūyo alinago amalāluso ga i Bāngéli lwēle amapāguligwe apa aga go fiyo, mapalapala fiyo.

⁵⁵⁶ Kangi lilino, undungu ugu gukwīsa, komma ukwībwa kangi twīputilāga uswe.

⁵⁵⁷ Kangi unkasi gwāngu yo alikanunupo; umwēne ali māso lilino, kangi umwēne ātulile ukupīya, umwīsyūgu. Abīnītu bītu abapala ukufuma ku Canada, Nkundwe, Kalumbu Sothmann, bali apa bikuyāta kuli uswe, kangi uswe naloliloli ngupālīsyā uluyāto lwābo. Kangi unkasi gwāngu, amenye ukuti abene bīsāga, fiki, umwēne āyaga pakuya māso ukuti umwēne ābagīle ukuya nubwīkyēle nu bulilanisi bwa bāndu Bakristi abapala aba. Uswe tusangalwīke ukuya nu Nkundwe Freddie na uswe ikilo iki, kangi umwēne āsyēle na . . . Umwēne āli apa ulubūnju ulu, lōli une ngusūbīla umwēne āsyēle na . . . umma, uko ko kutalusya, umwēne ali na Meda, ukuya mu luko lwakuya nu mwēne akabalilo kāko uswe tukusuluka pāsī; 'nongwa yakuti une mmenye ukwēne kwiskuyaga panini kwīlīle ikilo iki, ugwēne go mugonesyo nu kusukana injayo. Popāpo uswe tusangalwīke ukuya nabo abēne na bayāti na uswe.

⁵⁵⁸ Lilino, bo uswe tukāli ukwānda ukugela ukwandako ukwāmula amalālūsyo . . . Kangi itolo kumbukilāga ukuti une—une mbagīle ukuya nsōbi, umwe muketile, une—une ndikwīyobela ukuya ntalusyi pa kilikyosa iki une ngubōmba. Une—une ngugela ukuya ntalusyi, lōli lūmo une ne—une ne nsōbi. Kangi—kangi linga une ndi nsōbi, polelo umwe itolo nhobokela une; kangi une ngusuma Kyāla isakubōmbāga, yōoe, panongwa yakuti une ndikulōnda ukuya nsōbi mma. Une ndikugela ukwāmula agēne itolo uku . . . pamo injila iyi une itolo . . . panongwa ya kugano yumo ukukīnda uyūngi, une ngwāmula agēne kubununu ubununu ikukīnda-bōsa ubwa bumanyi bwāngu, muketile. Kangi linga une ngufimbilisigwa ukwandula ifundo syāngu pa lilālūsyo lya i Bāngéli, une ngwīnogona ikyo kyo itolo kīndu kyakubōmba. Uswe tukufimbilisigwa ukwandula, akabalilo kalikosa, akabalilo kāko i Lisyu lya Kyāla likuyoba, panongwa yakuti iliyēne lyo Lisyu lya Kyāla.

⁵⁵⁹ Kangi lilino, une ngwinogona uswe twāyaga pakwīputīla ababīne kangi ikilo iki, bo bwīla. Kangi utubalilo tumo ugwe itolo kuswīga; ugwe kwēga ngati akabugutīla kanini ngati aka, ubunandipo ukukīnda, o, akatēmbē akanini apa, kangi utubalilo tumo ugwe utukifibona ifiboneko ifi ugwe kuolōnda ukukēta. Lōli ikīndu, iki ugwe kubōmba, ugwe itolo kukwāba ukufuma ku bāndu kifuki bamia babili. Kangi lumu mwa ngomano inywamu, lumu ugwe kukwāba palipōsa ukufuma maelifu matatu pamo malongo, umwe muketile, kangi—kangi lumu ukōngelēla. Popāpo iyo yo njila, ugwe kufika ukukēta ubunywami ubwingipo. Lōli ikilo iki, une itolo nāmulāga . . . Ena

i foni yītu yikukūba itolo amaminiti manini galigōsa ukukīnda pamusi ni kiyabo kya pakilo.

⁵⁶⁰ Ngimba uyu yo Nka. Reisert itūgésye apa, une ngunketa umwēne? Ili Bāngéle lyāko, kalunb, u Kalumbu Wood ali nalyo kunyuma kula. Une nālitwéle ilyēne ulubūnju ulu kuli ugwe, kangi une—une ngākupéle ilyēne kwa ugwe. Kangi une—une ngākubwéne ugwe ulubunju ulu, kangi u Nka. Wood alinakyo ikyene.

⁵⁶¹ Popāpo ukwakwāmula i foni nukwakwāga i—i findu ifikulumba ifi fibōmbígwe. Unkīkúlu ālingōlīle une, umwēne alinkuti, “Nkundwe Branham, une nāli ku lukomano *lwakuti-na-lwakuti* kangi une nābinaga ulutamio *lwakuti-na-lwakuti* ku kabalilo *kakuti*. Kangi, umwe mumenye, ugwe gwāyobile itolo kunyuma kula, kangi itolo. . .” Alinkuti, “Une nāsīlike kifuki akabalilo kāko Ikyēne itolo kyātwele pala ubūmi bwa kunyuma.” Kangi alinkuti, “Kangi une ngabinamo siku kangi ukufuma pala.”

⁵⁶² Kangi unkīkúlu ikwisa kangi alinkuti. . .une ngusubila umwene ali apa ikilo iki, pamo umwēne āyaga pakwenda paligali ukufuma ku Bedford, une ngusūbila, pamo kubuyobumo pamwanya nkati mula. Umwana gwābo undumiana āli nkati apa, une ngusūbila, uyu āli nu lutamio lwa ndumbula, mu bubibi fiyo. Kangi umwēne ālitūgésye muno mu lukomano, kangi—kangi u Ntwa ālyēndīle ukusyūngutila nukumpalamasya. . . āyobīle ku ndumiana ukufwana nu lutamio lwāke, kangi umwēne ātoligwāga nukufyūsyā ulukōngi lwāke, kangi ukutikígwa kwa ndumbula, kangi ulukōngi lukamandígwe mōsa, kangi i ndumbula yōsa bo ulu. Kangi nakalinga itolo umwēne alinkufika mulamula mu ligāli nukwēndesya ukubūka kukāya, akatamigwamo siku ni kyēne ukufuma pala. Ngimba u nkīkúla yula ali apa ukufuma ku Bedford? Ngimba ugwe ali apa, nkīkúlu? Pala umwēne alipo, ku nyuma. Ena, umwēne angōlīle itolo une, pitāsi.

⁵⁶³ Polelo alipo u nkīkúlu ālingōlīle ukufuma kula mu Evansville. Kangi umwēne ātōlígwe ukwisa kuno ’nongwa yakuti umwēne alikubutali fiyo, akāménye uswe twāyaga pakuya ni lukomano ikilo iki ulwa lubumbulusyo. Kangi umwēne alinkuti, “Nkundwe Branham, une nālitūgésya ndukomano lwa mu Evansville,” kangi alinkuti, “ugwe gwākētīle ku nyuma kula ku kilūndīlo nukuti. . .gwālimbulīle une nāli ywāni, na ifi une nābōmbīle, na ifi nākubīlwe nakfyo, na fyosa bo ifyo.” Kangi umwēne alinkuti, “Une nāli nu bubine bwa kipāmbāga, kangi itolo nafimbilisigwaga ukōkya Asthmador na filifyosa nkyumba ukufuma mūmo une nāli kalindwana kanini.” Alinkuti, “Uko kwāli fyīnja fibili ifi fikīndīle, kangi une ngayamo nako nakatononde ka ubwēne siku ukufuma pala.” Muketile?

564 Kangi itolo ku bābo aba bali apa ikilo iki, bakāli apa ulubunju ulu ukwīkyéla ubukēti; Une nāli kula ku lilūka lya sumuni-kalongo, ngūla akangōza, mmayolo. Lilino, kala kakāli ka nimwēne mma, muketile. Kala kāli ka mwāna undindwana unini, Rebekah, pala. Kangi—kangi Sarah ābūkāga ku kindukimo, ikīngi, umwisyugu. Bamo mwa bīnāke-kusukūlu abanini bāyāga nu luko lumo lwa kwisila-palikimo ukunini, ukwa lisiku-lyakupāpīgwa pamo ikindukimo, kangi umwēne āpīmbīle akābūpi kāke akanini; kangi une nāgulāga akafwāni ka mwāna, kifuki ubutali bo *ubu*. Kangi ālipo unkikūlu pamwanya pala, alinkuti, “Ngimba ugwe kungumbikila une?”

565 Kangi une ndinkuti, “Une ndikusūbila une ngumenye.”

566 Kangi ikyēne kilinkwīsa ukusyāgānia, umwēne āli nkamu gwa Nkundwe Nevile apa, uyu kifuki. . . akabalilo kako une pa njila yāngu ukubūka ku Sweden, abēne. . . Umwēne ikwisa muno, āli nu ndumiana unnini nkikota kya magudumu, itolo ngati Edith unnini pala, kangi umwīnitu unnini āli na kansa, ikyābūmi ikimele pa bōngo. Kangi untu gwāke unnini gwāgwīlīle pāsi, kangi umwēne. . . kangi abagānga bālimpēle umwēne imilungu mitatu ukuya nu būmi. Abēne bākyēgīle ikyene panja nukukētésya ikyēne, nukukibona ikyēne kyāli. . . iki ikyēne kyāli, kangi itolo ukumpa umwēne imilungu mitatu ukuya nu būmi. Kangi abēne bāfimbilisīgwāga ukummwendesya umwēne ukusyūngutila nkikota, kangi polelo ukumbīka umwēne nkitala akabalilo kāko umwēne ābūkīle ku kyūmba nukunkētésya umwēne, kangi polelo ukuntwāla umwēne ukugomokela ukusuluka. Ndinkubūka nukwīputia undumiana unnini yula, nukunsuma u Ntwa ukumbulubusa umwēne. Kangi ilisiku lilalila ilikōnge, akabalilo kāko abēne bālimmwēgīle umwēne ukukilania kula, alinkuti, “Une ndikulōnda ikikota kya magudumu kila mma.”

567 Alinkwitugasya mu ligali nukwendesya ukubūku kula, kangi ungānga alinkubālūla ikitala, alinkuti, “Une ndikulōnda ikitala kila mma.”

568 Ukubōpa ukufyūka pamwanya nukwitugasya pāsi, ungānga alinkunkētésya umwēne, alinkuti, “Ena,” alinkuti, “mbuyo bwa milungu mitatu, une nguya pakukupa ugwe ifyīnja mia yumo na lwele ugwe kuyaga nu būmi.”

569 Kangi, mmayolo, unna ālyāgēne na une. Kangi umwēne abagīle ukuya apa, ku fyosa ifi une mmenye, ikilo iki. Kangi undumiana unnini āli pānja ikukina u mpila gwanjayo, unnyambala unkeke lilino. Ikyūmi, kansa pa bōngo, kangi ikyēne itolo kikubūka ukunāngísya. . .

570 O, maelifu ga fīndu, muketile. Kyāla akabagila ukutolīgwa. Umwēne—Umwēne itolo akabagīla ukutolīgwa.

571 Nkundwe John, ngimba ikisīge kyāko kinunupo, nkundwe? Umwēne āli nu bufulale, kangi ākomelelāga unsumali kangi

ugwēne gulinkuntika umwēne nkisige. Kangi uswe twēsa twāmmwiputilága u Nkundwe John O'Bannon, unkundwe gwitu ukufuma ku Louisville uyu āfumile pakuya nu bufulale nu nsumali ugu gwālantikile umwēne nkisige.

⁵⁷² Lilino, amalālúsyo aka go-go busolofu bwa ndumbula ya mundu yumo; ukuti abēne bābalile ukukīnda mu Lisimbo nukwāga ifindu, kangi abēne batiku...lūmo bikutōlígwa ukwiyikutísya bēne, popāpo abēne bikubika agēne nkati muno kuli uswe ukugela ukwāmúla. Kangi umwe mukukēta kyo butolwe buki ikyēne kikutubīkamo uswe; panongwa yakuti, iki ugwe ubagile ukuyoba, abēne bisakwigemekesya ku kyēne. Popāpo ugwe kufimbilisigwa ukuya nsisimikisiyi ugwe uli kanunu, kangi une ne... ukuya nsisimikisiyi mūmo ugwe ubagile ukuya. Popāpo lelo, ikindu ko kuya basisimikisiye ukuti uswe tuli batalusye, unko uswe itolo tunsume u Mbepo Mwikemo lilino ukusanusya iki kwa uswe, akabalilo kako uswe tukwīnamísya imitu gyitu pasi.

⁵⁷³ Lilino, Tāta Gwākumwanya, o, lo lusako luki ulwēne luli ukuyobaga “Tāta” ku Mpeli unkulumba gwa mmyānya na pa kīsu. Kangi uswe itolo tukusūma ukuti Ugwe kwīsa kwēga amalālúsyo aga ukuya mbupākísyo Bwāko Bwēne lilino. Agēne bābīkígwe muno nubwanaloli-ndumbula ubusolofu ukukīnda. Kyāla, unko kila kīsége ukufuma ku ndumbula syītu, ubwanaloli-ndumbula ubusolofu ukukīnda, ukubāmúla abēne mbununu ukukinda mūmo uswe tumenye ukubōmbela; tupaga ikyēne.

⁵⁷⁴ Kangi ikīsa Kyāla kiliyaga pa aligwesa. Kangi ikindukimo kili yobigwāga apa ikilo iki kīkyo kisa itolo ukutula aligwēsa uyu ali apa. Kangi akabalilo kāko uswe tukusōkāpo, ukufuma ku kwīputíla ababīne nu kulya umugonesyo na fyosa, tuliyobaga uswe ngati bāla bafumile ku Emmaus, “Ngimba indumbula syitu sikipile nkati mmyītu bo Umwēne āyobāga kwa uswe ukukīnda mu njila?” Kabuno uswe tukusuma ikyēne mu Ngamu ya Yeso. Ameni.

⁵⁷⁵ Lilino, mūno une njobile utubalilo twīngi, ukuti aga—aga apa go-go manunupo ukukīnda ga minogono ga agēne, kangi polelo utubalilo tumo ikyēne kikufyūsya ukulinganisania kunini. Ilyākwānda limo apa, une ngukēta ikyēne kyo kindukimo iki une njobilepo pabutasi, ukuti ilyēne libīkígwe ukugomokela kāngi. Une ndikwīsa...ngulōnda ukubala ilyēne lilino, linga umwe mwiganíle.

65. Akabalilo kāko Adam na Eva bāli ba bāna mu Edeni, ngimba bālipa pala abāndu bāngi pa kīsu pakablilo kala? Mwa Bwāndílo untu gwa 5 kangi ilinandi Iya 16, Kaini ālitūgésye mkisi kya Nod kangi ālimmenye unkasi gwāke.

⁵⁷⁶ Lilino, ilyo Iyo—lyo lilālúsyo ilinunu. Lilino, uswe tumanyisígwe mu li Bāngéli...Kangi utubalilo twīngi ifi...

utubalilo tumo uswe kisitakupāsyā tuyīle. . . Une nālīsibīle ukubīka pamwanya akalisi ka kakalatasi kanini, nukuyoba, “Lālūsya. Amula ililālūsyo lililyōsa ilya i Bāngéli.”

577 Kangi umundu yumo alinkuti, “Ena, ngimba unkasi gwa Kaini āli ywāni?”

578 O, une panini nāsūngāga ni kyēne pamo ikindukimo, une nāyobāga, “O, yula āli mwanundundwāna gwa mama-muko gwāke,” pamo ikindukimo bo ikyo, ugwe umenye, pamo—pamo “Umwene aali Nka. Kaini.” Lōli ikyo kitikwāmūla ililālususyo mma. Pala lilipo. . .

579 Pala u Kaini āli nu nkāsi, panongwa yakuti i Bāngéli lyāyobīle umwēne āli nayo. Kangi linga Kaini āli nayo u nkāsi, umwēne ābagīle ukummwāga umwēne kumo. Kangi iki kyābagīle ukwigolosya mulamula nkati mwa kyēne apa:

Ngimba bālīko abāndu abāngi pa kīsu akabalilo kāko Adam na Eva bāli na bāna mu ngūnda gwa Edeni?

580 Lilino, linga umwe mukukētésya, mu li Bāngéli ukwene kupala fiyo ukuti sīm̄bamo siku isya nkīkūlu ukuya apāpīgwe. Ukwēne ko kabalilo kōsa umwana nnyāmbāla yo yūyo uyu abēne bikusīm̄ba mwi Bāngéli, komma unkīkūlu. Kipala ikyēne kili ukuti kiyobigwēmo siku isya kupāpīgwa kwa u mwānundindwana, mwi Bāngéli. Pamo, ukuyoba ubwanaloli, une ngamanya mūno une mbagīle ukukumbukila yumoywēne papapa ukugolosya itolo lilino, mu linogono, kūko ukwēne kwāsīm̄bigwēmo siku ubupāpīgwe bwa mwāna; lyāyobīle, “Abēne bapāpīle abanabalumiana na bānabalīndwāna.”

581 Lilino, i Bāngéli likupa ubusīm̄be bwēne ubwa bāna batatu ukuya bapāpīgwe kwa Adam na Eva, kangi yula āli Kaini, Abelo, na Seti. Lilino, linga bōsa batatu bala ukuya banyāmbāla, linga bakālīko abakīkūlu bakāpāpīgwe, kangi polelo akabalilo kāko ugwakikīkūlu mwēne (Eva) āfwīle, uluko lwa būndu angali lwīmīle ukuyako palapala pala, panongwa yakuti pakabagīle ukuyapo injila ku bēne uku—ukuya nakilikyosa. . . uluko lwa būndu ukuya lukīndililēge, panongwa yakuti pala bakabagīle ukuyapo abakīkūlu nabamo basyēle. Eva angali ikuya yo yumoywene ntiga. Lōli, umwe muketile, abēne batikusīm̄ba i—i mbāpīgwe sya bāna balindwana, mu li Bāngéli, popāpo lēlo abēne bābagīle ukuya nabalindwana ukufwana na balumiana.

582 Lilino, unsīm̄bi ugwaiyolo, yumo mwa basīm̄bi baiyolo fiyo uswe tulinabo, Josephus, ikwiyobela abēne bāli na bāna malongo mahano na mabili, kangi Adamu na Eva; yumo mwa basīm̄bi baiyolo fiyo, “abāna malongo mahano na mabili, kangi abēne bāli bosa-babili banabalumiana na banabalindwana.”

583 Lilino, linga. . . Kangi polelo linga Kaini ābūkīle ku kīsu kya Nod. . . Lilino, linga umwe mukukētésya, unsīm̄bi āli fiyo, fiyo gwamahala ikusīm̄ba apa. Ngimba umwe mwākētésisye mūmo umwēne ālyāndīsye ilyēne?

Mu Edeni, akabalilo kâko abêne bâli ba bâna mu Edeni . . .
 Lilino, komma mu ngunda gwa Edeni, u nsimbi âmênye ikyo.
 Aligwesa uyu âsîmbîle akakalatasi aka, âyobîle: **Akabalilo**
kâko Adam na Eva bâli ba bâna bâbo mu Edeni . . .

584 Komma mu ngunda gwa Edeni, panongwa abêne bâkagîgwe ukufuma mu ngunda gwa Edeni. Lôli abêne bâkâli bâli mu Edeni, kangî ungunda gwa Edeni gwâlâmbaléle ku busokelo mu Edeni. Lôli Edeni âli ngati kîsu pamo—pamo fiki . . . pamo ikitangalala, kangî polelo Nod âli kitangalala ikingi pamo ikîsu ikipalamani ku kyêne.

585 Lilino, umûndu mwêne uyu Kaini âbagîle ukuya nagwe, pamo ukwêga, âbagîle ukuya ulilumbu gwâke mwêne. Umwêne âfîmbilîsîgwe ukubômba. Panongwa yakuti alipo mwêne ugwakinyâmbala yumoywêne nu gwâkikîkûlu aba abêne bâbagîle ukuti bafumileko, muketile, kangî umwêne âfîmbilîsîgwe ukwêga ulilumbu gwâke mwêne. Lilino, ikyo kyâli kyakwitikîsîgwa mmasiku gala.

586 Kangî Isaki âlyêgîle untâni gwalilopa lyâke lyâkwânda lyêne, Rebeka, ukusûngulîgwa na Kyâla. Sarah âli ulilumbu gwa Abraham, ulilumbu gwalilopa lyâke; komma ukufuma kwa mama gwâke, ukwisila kwa tâta. Muketile, ulilumbu gwalilopa uyu—uyu Abraham âlyêgîle; u mâma unkindâne, lôli u tâtu yumoywêne.

587 Popâpo, umwe muketile, ukwêga pabukamu akabalilo kala, bo i—i lusoko lwa lilopa lukâli ukuya lusitamaka mu luko lwa bûndu, ukwêne kwâli kwâkwitikîsîgwa kangî môsa kanunu. Lilino ukwêne kukaya. Linga ugwe kwêgâga ulilumbu gwâko umwîsyûgu, nukuya na bâna, abêne lumo bikuyaga . . . ena, abêne itolo bikuyaga balemale na filifyosa. Kope ukusuluka ku gwakwânda na ntâni gwakibili balingêganâga siku, muketile, panongwa yakuti ulusoko lwa lilopa lukuya lwapasi kangu ukwendelela pâsi.

588 Lôli ikindu kyêne polelo iki Kaini âbagîle ukubômba, kyâbagîle ukuya, ukwêga ulilumbu gwâke mwêne. Kangî kula ko kûko abâna bâli ukuti . . . Umwêne âlimmwâgîle unkâsi gwâke, alinkubûka nkîsu kya Nod nukumanya umwêne, kangî ukufuma kula a—a bana. Muketile, i . . .

589 Kangî linga umwe mukukêtésya, ukufuma ku lukindi lwa Kaini balinkwîsa abanyâmbala abakomu. Ukufuma ku lukîndi lwa Seti bakwîsa abanyâmbâla bipûti, une ngusanusya, u—u mpesa gwa bugolofu. Palapala pala, babili bala, bâtwéle panja ingindi silasila isi ugwe tukwitûgasyâmo umwîsyûgu.

590 Linga umwe mwîsakukêtésya umwîsyûgu lilino (itolo mukumalisya ililâlûsyô ili): uluyungu lula ulwa Kaini lukâli luliko, kangî uluyungu lwa Seti lukâli luliko. Isyêne syosa-sibili sikwîsa ukusuluka itolo mulamula. Abâna ba Kaini bali muno mu Jeffersonville ikilo iki, kangî abâna ba Seti bâli muno mu

Jeffersonville ikilo iki. Bo ulusoko lwa lilopa lukumalika amaka kangi lukubũka lōli uluyungu pōpe lukũmilisya kulakula.

⁵⁹¹ Lilino, kētésya. Abāna ba Kaini akabalilo kōsa bāli... kangi bo gukālī ubōnangiko bwa mōgesyo, abēne bāli bāndu bakōmu: basayansi, bamanyisi; kangi biputiputi fiyo, lōli kyālī kipāmba ikitāgigwe. Muketile? Lilino ketesya, abene baali itolo bo yu tata gwabo Kaini. Kaini, umwene aali nnyambala umwīputi. Umwēne āyēngile ikigemo ikimogi, kangi atēndike ikipanga ikimogi, nukugela ukukitēndēka ikyēne ukuya kimogipo ukukīnda kala akanini akabutumigwe aka Seti āli nako pāsi pala. Ngimba umwe mumenye ikyo? Umwēne naloli...Umwēne āmogīsye ikigemo nu bulēnge, nukutēndekesya ikyēne kimogi, nukukitēndēka ikyēne kimogi; kangi ātēndike ikikulumba, ikinywāmu, ikipanga ikitupano, panongwa yakuti umwēne inogonaga ukuti umwe ābagile ukwāga ulugano na Kyāla mukubōmbēla lūlo.

⁵⁹² Kangi Abelo ābūkile kula nukwakwēga akang’osi akanini, nukwānda ukukwābīla kula ku kigemo, nukukalāmbalika akēne pa libwe nukukagoga akēne.

⁵⁹³ Kangi lilino, linga Kyāla ukuya ngolofu, linga fyōsa ifi Umwēne āfūmbwāga bwāli bwiputi, Kaini iputāga Kyāla nu bwanaloli-ndumbula bu bwīngi mūbwa Abelo bwāyīlīle. Bosa-babili ba abēne bāli banaloli-ndumbula. Bosa-babili ba abēne bāgelāga ukwāga ilipyāna na Kyāla. Abēne bāli nayumo gwa abēne basitalwīputo. Abēne bosa-babili bāli, naloliloli, bitiki mwa Yehova. Lilino, pala, ikyo kikutupa uswe ikindu kimo ikyākwinogonapo.

⁵⁹⁴ Bamo apa ikilo iki une ngababonamo siku, abandu; une ngababonamo umwe siku. Lōli umwe mukukyāgania iki, kangi kyūnga iki mu linogona lyīnu. Muketile? Kali ugwe uli mwiputiputi bulebule, ikyo kikaya na kandu kamo ukubōmba ni kyēne. Ugwe ubagile ukwitūgasyo nkipanga, ugwe ubagile ukuya akabalilo kōsa gwanaloli-ndumbula, kangi ugwe pōpe utāgigwe! Muketile?

⁵⁹⁵ Kangi ugwe kuyoba, “Ena,” ugwe kuyoba, “abatimi bītu bo bakomu ukukīnda bosa, abēne bikwīsa ukwisila mu seminale ukwēga ubumanyi ubununu ukukīnda bosa. Abēne bo bafundakyaala, abēne bamēnya bosa—bosa ubufundakyaala na fyosa bo ifyo. Kangi abēne bo bakomu, bamanyisigwe, balabala fiyo... abasaligwa banunu ukukīnda bosa aba uswe tumenyemo.” Kangi abene pōpe bābagile ukutagigwa! Muketile?

⁵⁹⁶ Lilino Kaini, pa lukindi: abēne bāli, aligwesa, biputiputi fiyo; abāndu abafumuke fiyo; kangi abēne bāli basayansi, kangi bagānga, kangi bayēngi, kangi babōmbi, kangi banyāmbāla bakomu. Lōli uluyungu lōsa lula lwātāgigwe, ukufuma Kaini ukusulu kubutali pāsi.

597 Kangi pa lubafu lwa Abelo: abēne bakāli bayēngi mma pamo bamanyisi pamo banyāmbála bakomu mma; abēne bāli, kifuki, bakwīyúfyā, luko lwa bakusya ng’osi, balimi, aba bēndága itolo na Mbepo.

598 Lilino, i Bāngéli lyāyobīle, “Bukayapo nabumo ubutobesye kwa bēne aba bāli mwa Kristi Yeso, aba batikwenda ukukongesya umbili’mma loli Mbepo.” U nnyāmbala gwamwambepo ali nu moyo gwamwambepo ugu gukabagīla ukufwāmo siku. Kangi unnyāmbala gwamumbili alinako ukusyungutiligwa kwabwiputiputi ukusyungutila umwēne (kangi ikulonda ukwīpúta na fyosa bo ifyo) lōli umwēne yo gwamumbili; koma unsitakwitika, lōli umwitiki gwamumbili; kangi ulu lwāli luko ulu lwātāgīgwe.

599 Lilino, ukufuma pala, Kaini alinkubūka nukwēga unkasi gwāke mu kīsu kya Nod. Lilino, ilyēne litikuyoba ywāni u Seti ālyēgīle, pamo ba ywāni abangi bālyēgīle. Kangi ikindu ikimogi fiyo ikya ikyo ko kumanya ukuti—ukuti, Kaini ikwēga, uswe tulinalyo ilyāmulo ku kyēne. Nongwa yakuti umwēne āfīmbilisigwāga ukwēga ulilumbu gwāke, pamo umwēne . . . pamo pala babagile ukuyapo . . .

600 Bakālipo na bakīkúlu ukōngelelāpo pa kīsu, lōli itolo babagile ukwisa ukufuma kwa Eva. Umwēne āli yo māma gwa bōsa aba būmi. Ikyo kyo, abāndu bōsa aba bāli nu būmi, umwēne āli yo māma gwa ikyēne. Iyo yo nōngwa yakuti umwēne āli . . . Iisyu lyaku *Eva* kokuti “u māma gwa fyābūmi.” Popāpo umwēne ālisile nukupāpa umwāna uyu. Kangi Kaini ālyēgīle ulilumbu gwāke mwēne, yabagīle ukuya yo njila yēne iyi une nābagīle ukukēta ukufuma mwa ikyēne. Popāpo bāliko abāndu ba būmi mu lisiku lila, naloliloli. Muketile? Ena, kangi . . .

Akabalilo kāko Adam na Eva bāli ba bāna bābo mu Edeni . . . Lilino kētésya, ilyo lyo lilālúsyo: Akabalilo kāko abēne bāli ba bāna bābo mu Edeni, ngimba bāliko abāndu abangi pa kīsu pakabalilo aka? Umma! Polelo mu Bwāndilo 5:16, umwe muketile, Kaini ālitūgésye nkisu kya Nod kangi alinkumanya unkási gwāke. Naloli. Muketile?

601 Uyo yo Bwāndilo 1, kūko Umwēne āpelīle u mūndu nkifwani Kyāke Mwēne, iki kyo kyāli mundu-kyala. Kangi mu Bwāndilo 2, Umwēne ātēndike u mūndu ukufuma ku lufumbi lwa kīsu, iki kyo āli mūndu gwābūndu uyu uswe tulinagwe lilino. Kangi polelo, mwa 3 bwāli būgwe, kangi ākagīgwe ukufuma mu ngūnda gwa Edeni; kangi abāna balinkupāpa abāna. Kangi Kaini alinkwēga unkasi nukwitūgasya nu mwēne nkīsy kya Nod, panja, panongwa yakuti Kyāla ālimpāgwīle umwēne ukufuma ku bulilanisi nu nkundwe gwāke mwēne (panongwa ya bufwe bwa—bwa Abelo). Kangi uyo yo yūyo umwēne āli nagwe, ulilumbu gwāke mwēne, nukummwēga umwēne; yo yēne injila

iyi une mbagile, nimwene, mbagile ukuketa muno fikuti—fikuti umwene alyegile.

602 Lilino, ikylene kiyobigwe...Kangi une ngusubila ukuti abinangu abalangi aba bali muno bisakunswaga ubuyobelo ubu, panongwa yakuti ikylene kyo naloliloli kikaya kotalusya mma. Akabalilo kawkanda une nalyagenemo siku aligwesa mbumi bwangu, ukufuma papo une napindwike... Une nali... nalyagene na Nkundwe George DeArk na bala pasi pala. Kangi une nendaga, kangi u Ntwa alinkundongosya une ku kabuyo akanini. Kangi abene bayobesaniaga kuko umundu gwalangi afumileko. Kangi abene bagelaga ukuyoba ukuti u mundu gwalangi, ukuti Kaini alyegile ikinyamana ngati salilankulumba, kangi ukwisila pala palinkwisa panja uluko lwa balangi. Lilino, ikyo kyo kisobi! Naloliloli, ikyo kyo kisobi! Kangi komma nasiku ukwimila ikyo. Panongwa kukaliko nabalangi pamo abelu, pamo balibosa abangi abakindane, ulwene itolo lo luko lumolwene ulwa bandu mpaka ku mogesyo. Polelo ufuma ku mogesyo kangi ikisonge kya Babeli, akabalilo kaho abene balinkwanda ukubalanila, ako ko kabalilo kaho abene balinkwega ilangi syabo na fyosa bo ifyo. Abene bosa bafumile ku mpiki gumogwene. Uko ko katikati kotalusyo. Adam na Eva ali yo tata na mama, bapaku, ba kyabumi kilikyosa ikya kuya bundu iki kiyilemo siku pa kisu. Uko ko kotalusya. Ntiti, mwelu, mbulufu, umfubifu, ugwalyungu, yiliyosa ilangi ugwe ubagile ukuya, ubo bo naloliloli buyo ubu ugwe kwitugasyamo, kangi injia iyakuti—iyakuti i... Itolo ngati...

603 Une ngwinogona une mbagile ukuyoba iki akabalilo kaho une ndi pa kyene. Abandu kuno lilino mu mbagulanio ni ndagilo ni findu abene bikufumusya, une ngwinogona ikylene kyabutoyofu. Une naloli ngwinogona. Pilikisya, baleka itolo abandu bala pabene, abene baménye iku abene bikulonda. Kyala alimpelile u mundu gwa langi, kangi umwene nsangulufu isya ikylene. Naloliloli! Linga Kyala alimbelile une mundu gwa langi, une angali ndinsangalufu isya ikylene; linga Umwene alimbelile une mundu umfubifu, une angali ndinsangalufu; linga Umwene alimbelile une mundu mwelu, une ndinsangalufu; linga Umwene alimbelile une angali ndinsangalufu. Kyala atupelile uswe mu langi, kangi Umwene atupelile uswe mu njila Umwene alondaga uswe, kangi uswe twesa twe bana Bake. Naloliloli! Kangi abene batikubagila ukumana nukubuka mosa bo ulu. Ubo bo busobi ukubomba ikyo. Abene bangabombaga ikylene mma. Kyala atupelile uswe... injila iyi uswe tukulonda iyene.

604 Kangi u mundu gwalangi, umwene atikulonda ukusoka panja pala nukubongotola iyake—iyake ingulilo pamo i langi yake, nukufugania iyene mu nyelu na filifyosa bo ifyo. Une ndikundeyela umwene mma. Une ndikubomba. U mundu ugwalangi ali ni findu ifi u mundu mwelu akaya nukuya

nafyo mma. Naloliloli! Ikyo kyo katikati kotalusya. Kangi Kyāla akālondilēmo abēne ukuya njila yila.

⁶⁰⁵ Ena, kēta. Umundu gwālāngi yo...umwēne yo—umwēne yo...umwēne alinako—umwēne alinako ukumbagilila ukusyungutila umwēne kūko u mūndu umwēlu akaya nako siku. Umwēne alinako ukusangalu-būka-gwalusako, ikyakuti “nsubila Kyāla, kangi itolo leka kyosa ikingi kya ikyēne kibukēge”; kali umwēne akyāgile ikyēne pamo kali umwēne akakyāga, umwe nsangalufu mulimosa. Une ngulōnda ukuya nako ikilundiko kyōsa ikyā kila, ikilo iki, une naloli ngulōnda. Ena, umwēne alinako ikyēne, kangi ikyo kyo kyūma kyāke; abēne batikulōnda ukufulugania ikyēne mōsa nu luko lumo ulūngi nukubongotola ikyēne panja, bōpe. Uko ko katikati kotalusya.

⁶⁰⁶ Une ngwinogona unkīkūlu pāsi pala ku Shreveport ātēndike bumo bwa bununu—bununu ubuyōbelo une mbilikēmo siku mbūmi bwāngu. Umwēne ātēndike ubuyobelo, kangi abēne bākibikīle mu kikalatasi kya nōngwa. Umwēne āsegelile kula, umwēne alinkuti, “Mūmo ifindu ifi fikwēndēla muno, mu mbagulano isi, une ndikulōnda ndikulōnda abāna bāngu ukubūka ku sukulu kwisilya ku sukulu ya bēlu kula.” Alinkuti, “Abēne batisakuya nulupilikisyo abēne bābagile ukuya nalo linga abēne bāli nu mmanyisi gwālāngi.” Uyo yo nkīkūlu unkomu. Umwēne āménye iki umwēne āyobela ngapo, abēne bikuya nu bumanyi ubununupo. Uko ko katikati kotalusya. Popāpo une ngwinogona abāndu bikusoba ukubōmba ikyo.

⁶⁰⁷ Kangi polelo abēne bikuyoba, “Kaini na Abelo...” kangi fila ifingi bo ifyo. Umma, nkulumba! Ilangi yikaya nakamo akakubōmba ni kyēne. Iyēne yo mbepo iyi yili nkati mwa mula iyi yili nako kimo ikyakubōmba ni kyēne. Uko ko katikati kotalusya.

⁶⁰⁸ Popāpo Kaini ālīmnenye unkasi gwāke, kangi yula āli ulilumbu gwāke. Kangi abene. . . umwene ālimmwēgile umwēne ku kisu kya Nod, kangi pala pakwisa panja ifikolo ifikulumba ifya kisu: abiputiputi kangi abatufyi.

⁶⁰⁹ Kangi inogona itolo umwīsyūgu, mwinangu, itolo ima nukwīnogōna pa kabalilo kamo. Ukuti baliko malongo ga maelifu ukōlosya malongo ga maelifu kangi maelifu ga maelifu, aga banaloliloli bāndu babūka-kukipānga, itolo ukuya banalolindumbula kangi babīkīgwe ku kipanga kila abēne babagile ukuya, aba bo itolo batāgigwe bo yu Kaini āli. Muketile? Umwēne yo Kyāla Uyu yo ikusala! Umwēne yo Kyāla Uyu ikusalapo! Muketile? Kyāla Uyu ikupa ikisa! Umfu gukabagila ukuyoba kwa mbumbandeko, umwēne yo mbumbandeka pa mfu. Uko ko kotalusya.

⁶¹⁰ Lilino apa pali limo ilimogi, limo ilikōnge apa:

Mwa Peteri Gwākibili 2:4—2:4 . . .

⁶¹¹ Yumo alinalya i Bāngéli, kulōnda ukusanukila ku Masimbo aga nakalinga itolo akabalilo kāko une ngubala Agēne, linga umwe mukulōnda, kangī mu luko lwa kundūla une mula apa, akabalilo kāko une ngulyāga ililālúsyo ili.

⁶¹² Lilino, pa Kaini uyu kangī—kangī na fyōsa, linga kila kitikwīkutísya ikyēne lilino, umwe itolo unko uswe tuye nakyo ilyēne. Uswe twisakusangalukága . . .

⁶¹³ Lilino Peteri Gwākibili 2:4. Umma ndaga, nkulumba, apa uswe tuli:

66. Peteri Gwākibili 2:4, “Namanga linga Kyāla āli... Namanga linga Kyāla akābapubísye mma a bāndúmi aba batulilw’inongwa, lōli alinkubatāga abēne mu gehena,” polelo nongwa ya fiki Kristi ālumbilile ku mbepo sila mminyololo, mwa Peteri Gwākwānda 3:19?

⁶¹⁴ Lilino, uswe tulinagwe Peteri 2:4, ukwanda. Fyosa fili kanunu:

Namanga linga Kyāla akābapubísye mma a bāndúmi aba batulilw’inongwa, lōli alinkubatāga abēne pāsi—pāsi ku gehena, kangī—kangī alinkubabīka abēne mminyololo gya ngīsi, ukupayiligwa ku bula ubulongi;

⁶¹⁵ Lilino, lilino unko uswe tusyāgānie mwa Peteri Gwākwānda (uyo yo Peteri Gwākibili), Peteri Gwākwānda 3:19, pilikisya ku iki. Apa uswe tulipo, papapa apa. Ifi fisilemo muno itolo, inongwa iyi une ngafisimbile ifyēne mōsa.

. . . iki yōpe . . . ābūkile nukwakulūmbilila ku mbepo isi sili mminyololo;

⁶¹⁶ O, ena, uswe tuli apa. Unko uswe twande pabutasi bwa apo, ilinandi lya 18:

Kabuno Kristi yope . . . akabalilo kamo aakubilwe panongwa ya mbibi, ungolofu ku basitabugolofu, ukuti umwene ābagile ukubatwala uswe kwa Kyāla, ukuya ābīkigwe ku bufwe mu mbili, lōli ānyenyemusigwe na Mbepo:

Na iki pōpe Umwēne ābūkile ku mbepo isi sili mminyololo;

Aba akabalilo kamo bāli basitakupilikila, . . .

⁶¹⁷ Mwinangu mpala, linga ugwe ubagile itolo ukubala ilinandi ilikōnge, kangī pala Ilyēne lilīngēnie ikyēne. Muketile?

Aba akabalilo kamo bāli basitakupilikila, aba akabalilo kamo ubukubilwe-butali bwa Kyāla bwāgūlile mmasiku ga Noa, akabalilo kōsa ingalaba ukuya yikutendekigwa, kūko banāndi, kokuti, imyoyo lwele bāpokigwe ukwisila mmisi. (Muketile?)

618 Lilino, linga umwe mwisakukētésya muno, une ngwinogona undumbilili uyu alinalyo ilingi pa i . . . ikindukimo pa lukindi lulalula, kisakwamuligwága pitasipo.

619 Peteri Gwakwānda 4 . . . pamo 2:4, linga umwe mukukētésya, “kabuno linga Kyāla akabapūbísye mma a bāndúmi,” ngimba u *bāndúmi* yula asimbígwe bulebule? Unnini “b.” Muketile? Lilino, ukukilania kuno, “imbepo isi yāli mmínyololo isi sikāpīndwíke mma mbukubilwe-butali bwa mmasiku ga Noa,” bāndúmi balabala. Abēne bāli banyāmbála: batumigwa, balūmbilili; “akabapubísye mma a bāndúmi.” Ngimba umwe mwamenye ukuti . . . ilisyu *gwāndúmi* likufumila ku lisyu “u ntumigwa”? Balinga bamenye ukuti *gwāndúmi* yo “ntumigwa”? Naloliloli, gwāndúmi yo ntumigwa, “kangi Umwēne akābapubísye mma a bāndúmi.” Muletile?

620 Kangi ukukilania apa mwa Bahiburi, umwe mukukumbukila uswe twākindilemo ilyēne imilungi minandi igi gikīndile, “a bāndúmi”?

621 Kangi ukukilania mu Bahi- . . . mu Busetuli, “Ku gwāndúmi gwa kipanga kya Sardi sīmba ifindu ifi. Ku gwāndúmi gwa kipanga kya Efesi sīmba ifindu ifi. Ku gwāndúmi gwa kipanga . . .” Mukukumbukila ikyo? Kangi uswe twabopísye ilisyu *gwāndúmi* kunyuma, kangi ukufuma ku dikishonale, kangi ukusyāgania ukuti kila kokuti “u ntumigwa.” Ikyēne kibagíle ukuya “u ntumigwa pa kisu, untumigwa unkindakipeligwa,” ilifyu *gwāndúmi*.

622 Popāpo mu bugelo ubu, linga uswe twabagíle ukwēga i lekisikoni nukulyēndesya ilyēne ukufugomokéla, ugwe kwisa kusyāgania ilyēne likwānda ukufuma “batumigwa, abatumigwa bākawānda.” Muketile, “Linga i . . . Linga Umwene akāpūbísye mma . . . Kabuno linga Kyāla akāpūbísye mma a bāndúmi aba batulilw’inongwa,” (Muketile?) “kangi ifindu ifikindafipeligwa,” (Muketile?) “ukufuma pa kugúlila . . .”

Lilino kētésya, umwene āyobíle:

. . . linga . . . akāpubísye mma a bāndúmi aba batulilw’inongwa, lōli alinkubatága abēne pāsi ku gehena, kangi alinkubika abēne mmínyololo gwa ngísi, ukuya bapiyilígwe ku bulōngi;

623 Polelo keta mula mwa Peteri Gwākibili apa kangi, 3:19, kētésya mūmo iki kikubalila lilino:

Kabuno ukwisila mu iki yōpe ābūkíle nukwakulūmbilila ku mbepi sila mmínyololo;

Isi akabalilo kamo syāli nsitakupilikíla, akabalilo kāmō ubukubilwe-butali bwa Kyāla bwāgúlíle mmasiku ga Noa, . . . (muketile, abēne bāli batumígwa ba lisiku lila, batumigwa) . . . akabalilo kāko i ngalaba

*yāli yikutendekesígwa, mūmo...kokuti, imyoyo lwele
gyāpokígwe na mīsi.*

624 Lilino linga ugwe mukuketesya akabalilo kako ifindu fila fyāli ku Mwanya. Lilino, ukukilania mu Busetuli 11...pamo untu gwa 7, une ngusūbīla...pamo umma, umma, ugwēne go ntu gwa 12. Umwēne ikupa ipicha ya nkīkūlu imile; u mwēsi pa ntu gwāke kangī ilisuba...pamo, ilisuba pa ntu gwāke kangī u mwēsi pāsi pa njayo syāke. Kangī i nyifwīla ingesefu yālimile ukunyafulania i Mwanike nakalinga pāpo Umwēne āpāpīgwe, kangī umwēnw alinkwēgwa unswīgāla gwāke nukukwāba ikiyabo kimo mwa fitatu fya ndondwa sya ku Mwanya nukusitāga isyēne ku kīsu. Ngimba umwe mwākētesīsyē ikyo? Lilino, ikyo kitikusanusya ukuti Sētāno ali nu—nu nswīgala untali ukuti umwēne ākwābāga abāndu ukusyūngutīla, lōli “akapāngo aka umwēne *āyobāga*,” kangī kalinkukwāba ikiyabo kimo mu fitatu ikya ndondwa sila. Indondwa sila syāli luyungu lwa Abraham.

625 Abrahamu alinkuti, “O...”

626 Kyāla ālimbūlīle Abraham, “Kēta mmwanya ku myanya, kangī bala i ndondwa linga ugwe ubagīle.”

627 Umwene alinkuti, “Une ngabagila ukubomba ikylene.”

628 Umwēne alinkuti, “Nanūgwe utisakubagila ukubala uluyungu lwāko,” i ndondwa.

629 Ngimba ywāni yo Ndondwa Inyēlu kangī Yakulubunju? Yeso gwa Nazareti, ummulike ukukinda bōsa aba bayīlēmo nu būmi mu mbili gwa būndu. Umwene yo Ndondwa Iyakubala kangu Yakulubunju. Kangī Umwene yo Luyungu lwa Abraham, ukwisa ukwisila mwa Isaka. Kangī uswe, ukuya bafwe mwa Kristi, tukwēga pa Luyungu lwa Abraham kangī tuli bingilakilingo ukufwana nu lufingo.

630 Popāpo indondwa sya kumwanya similiāga imbepo sya mūndu apa. Kangī akabalilo kāko i nyifwīla ingesefu (Roma, pāsi pa bufwimefwime bwābo) balyūbatīla ifiyabo fibili mwa fitatu ifya...pamo ikiyabo kimo mwa fitatu ifya ndondwa, kangī ukutāga isyēne pāsi, kula kwāli pa kukomelēla kwa Ntwa gwītu Yeso akabalilo kāko abēne bālimpikīle Umwēne kangī Umwēne āli...nukuntāgīla Umwēne panja nukuya nakyo nakimo ikyākubōmba na Mwēne; pala kyālipō ikiyabo ikyabutatu ikya ndondwa syabāndūmo, ifīndu fya bāndūmi.

631 Muketile, mu mbili gwīnu, nkati mwa umwe... (uswe tuli nalyo ililālúsyō ilingi pa ikyo, nukutalula, ukulyāmula ilyēne kanunupo). Popāpo akabalilo kāko...Nkati mwa umwe yo mbepo, umūndu uyungi. Panja pa ugwe yo mūndu yumoywēne, nkati mwa umwe yo mūndu uyūngi. Popāpo nkati mwa ugwe yo kikīndakipeligwa, panja pa ugwe yo kipalamasigwe. Muketile? Kangī ikindu iki, linga ugwe kulongosígwa-na-Mbepo, na Kyāla, ugwe gwālisīle ukuya ntumigwa gwa Kyāla, pamo u gwāndūmi.

U *ntumigwa* gwa Kyāla, u *gwāndúmi* gwa Kyāla, yo lisyu lilalila; kabagila ukulipāgulānia ilyēne: u ntumigwa gwa Kyāla, pamo ugwāndúmi gwa Kyāla.

⁶³² Kangi ngimba yo aliku uyu ali na maka makulumba ukukinda? U Gwāndúmi ukufuma ku Mwānya pamo u gwāndúmi pa kigémo? Ngimba aliku alinakyo icyēne? U gwāndúmi kukigémo! Paulo atile, “Linga u Gwandumi ukufuma ku Mwanya ikwisa nukulumbilila inongwainunu yiliyōsa iyingi kwa umwe ukukinda iyi yīyo une ndalile ndūmbilile, ndeke umwēne agunigwége.” Popāpo ugwāndúmi apakīgwe na Mbepo Mwikemo kangi ni Lisyu likwīma kifuki na Kyāla. Uko ko kotalusya. Ku Mwanya, u bulagili bwake . . .

⁶³³ “Amaka gosa ku Mwanu kangi pāsi gapēgigwe nkiboko Kyangi. Būka, kangi une ngwisakubūkāga na umwe. Kilikyōsa iki ugwe kupinya pa kīsu, Une ngwisakupinya ku Mwāne. Iki umwe mukwābula pa kīsu, une nisakwābūla ku Mwanya.”

⁶³⁴ O, linga i Kipanga ikiikemo ikikulumba kyaabagiile itolo ukusyagania amaka gaake ukuboomba ifindu ifi! Looli kulipo ukwiilaamwa kwiingi fiyo nulutende nukutetema, ukuswiiga linga ikyeene kisakubombigwa, “Ngimba kibagiile ukubombigwa?” Pene paapo kila kiliko, i Kipanga kikabagilamo siku ukwiima mmwanya. Kangi akabalilo kaako ukuyoba kulikosa kwa lutende kusookilepo kangi u Mbepo Mwikemo yo loosa ali mbulagili bwa Kipanga, polelo ulutende loosa lukiindile, kangi i Kipanga kila kili na maka. Muketile? Fiki, abeene bali nafyo filifyosa ifi ku Mwanya kuli nafyo panyuma pa beene. Abeene bo bimilili ba Kikota. Naloliloli! U mwimilili gwa Kristi ali na maka, kangi kilikyosa iki Kristi ali nafyo fyo fyaake fya mwimilili yula. Kangi Umweene alinkuti, “Buuka umwe nkīisu kyosa, umwe mwe baketi Baangu ukufuma paapo u Mbepo Mwikemo isile pa umwe.” Kangi ngimba unketi yo fiki? Yo mwimilili; yo ikwiisa nukubiikila ubuketi ikindukimo. Amaka goosa ga ku Mwanya gali mulamula mmaboko gaako! O, ngimba nongwa ya fiki uswe tukwituugasya? Kangi ikipanga kitikupaapa, kangi uswe tukwituugasya kisitakweenda. Yo nongwa yakuti uswe tutikufyaagania ifindu ifi.

⁶³⁵ Lilino, imyoyo igi gyaali mminyololo (igi gikaapiindwike mma), gikaali findu fyaBaandumi mma ifi fyaa—fyaasopeligwe paasi mbubumbe bwa Baandumi, looli ifyeene gyaali mbepo sya fila ifindu fyabatumigwa aba baagwile bo ulwalo lwa kiisu lukaali ukwaaligwa, kunyuma kula akabalilo kaako ubwiite bwaabuukile panja ku Mwanya. Kangi Seetano kangi—kangi inyifwila fyalwiile kangi polelo . . . pamo Mikayelo kangi—kangi i—i nyiifwila fyaalwiile (na Lusifala). Kangi Lusifala aasopiigwe panja na baana bake boosa (boosa a baandumi aba umweene aasyobile), kangi abandumi bala bikwisa ku kiisu kangi balinkufiimbilisigwa ukuya baandu. Kangi akabalilo

kaako abeene baaboombile, apo po paapo “a baana ba Kyaala babakeetile a baanabalindwana ba muundu baali banunu, kangi balinkwiyeegela ku been abakasi.”

⁶³⁶ Abeene bo banabalumiana ba Kyaala. U mundu aligwesa uyu apaapiigwe nkiisu iki yo mwanundumiana gwa Kyaala. Kali umweene yo ntulwanongwa pamo iki umweene ali, umweene yo mwanundumiana gwa Kyaala. Apeeliigwe nkifwani kya Kyaala panongwa ya ndufyo sya Kyaala, umweene apeligwe mu njila yila. Looli Kyaala ku bwaandilo aamenye ywani ikummwambililaga Umwene kangi ywani uyu atisakumwambilila Umweene. Polelo Umweene aabagiile ukusungula-ngaani, pamo, ukusita kusungula-ngaani, looli ukwisila mu kumanyila-ngaani Umweene aabagiile ukumanya yuuyo aabagiile ukupokigwa na yuuyo akaabagiile ukupokigwa, kabuno Umweene aamenye yo mundu nki aabagiile ukweega yo mbepo nki.

⁶³⁷ Kangi imbepo sila isi syaalisile ukufuma ku Kikota kya Kyaala, kangi sikwiima pankyeeni pa Kikota kya Kyaala, kangi fyali fyuumi . . . kangi ma biliyoni na mabiliyoni kangi ma aeyoni ga kabalilo bo i kiisu kikaali itolo nukwaanda, mu Kuyapo kwa Kyaala, ngimba umwe mukwinogona abeene bakamanya ikindikimo ikya lwiputo? Kangi ifyeene fissile paasi kangi ukwisa itolo mwa muundu, kangi ifyeene fikwiipuuta Kyaala! Naloliloli, ifyeene fikwiiputa Kyaala; kangi fili nu bumanyi bwa Kyaala, kangi ifyeene fikomu, kangi fyabukomu, kangi fimanyi, akabalilo kosa. Looli Kyaala aafikaanile ifyeene ukufuma ku bwaandilo!

⁶³⁸ Popaapo polelo, mwinangu, ubwingila bwa kipanga, pamo—pamo ubumanyi bwa bufundakyala bumo pamo ikindikimo, kikaya nakyo nakimo ikyakubomba ni Kyene. Ikyeene kibagiile ukuya Lilopa Iya Yeso Kristi kangi ubupaapigwa ubupya ubu bukukuluungisya Ugwe ukuya muundu yumoyweene. Mwaketa umwe apo.

⁶³⁹ Kyaala, mbwandilo akabalilo kaako Umweene aameenye ukuti. . . Abanyambala na bakiikulu babuumbiigwe yumoyweene, komma babili, abeene baabuumbiigwe yumoyweene. Abeene baapaaguligwe, yumo aabikiigwe mu mbili kangi yumo mwa kyala-mundu. Umweene aameenye ikyo. Popapo ukuti ukusisimikisya ikyo kwa ugwe: akabalilo kaako Kyaala aabumbile unkiikulu, Umweene akalyeegilemo umfu gumo nukumbumba umweene ngati Umweene aaboombile u nnyaambala; Umweene aalyeegile ulubafu ukufuma kulubafu lwa Adam, kangi umweene alinkuya kyombo-palubafu kya nnyaambala (panongwa yakuti umweene aali kiyabo kya mweene). Umwe mukukupilikisya lilino? Muketile? Mwaketa umwe apo.

⁶⁴⁰ Abeene bo baandumi. Kangi Kyaala ni mbepo iyi yaalungisenie na Kyaala yo Mbepo yumoyweene. Uko ko

kutalusya. Lilino, u Mbepo gwa Kyala uyu ikwitugasya mu Kipanga, yo Mbepo uyu isile ukufuma ku Mwanya, uyu Kyaala aameenye bo lukaali ukwaaligwa ulwalo lwa kiisu, aba baapiikile ubusyobi bwa moohesi. Kangi imbepo yila yaafimbilisigwa ukweega umbili gwa nyama ukuya... ukweega ingelo syaake. Umweene aafimbilisigwaga ukwisa mu mbili ngati aba abaangi baaboombile, kangi bosa ba beene baafweele iliyooko ilifwaane. Kangi Kyaala, ku bwaandilo, aamenye imbepo isi syaabagiile, kangi isi sikaabagiile mma. Mwaketa umwe apo. U moohesi yula nkomu fiyo umweene aabagiile itolo ukusyooba balabala abasaligwa, linga fyaali fyakuboombigwa.

⁶⁴¹ Popaapo imbepo isi, abaandumi aba aba baaluumbililaga, baali mminyololo; *baandumi*, linga umwe mwisakukeetesya ikyeene apa, ikyeene kyo “b” unnini iki kokuti “nnyaambala”; baandumi, batumigwa apa pa kiisu. Abeene batulilw’inongwa, kangi injila yeene abeene baabagiile ukutulw’inongwa yaabagiile ukuya kusitakwitika! Kangi injila... Abeene baali nu bwipuuti bwaabo, kangi abeene bakaalitike i ndumi ya Noa mma. Abeene bakaalitike i ndumi ya Enoki. Kangi abeene baapiikile i Ndumi yaabo, “kangi baatobesiigwe,” i Baangeli lyaayobile abeene baali.

⁶⁴² Enoki aasolwile ku beene, alinkuti, “U Ntwa ikwisa na maelifu kalongo ga biikemo Baake.”

⁶⁴³ Kangi abeene balinkusolola. Kangi Noa alinkuyeenga ingalaba, kangi abeene balinkuti, “Umweene yo mwikemo-mbunguluka! Umweene yo mumilisi! Lukayapo nu luko nalumo ulwa kiindu ngati fula ukwisa.” Kangi ifyiinja mia yumo na malongo mabili filinkubuuka, kangi umweene aali nu bwipuuti ubu bwaali nu bupoki mu bweene, pala yaalipo injila ya kubopelako yateendekiigwe, looli abeene baalikutisiigwe nkayiilo kaabo.

⁶⁴⁴ Iyo yo njila ikyeene kiyiilile umwiisyugu, ukuti abaandu bikutisiigwe nkayiilo kaabo. Looli yilipo injila ya kubopelako, kangi injila yila yo kwisila kwa Yeso Kristi. Ameni. Mwaketa umwe apo: ikikolo kimokyeene, imbepo yimoyene.

⁶⁴⁵ Kangi abeene baali naloliloli baandu biipuuti, biipuuti fiyo, looli abeene balupoondilwe ulufingo lwalwitikano.

⁶⁴⁶ Momumo kiyiilile ikyeene umwiisyugu. Mundu ikubuuku ku kipanga, nukwilungisya ku fipanga ifinywaamu, nukugela ukuya mundu umfumuke fiyo nkaya. Linga abeene bikuloonda ukwilungisya ku kipanga, abeene bikweega ikinywamu ukukinda bosa nkaya, abanunu fiyo kangi biinogoneligwakanunu nkaya. Bo butali buki abene bikipondwa ukubilikigwa! Bo butali buki abene bikipondwa Ikyene!

⁶⁴⁷ Injila yeene ugwe kwisa kumanyamo siku Yeso Kristi ko kwisila mu busetuli bwamwambepo, komma ukwisila mu bufundakyala kangi bo bwingi buki ubu ugwe ufundile ili

Baangeli. Kali ugwe gwe gwa Christian Science, Methodisti, Jehovah Witness, pamo kilikyosa ugwe guli; kali ugwe uli fiki, ugwe utisakumanyamo Ilyene ukwisila mu Lisyu, ikyene yo Mbepo gwa Kyala ili likusetula Umwene kwa ugwe. Ikyene kyo busetuli bwamwambepo!

⁶⁴⁸ Akabalilo kako Adamu, mu ngunda gwa Edeni, kangi Eva, akabalilo kâko abâna bala bakâgîgwe panja, apa ikwîsa Kaini nu bufunda-kyâla ubununu. Umwêne alinkuti, “Kyâla abagîle ukumanya ukuti uswe tukubômba iki kubununu ukukînda—ikukînda kwa ndumbula yângu. Une nguyêngâga ikigemo ikimogi, une ngubîkâga amaluba pa kyêne, une ngubîkâga ifipaso pa kyêne, une ngukitêndekâga ikyêne kimogi. Naloliloli une mbagîle ukuntengulila Kyâla na iki nukummanyisya Umwêne amanyêge une ne gwabwanaloli-ndumbula mu ndumbula yângu.” Umwêne âli nталусу na mûmo i Lisyu lyâbûkilâga; Kyâla âlondâga ulwîpûto, umwêne âbûkîle ku kwîpûta. Umwêne âli nu buyo ubumogi ukwiputilamo, ubukumba, i katedro innunu (mûmo abêne bikuyikôléla umwîsyûgu). Kangi umwêne âtêndîke iyêne kanunu, umwêne âyêngîle ikyêne kanunu nukubîka ikigemo mu yêne; umwêne akâli nsitakyala mma.

⁶⁴⁹ Lôli Abelo, pa Lisyu lya Kyâla... Likâlîko nili Bângéli lisîmbîgwe akabalilo kala, lôli Kyâla *âsetwîle* ku mwêne ukuti ikyêne kikâli kipaso iki kyâtwéle uswe ukusôka mu ngûnda gwa Edeni, ikyêne kikâli ma apulo aga Adam na Eva bâlîle, ikyêne kyâli naloliloli findu fyakugonana ifi fyâpâgwîle abêne nukubayabania abêne. Kangi bo bamenye ukuyi bâlîsile ukuya bakufwa, kangi ukwisila mu lilopa lya Adam, kangi ukwisila mu lilopa lya njoka iyi yâlyândîle iki, Abelo, ukwisila mu busetuli Bwakyala, alinkubûka nukwêga akang’osi nukupa akêne. Kangi Kyala alinkuti, “Ikyo kyo Kyene!” Naloliloli.

⁶⁵⁰ Akabalilo kâko abêne bikusuluka pa Kyâmba Kwanduka, Yeso alinkuti, “Ngima yone ywâni abându bikuyoba Une ne Mwanundumiana gwa mûndu?”

⁶⁵¹ “Bâmo bikuyoba Ugwe gwe ‘Môse,’ kangi bâmo bikuyoba Ugwe gwe ‘Eliya,’ kangi bamo bikuyoba Ugwe gwe ‘Yeremiya,’ kangi bamo bikuyoba Ugwe gwe ‘Nsololi yula.’”

⁶⁵² Umwene alinkuti, “Loli Ngimba umwe mukuti Une yone ywani Une?”

⁶⁵³ Peteri alinkuti, “Ugwe gwe Kristi, u Mwanundumiana gwa Kyala gwabumi.”

⁶⁵⁴ Umwêne alinkuti, “Nsayîgwa gwe ugwe, Simoni Mwanga-yona, namanga umbili nililopa fikasetula iki kwa ugwe.” (Kêtésya!) “Komma kângi mma ukwisila mwa mwakalata, komma kangi mma ukwisila mu sukulu; ugwe ukâmanuilémo ikyêne mu seminale, pamo ukuti yûmo âkubûlîle ugwe. Umbili ni lilipo fikasetula iki kwa ugwe, lôli Tâta Gwângu yu ali

ku Mwanya yo asetwile iki kwa ugwe. Kangi pa ilyalabwe ili Une nisakuyenga i Kipanga Kyangu, kangi ifipata fya gehena fikabagila ukupōnjola Ubwene.” Mwaketa lelo umwe. Ikyo kyo Kipanga kya Kyala gwabumi. Ikyo kyo icyene. Pa kipanga kila... Pa *busetuli* buli, i Kipanga iki kiyengigwe. Ubwene bo Busetuli ubu Kyala asetwile, ukuti Yeso Kristi yo Mwanundumiana gwa Kyala, kangi umwe mumwītike Umwēne ukuya Mpoki gwa ugwe pagwīmwenē, ugwe ukilēnie ukusuma ku bufwe ukubuka ku Būmi.

655 Kangi Mbepo Mwikemo ikwēnda nu kubōmba mu mbakasya sya Mbili ugu. Pala kilipo i Kipanga! Kali icyēne kyo kilōndo, kangi kili kya butumigwa, kangi ugwe kwīma pāsi pa mpiki gwa paini pabuyo bumo, pamo kilikyōsa icyēne kili, linga icyēne mo munyumba ya mundu yumo ndukomano bwa kusofu, kali ukwēne kūko icyēne kibagile ukuya. Ubumogi na findu fitikunye Kyāla. Ukwēne ko bwanaloli-ndumbula bwa ndumbula ukwisila mu busetuli kūko Yeso Kristi atwāligwe ukuya Mwanundumiana gwa Kyāla, gwagwīmwenē Mpoki gwiu. Amen!

656 Mwe, uswe... ugwe utikwēgamo nasiku ifi, ukukindamo bo ulo, bule uswe?

657 Fila fyo fila fifyo... ukukilania kula Umwēne ābūkile; abāndūmi: abatūmigwa, abalūmbilili bala, bala abamahala, bala abatūmigwa aba bakālītike mma akabalilo aka Noa ābūkile ukulūmbilila ku bēne nukubabūla abēne, “Fiki, isaga mu ngalaba iti.”

658 Abēne balinkuti, “Pilikisya ku mbukuluka-mwikemo uyu. Pilikisya kwa mumilisi yula. Fiki, yikayako ni fula nayimo. Ywani apilikemo uluko lwa kindu ikyo? Fiki, mwe, ngimba uswe tukaya ni fipanga? Ngimba uswe tukaya bīputipūti?” Fiki, abene bāli bīputipūti!

659 Yeso āyobīle iyēne yikuyaga ngulilo iyi yākīndīle itolo akabalilo kala, yikuyaga ngulilo yila iyi yikupīndukāga kangi itolo kifuki ku Kwisa Kyāke, “Mūmo ukwene kwayilile mmasiku ga Noa, momumo ukwene kwisakuyilaga mmasiku ga Mwanundumiana gwa mundu. Kabuno abēne bālyāga, bānwāga, bēgāga, bapēgigwāga mbwēgi.” Abēne bāli nagwe Reno, Nevada akabalilo kala, kubuyo bumo. Abēne bāli nu luko lwa butoyofu bōsa ulu abēne bali nalo umwīsyūgu; ukwendendeka, nu kusāla, nukutēndēka isekelo, abafyugūla na fyosa bo ifyo; ukuya nu luko lwa bunyakyala, loli ukukana u Bwanaloli bwanaloliloli: u lwitikano, i Ndumi ya ipyana. Kyāla ukutēndēka injila Yāke, kangu ukupa abāndu Bāke—Bāke ulwītikāno, mūmo abēne bābagīle ukubopēla; Ikyēne kyāli nu bupoki mu kyēne, ubupōki bwāli bo buyo ubwakubopelako.

660 “Ngimba uswe tukufūmbwa fiki nu bupoki?” Umwīsyūgu abāndu bikuyoba, “Ngimba uswe tutikwitugasya pāsi pa

luko ulununu ulwa demokalasi ulwa sikali? Ngimba uswe tukufumbwa fiki?"

661 Une ndikupāsyā bo bwīngi nki bwa luko lwa demokalase bwa sikali uswe tukwitugasya, uswe tukufumbwa i Lilopa lya Yeso Kristi. Kutalisya! Uswe tukufumbwa Kristi. Une ngupālisya uluko lwa demokalase lwa sikali; ikyo kikaya nakyo nakimo ukubōmba nu bupóki bwa moyo. Naloliloli! Isikali sila sisakukīnda, kangi ikikolo kilikyōsa kisakukīnda. Kangi une nimilepo pa...kūko abafarao bālīmīle, kangi ugwe kufimbilisígwa ukukumba amafiti malongo mabili pāsi pa mfu ukwakwāga ifikota pāpo abēne bitūgasyāga. Bōsa abafarao ni fitangalala fyāke ifya kīsu iki, na fyōsa fya findu ifikunguyuke fisakutoligwa nukusōkāpo, lōli Yehova isakulagilaga kubwilanabwila, kabuno Umwēne yo Kyāla nsitakufwa. Nubukafy Pibwe lya Kristi Yeso uswe tukwīma, panongwa ya ifisu fyosa fyo misanga yakwibila.

662 Ndikupasya kali ikyēne kyo...fitangalala fisakufyūka nukutoligwa, lōli, o, kikayapo nakimo, une ndikupāsyā kali ikyēne kyo kalikōsa, kikayapo nakimo kilipo, nakimo kilabo, nakimo (njala pamo ngubilwo pamo kalikōsa) fibagīle ukutupagulania uswe ukufuma ku lugano lwa Kyāla ulu luli mwa Kristi. Akabalilo kāko u mūndu apāpīgwe mwa Mbepo gwa Kyāla, umwēne yo kipeligwa kangi mma kya kabalilo, lōli umwēne yo kipeligwa kya Syēpwa. Amenī. Umwene akīlénie ukufuma ku bufwe ukubūku ku Būmi. Umwēne akīlénie ukufuma ku...Umwēne akīlénie ukukīnda akambakasya ka kabalilo, ukwingila mwa Syēpwa. Umwēne akabagila ukupyutígwamo siku! Kangi Kyāla āfīngile ukuti Umwēne isakumfyūsyā umwēne mmasiku ga bumalikisyo.

663 Popāpo abēne babagīle ukuya nafyo ifipānga fyābo ifinywāmu, kangi utubalilo tosa utwīnu utubywāmu, kangi fyōsa ifi umwēne mukulōnda, nukuyoba isunga imbwapufu nukuya ni sālo isya Bunco, ni sekelo sya mposya na filifyosa ifingi ifi umwe mukulōnda; nukuya nu ndumbilili ummanyi imile pala. Lumo umwēne abagīle ukubōmba imbombo innunupo ukukīnda bamo mwa balumiana abanini abaiyolo aba kifuki kisitakumanya aba ABC bābo. Lōli une ngubabūla umwe u bwānaloli, une kinunupo nje nu ndumiana akāmenye abaABC bāke ikulūmbilīla kwa une (uyu āmenye Kristi) ukukīnda bōsa abafundakyala abakulumba aba baliko nu bumanyi bwābo bābagīle ukwinogonelígwa. Naloliloli!

664 Paasi apa mu Kentuck, pakaya patali mma, akalumiana kanini kaiyolo aka kaatooligwaga nukubala ingamu yaake yeene, alinkuti u Ntwa aalinkooliile umwene ukuluumbilila kangi umweene aaloondaga inyumba ya sukulu. Fiki, abakulumba balinkusita kundeka umwene ayenayo iyeene. Undumbilili yumo unkulumba ikwisa pabwa pala nikyakukoleleela pa ngamu yaake bo *ulo*, Yumo unkulumba

dokotala gwa syakjala, fiki, abeene balinkumwitikisya umwene aboombelege inyumba yile. Naloli. Alinkuya nu luyigo lwa milongo mibili, komma nu moyo gumogweene. Kangi ugwiise alinkugomokela ku nyuma, alinkuti, “Lilino umwe mwitikisya umwene aboombelege iyeene, une ne nsonga songo, une ndinabo ubwabuke ukuti undumiana gwaangu ukuya nayo iyeene. Kangi undumiana gwaangu yoope mpapo iyeene.”

⁶⁶⁵ Popapo umweene alinkugomokela ukwakusyaagania, nukubasuma abeene, abeene balinkuti, “Ena, uswe twisakumwitikisya ukuti aye nayo iyeene kisita kusalapo ikilo ibili.” Kangi abeene balinkukiindilila nukummwitikisya umwe aboombelege iyeene ikilo ibili.

⁶⁶⁶ Kangi ikilo kila undumiana unnini ugwaiyolo yula alinkwima pamwanya pala kangi aatoligwaga nukubala i Baangeli, alinkuya na yumo ukubala ilisimbo lyaake. Loli akabalilo kako umwene alinkwenda ukubuuka ku kigemo, umwene aalyoneeligwe nu Mbepo Mwikemo. Kangi akabalilo kaako umweene aaluumbilile, kifuki malongo mabili bikwisa ku kigemo; kangi undumbilili ugwakwiteendeka-mweene alinkukuuta injila yaake unkikulu yula ukukiinda Kalvari, ku kigemo.

⁶⁶⁷ Naloli, nkundwe, ikyeene kikaya—kikaya iki ugwe umeenye, ikyeene kyo Yuuyo ugwe umenye. Iyo yo fundo, ikyo kyo iki kikweegela, ikyeene kikweegela ukummanya Kristi. Ukummanya Umwene, bo Bumi; ku ukunkana Umwene, bo bufwe.

⁶⁶⁸ Nakalinga ku malaalusyo agangi, amalaalusyo lilino aba bikubuuka ukusuluka ku Georgia:

67. Ngimba fyo fiki amabwe mu...gikwimilila mu Busetuli 21:19 na 20?

⁶⁶⁹ Linga umwe mukuloonda ukwiyeekela ukwigula a maBaangeli giinu, iki uswe tukaya nakabalilo kingi fiyo lilino, looli une ngugelaga ukwaamula agene lilino. Busetuli malongo mabili- . . . Une ngusubila iyeene yo 21:19 na 20. Ena.

⁶⁷⁰ Umma ndaga, nkati mula umwe mwisakusyaagania ukuti umweene aayobaga isya mabwe aga gaali nkiyumba. Kangi amabwe gaali lwaalo. Linga umwe mwisakukeetsya. . . Une ngusubili umwe mupaagile apeene pala, Nkundwe Neville. Kangi ilibwe lililyosa lyaali lwaalo. Komma ilibwe limolyeene u lwaalo, kangi agangi. . . Looli ilibwe lililyosa lyaali lwaalo. Ilibwe lililyosa lyaali lwaalo lwakukiindilila. Kangi agene gaali mabwe kalongo na mabili. Kangi linga umwe mwisakukeetsya amabwe kalongo na mabili gala, gikupa liliyosa. . . Taasi ukwaanda na yaspala, na sardiysi, kangi na fyosa bo ifyo, ukwimilila ilibwe lililyoosa.

⁶⁷¹ Mwi Baangeli mula umwe mwisakusyaagania ikyeene kyaakooleligwe amabwe gamo. Gamo ga gene ubukiindane

bunini, umwe mukapilikamo siku isya ikyeene. Linga ugwe kukeeta kunyuma mwa dikisyonale ugwe kwisakusyaagania ilyeene lyo libwe lilalila, itolo ingamu ingiindane; yaanduligwe.

⁶⁷² Looli ilyeene likwanda itolo na—na yaspala. Yaspala lyaali libwe lya—lya Benjamini, pamo, ilibwe lya...o, umwanundumiana gwakipanda, Reubeni. Ilibwe lyaakwaanda aali Reubeni, uyu yo aali yaspala. Ibwe lyabumalikisyo aali Benjamini, ibwe ilyabumalikisyo pamwanya.

⁶⁷³ Lilino, amabwe kalongo na mabili aga gaago ulwaalo lwalyaaligwe pamwanya, gala—gala amabwe kalongo na mabili gapayikigwaga pa sahani ya pakipaambaga ya Aaroni. Kangi ageene—ageene gimililaga, umweene aali yo mputi nkulumba gwa fila—gwa fila ifikolo. Liliyosa lya mabwe gabupaapigwe bwaabo nkati mula, mu iyi—isahano iyi. Kangi akabalilo kaako abaandu bayibweene isahani iyi, abeene bakibweene ukuti Aaroni aali yo mputi nkulumba ugwa kila kikolo kyoosa, akabalilo kaako abeene baaketile ibwe lya bupaapigwe mu buyo ubu.

⁶⁷⁴ Lilino, akabalilo kaako uswe twafikilemo ulubunju ulu mu ndumi ya Nkundwe Neville. Kangi ko kingikingi abeene baatwaalaga u Urimu Tumimu. Umwe muketile ikyeene kiyobigwe mwi Baangeli ukuya yo njila abeene baamenye kali indumi yaabo yaali Bwanaloli pamo mma. Amabwe gala, akabalilo kaako abeene baabukaga ukuyobela iki unnyaambala aayobile, unsololi aasolwiile, kangi amabwe goosa gala gaandalikaga palikimo. Ikyeene kyaateendekaga ukubungaania kwa bwelu ubu bwegaga u safiri, na yaspara, kangi kabankulu, na gosa gala amabwe agangi ukundalika ubwelu bwaabo, ikyeene kyaapelaga ilangi ya kipingafula kimokyeene ikikulumba ikinywamu iyi yonganiaga ikindu kyosa palikimo.

⁶⁷⁵ Lilino, lilino, umwisyugu, akabalilo kako Yurimu Tumimu āsōsigwēpo nu bupūti bula, lilino ili Bangeli ili lyo Yurimu Tumimu gwa Kyāla umwisyugu. Kangi akabalilo kāko undumbilili ikulūmbilila, ikyēne kilingayaga itolo ubuyo ubunini bumobwēne apa, kangi ikyo kyo kyosa umwēne ikubika isubilo syāke syōsa pala; ikyēne kikufimbilisigwa ukuya i Bāngéli lyōsa likundalika i ndumi iyi unnyāmbala ikulūmbilila. Ikyo kyo kīndu. Komma itolo ubuyo bumobweene, kangi nukuyoba, “Ena, i Bāngeli likuyoba *iki*.” O, naloli, Ilyene likuyoba ifindu fi fiñgi. Lōli ugwe kufimbilisigwa ukutēndéka ikyēne kyōsa ukubikigwa palikimo. Kangi akabalilo kako u Mbepo gwa Kyala ikwisa kangi ukufika mu i—i Lisyu, Ikyēne kikubika ikyēne kyōsa palikimo nukundalika u Lumuli lumolwēne ulunywamu ulukulumba, kangi u Lumuli lula lo Yeso Kristi. Amen.

⁶⁷⁶ Lilino, amabwe kalongo na mabili aga gāli lwālo ulu lwālyāndīle pala ukufuma pa Reuben, kangī Gadi, kangī ukukīndilīla pāsi kwa Banjamini; ifikolo kalongo na fibili, amabwe kalongo na mabili. Kangī amabwe gala mu Tempeli, yo Yerusalemu umpya Gwakumwanya, ulwaalo lulilōsa lwisakwāLīgwa pa yumo mwa bātāta.

⁶⁷⁷ Lilino kētésya, umwe kētésya amabwe, lilino umwe mwisakukētésya abātāta bala bandalikígwe mulamula nkati nkindukimo ikingi, itolo mu lilālusyo ilingi.

68. Lingānia—lingānia ikyākina. . . ifyabūmi fina ifya Busetuli 5.

⁶⁷⁸ Nkundwe Neville, linga ugwe guli nakyo kila papapo apo kifuki, pamo mwe bamo ba umwe, ikya Busetuli 5, uswe twisakubala iki itolo ku miniti. Ikyēne kyo—ikyēne kyo kibonekelo kimogi apa ikya. . . Apa, une ndinapo apēne nimwēne, Busetuli ntu gwa 5:

Kangi une ndinkukēta nkiboko kya mwēne yūyo ālitugesye pamwanya—pamwanya pa kikota ilibūku lisīmbigwe nkati na panja kangī—kangī—kangī ku lubafu lwa kunyuma, lifungigwe na fūngilo ihano na sibili.

Kangi une. . .

⁶⁷⁹ Lilino, ubo bo kukaya buyo mma. Une ngulōnda ukufika itolo panini pankyenipo, ifyābūmi fina. Unko uswe tukēte, ilinandi lya 14. Umma ndaga, nkulumba. Lilino, apa uswe tukubūka, ikyo kyo kitalusye. Lilino unko uswe twānde apa pa—pa linandi lya 12, umma, une ngusakikisya i. . . “Kangī ifyābūmi fina fyāyobīle, ‘Ameni.’” Umma, pala bulipo ubuyo ubunini kunyuma kwa ilyo, Nkundwe Neville. “Kēta, une nāpilike amasyu. . .”

⁶⁸⁰ Unko uswe tukēte, itolo iminiti, une nābalaga ilyēne akabalilo kanini lululu ulu. O, ap uswe tulipo, unko uswe twānde pa linandi lya 6. Ilinandi lya 5:

Kangi yumo mwa bakulumba alinkuyoba kwa une: kēta, i Ngalamu ya kikolo kya Yuda, u Nsisi gwa Davidi, yibōmbile yipōnjwīle ukwīgūla i būku, kangī ukwābūla i. . . ififungilo.

Kangi une ndinkukeeta, kangī. . . nkati nkikota kangī. . . ifyaabuumi fina, kangī, nkati mwa bakulumba, alinkwiima u Kang’osi ukuya, iyeene yaagogigwe, yili ni mitu mihano na mibili kangī ifisige fihano na fibili, isi syo Mbepo sihano na sibili. . . situmiigwe panja ukufuma. . . ukubuuka ku kiisu.

⁶⁸¹ Une ngulonda umwe ukukolelela ililaalusyo ilyo, kangī ling aune ndikulikola ilyeene paasi apa muminiti, une ngulonda ukulitwala kangī, une nguloonda ukuboombela pa ikyo, “i

Mbepo sihana na sibili isya fisige fihano na fibili ifi fyaali pa Kang'osi." O, ikyo kyo naloli kindu kimogi. (Ena, uswe tukuloonda ukweega ililalaalusyo lya nkundwe uyu lilino.) Umma ndaga, komma ukwiibwa ikyo lilino.

Kangi umweene alinkwisa kangi alinkweega ilibuuku ukufuma kukiboko ikiliilo kya umweene uyu aalituugesyee pa kikota.

Kangi akabalilo kaako umweene aalyeegile ilyeene, ifyaabuumi fina kangi a bakulumba bana na malongo mabili balinkugwa paasi pankyeeni pa kang'osi, . . . aligwesa gwa beene ali ni fisango, . . .

⁶⁸² Lilino, ifyo fyo—fina—ifyaabuumi fina apa, linga umwe mukukeetesya. Lilino unko uswe tukiindilile nkyeeni nukubala itolo pankyenipo panini:

. . . ifisango fyagolidi, . . . fiiswiile ni sahani ni fyaakunungisya, . . . kangi inyiputo sya biikemo.

Kangi abeene balinkwiimba ulwiimbo ulupya, . . . Ugwe gwe ubagile. . . (kangi balinkukiindilila kangi balinkuteendeka ifyaabo. . . ulwiiputilo lwaabo loosa kwa Ntwa)

⁶⁸³ Lilino, ifyaabuumi ifi ifya Busetuli, linga umwe mwisakukeetesya ifyeene, ubuyo buliboosa. . . (Umwe babala I Baangeli, kangi baabo u muundu uyu isakupilikisya ubusiimbe bwa i tepi iyi). Ifyaabuumi fina fila, ifyeene fyaali ni fisyo fina: kimo kyaali ni kisyo bo muundu, ikingi kyaali ni kisyo bo ngambako, kangi ikingi kyaali bo ingwasi, kangi ikingi ikifyo kyaali bo ingalamu. Kangi ifyeene fikaagomokilemo siku kunyuma, ifyeene fikabagiile ukugomokela nyuma.

⁶⁸⁴ Balinga bikukumbukila ilubuuku ilikuulu lya Busetuli akabalilo kaako abeene baamanyisya ilyeene ifyinja ifi fikindilepo, akabalilo kaako une naalyeegile kifuki fyinja fibili apa pa Buuku gwa Busetuli? Bingi ba bandu-baiyolo bikukumbukila.

⁶⁸⁵ Keeta, abeene bakaabagiile ukubuuka kunyuma, panongwa yakuti injila yiliyosa ifyeene fyaabukaga ifyeene fyaabukaga nkyeni. Linga ifyeene fyaabukaga injila *iyi*, ifyeene fyaabukaga ngati muundu; linga ifyeene fyaabukaga injila *iyi*, ifyeene fyaabukaga ngati ngalamu; fyaabukaga injila *iyi*, ifyeene fyaabukaga ngati ngwasi; linga ifyeene fyaabukile injila *iyi* ifyeene fyaabukaga ngati ngambako. Muketile, ifyeene fikaabagiile ukubuka nyuma, ifyeene fyaabukaga nkyeni akabalilo koosa.

⁶⁸⁶ Lilino ifyaabuumi fina fila. Lilino ukweega iki nakalinga, 'nongwa yakuti une ndikuloonda ukwituugasya katali fiyo pa iki. Looli ifyaabuumi fina. . . I *kinyamana*, mwi Baangeli, kikwiimulila "amaka." Kangi umwe mukukeetesya ifinyamana

ifi fyaali panja pala mwa suumbi pamo pa nyaanja pabuyo bumu fikwiisa mmwanya, looli ifyeene fyaali ku Kikota kya Kyaala, kang'i ifyeene fiipuutaga Kyaala. Ifinyamana fina fila fikusanusya amaka mana aga gaatupwiike panja pa kiisu, kang'i amaka mana gala syaali syo Nongwainunu ina: Matai, Mariko, Luka na Yohani; yumo atikulwaana nu yungi unnine.

⁶⁸⁷ Kang'i yumo mwa beene, i . . . Ukuya Nongwainunu ikubuuka panja ukuya ngalamu, ikyeene kyo kyaakwikasya, ikyeene kyo kikifu; i Nongwainunu yo ngifu bo ngalamu, kang'i ikyeene kyo mwalafyale bo yi ngalamu. Linga ikyeene kikubuuka kubwa kiisyo kya muundu, ikyeene kyo kikomu kang'i kiyaanja bo muundu. Linga ikyeene bo ngwasi, ikyeene kili na mapiko amengo kang'i ifyukano isyapamwanya. Ikyeene . . . Mukukeeta iki une ngusanusya? Linga ikyeene kikukubuuka bo ngambako, ikyeene kili falasi ya mbombo iyi yibagiile ukukwaaba, ingambako iya mbombo iyi yibagiile ukukwaaba u—u—u nsigo gwa Nongwainunu. Ifinyamana fina fyaali maka mana, aga gaali: Matai, Mariko, Luka, na Yohani; i Nongwainunu ina isi sikukukuba panja mu Kuyapo kwa Kyaala. Kila kyaali . . .

⁶⁸⁸ Linga umwe mukukeetesya, ifyeene fyaali ni fisige mu nkyeeni na munyuma. Ifyeene—ifyeene . . . Kulikoosa ikyeene kyaabuukile, ikyeene kyandalikaga. Ifyeene fyaakeetaga kulikosa ifyeene fyaabuukaga. Kang'i aga go maka ga Nongwainunu bo iyeene yibuuka panja, iyeene yibagiile . . . Iyeene yili nubukomu bwa muundu; iyeene yili nu bwengo bwa ngwasi; iyeene yili na—na—na—na maka, amaka gakukwaabila, umpimba—misigo ngati ngaambako; iyeene yili nu—nu kwikasya nu bukifu bwa ngalamu. Muketile, isyeene syo Nongwainunu ina, aga go maka mana ga Busetuli, untu gwa 4.

Syosa silikanunu, lilino ilikoonge:

69. Ngimba bo ba ywani abakulumba malongo mabili na mana?

Umma ndaga, une ngwitika ukuti ikyo kikuyaga pa u—u . . .

Ngimba bo ba ywani abakulumba malongo mabili na mana?

⁶⁸⁹ Lilino ikyo itolo kipepe, uswe twaabagiile ukufika ku kyeene. Abakulumba malongo mabili nab ana baalituugeesye pankyeeni pa Kikota. Ikyo kyo nkati mwe . . . Une ngusubila ikyeene kyo mu linandi 4, ko kuuko ikyeene kikwaagigwa. “Kang'i pala palinkubuuka panja ikingi . . .” Une mbagiile uku . . . Unko uswe tukeete, une ndinako . . . 4:10.

⁶⁹⁰ Syosa silikanunu, u Busetuli, untu gwa 4, amanandi ga 10. Ubo bo bwanaloli. Uswe tukufikaga ku ikyene.

Kang'i a bakulumba bana na malongo mabili balinkugwa paasi pankyeni pa umweene uyu aalituugesye pa kikota, kang'i balikummwiipuuta umweene ikuya muumi bwilanabwila, kang'i balinkusopa ingiga syaabo pankyeni pa kikota bikuyoba,

Ugwe gwe ubagiile, O Ntwa, ukwaambilila u lwiimiko nu luyiindiko na maka: kabuno ugwe upelile ifindu fyoosa, kangu panongwa ya bukuyeele bwaako ifyene fili kangu fyaali fipeliigwe.

⁶⁹¹ Lilino abakulumba bana na malongo mabili. Unkulumba yo nketi gwa pamwanya. Lilino keetesya, abeene baali baataata kalongo na babili kangu batumigwa kalongo na babili. Kangu abeene baalituugesye, kalongo na babili ulubafu lumo kangu kalongo na babili ulubafu ulungi. Pala baali malongo mabili kangu bana abakulumba, aba bo baali batata kalongo na babili pa lubafu lumo, u Lwiitikano Ulukulu, abatungwa kalongo na babili pa lubafu ulungi, ulwa Lwiitikano Ulupya. Ngimba Yeso akāyobīle, “Umwe mwisakwitūgāsya pa fikota kalongo na fibili, mukulōnga ifikolo kalongo na fibili ifya Israeli?”

⁶⁹² Lilino, inyibuko. Keeta, pala pope gulipo nu mpiki nkati mula. Kangu u mpiki ku mbafu syosa ibili gukupa uluko kalongo na lubili ulwa fipaso. Kangu igyeeene gikupa ifipaso fyaabo kamokene umweesi guligoosa, iki kyo myeesi kalongo na mibili nkyinja. Ifyeeene fikupa uluko kalongo na lubili ulwa kipaso ikyinja kilikyosa bo ikyeeene kikukiindilila. *Kalongo na ibili*, mu mbalilo ya “nyii puuto”, umwe muketile. Kangu baalipo malongo mabili nab ana, baabagile ukuya malongo mabili nab ana, abatungwa kalongo na babili kangu abaatata kalongo na babili. Abeene biitugesye ku Kikota.

⁶⁹³ Umma ndaga, lilino ilimandi lya 4, pamo, ililaalusyo lya buna:

70. Ngimba undisi unkesefu gwimililaga fiki mu Bwaandilo 38?

⁶⁹⁴ Indisi unkesefu, linga umwe mwisakukeetesya, ugweene aali Yuda. Kangu umweene aali na banabalumiana, kangu yumo mwa banabalumiana baake aalyeegile unkiikulu gwa kiKenani. Kangu u nkikukulu gwa kiKenani uyu akaali na baana balibosa mma, kangu u mwanundumiana gwaake alinkufwa. Polelo, ululaagilo akabalilo kala lwaali ko kweega . . . umwanundumiana unkonge aabagile ukweega unkasi gwa nkulu gwaake, nukukusya imbeyu ku bafwe. Kangu u nnyambala uyungi akaapilikiile mma nukuboomba muumo umweene aabagiliile, kangu u Ntwa alinkungoga umweene. Polelo umweene aali mwanundumiana uyungi; popaapo Yuda alinkuti, “Guulila mpaka umwanundumiana uyu ikweendesya . . . ikukulapo mpaka pa buyo paapo ugwe ubagiile ukwegana nagwe.”

⁶⁹⁵ Kangu akabalilo kaako umweene aakulile ku buyo bwaakuti umweene aabagiile ukwega unkasi gwa bakulu bake babili abatasi, ena, umweene aabagiile ukummweega umweene akabalilo kala, ukukusya imbeyu ku bakundwe bake aba ba . . . aba baafwiile pankyeni paake. Yuda akalimpeepele unkiikulu yula (unkiikulu gwa kiKenani) umwanundumiana, undumiana, kangu itolo alinkundeke umweene abukege ukukiindilila. Popaapo

umweene aaketile ukutu umweene aabombaga ubusobi, popaapo umweene ikusooka panja nukuniemba ikikingo pa kisyo kyaake, nukwituugasya mbuyo bwakilundilo ukuya bo gwamalaya aabagiile ukwituugasya.

⁶⁹⁶ Yuda ikwisa kifuki kangi alinkweega unkiikulu ukuya nkasi gwaake, kangi umweene aali gwamalaya, nukwitugasya nu mweene. Kangi alinkuti, umweene unkiikulu alinkuti, “Ena, fyofiki ugwe kwitikisaniaga na nine?” Kangi umweene . . . umweene alinkuti . . .

⁶⁹⁷ Umweene alinkuti, “Une ngumpa umweene aka—aka mbene.” Umweene alinkuti, “Ena, mbapo une ikimanyilo ukuti ugwe kwisakuboomba ikyeene.” Popaapo umweene alinkweega ingili yaake nu lusambo lwake na fyosa bo ifyo, kangi alinkukyunga ikyeene.

⁶⁹⁸ Kangi akabalilo kaako abeene baatweele akambene, abeene balinkutoligwa ukummwaga ugwalamaya yula, ’nongwa yakuti umweene akaali gwamalaya mma.

⁶⁹⁹ Ukukinda akabalilo, umweene alinkubonekela kula ukuti umweene ikuyaga yo maama. Kangi akabalilo kaako umweene aabonekiile kula ukuti umweene ikuyaga yo maama, abeene balinkwisa ukumbula Yuda, “Unkamwana gwaako aboombile ikiyabo kya gwamalaya.” Balinkuti, “Panongwa yakuti umweene—umwene ikuyaga maama, kangi abalumiana baako bosa-babili bafwiile.”

⁷⁰⁰ Umweene alinkuti, “Ena, umweene ikukooleligwaga panja, kangi nkokya umweene.”

⁷⁰¹ Kangi popaapo umweene alinkutumumu ilisya kwa Yuda, kangi umweene alinkuti, “Unnyambala uyu aaboombile iki, aali ni ngili iyi kangi ulusambo ulu.” Umma ndaga, yula aali nkoyi gwaake.

⁷⁰² Kangi umweene alinkuti, “Umweene yo ngolofupo ukukiinda muumo une njiilile.”

⁷⁰³ Lilino, akabalilo kaako umweene aamenye ukuti abaana baake baabagiile ukupaapigwa, abeene baali bambasa. Kangi akabalilo kaako u mbasa . . . U mwanike ugwaakwanda uyu ayaga pakupaapigwa, ulwiho lwa kiYuda ulwaiyolo, umwanike ugwakipanga ali nu bwaabuke bwa kupaapigwa, umwanike ugwakipanda ukulepulila panja. Kangi ikyo, kumbukilaga, ali mwana gwaake gwaakipanda. Nayumo mwa bosa balumiana baali na baana mwa mweene. Umweene akaalimo nu mwanike mpaka akabalilo aka.

⁷⁰⁴ Kangi akabalilo kaako umwana gwaake gwakipaanda alepuliile paanja, ikyeene kyaali kiboko itolo. Kangi umpapisi alinkubiika akenda akakesefu ukusyungutila ikyeene, panongwa yakuti akalisi akakesefu kaayobaga isya lutabulo

ulu umwana gwakipaanda gwa mfunde Maria isaga ukuya . . . ukuya nu ndisi unkesefu gwa lutabulo.

705 Kangi akabalilo kaako umweene akwaabile ikiboko kyaake ukugomokela, uyungi yula alikwisa ukutala. Kangi akabalilo kaako umweene aaboombile, balinkuti, “Nongwa ya fiki ugwe uboombiile iki? Uyungi yula yo ali nu bwabuke bwakupaapigwa.”

706 Polelo ikyo kyo iki Bwandilo 38 ikusanusya, umwe muketile, ukuti umwaana gwaakipaanda akaali aasyeele mpaka ukwisa kwa Ntwa Yeso Kristi, ukuti ugwakwanda aali paasi pa lulagilo lwa lutabulo.

707 Umwe mumenye une naayobile . . . akambunda akanini, umwe mumenye, une njobilepo, ukuti ifisigwe fyaake fyaali . . . kilikyosa ikingi, imbulukutu syaake syabongotwiike, looli, linga umweene nu bwaabuke bwakupaapigwa, akasitabusobi, akapelesya akang’osi kaafwiile mbuyo bwaake. Apo ikyeene kilipo.

708 Popaapo ifyo fyaali panongwa ya bwaabuke bwaakupaapigwa. Umwana ugwakipaanda uyu alepulile panja ukufuma kwa maama, kangi abeene baakeetile ikiboko kila (kangi bameenye ukuti akene kaabagiile ukugomokela kangi). Kangi akabalilo kaako umweene aagutile panja ikiboko kyaake ukubonesya ukuti umweene aali nabo ubweene, umweene aali gwakwaanda yula, umpaapisi alinkupinya akalisi akakesefu ukusyungutila ikyeene, kangi umweene alinkukwaabila kunyuma ikiboko kyaake. Muketile? Looli, naloliloli, umweene aali gwakwaanda. Gula gwaali ndisi unkesefu, undisi unkesefu guli . . . injila yoosa ukukiinda i Baangeli, ugweene gukusanusya ulutabulo; iki kyasosolaga kunkyeeni ku mwana gwakipanda ikwiisa.

709 Ifalasi yakipaanda yipaapigwe, ing’ombe yakipaanda yipaapigwe, kali ikyeene kyaali fiki, kilikyooosa iki kyaapaapigwe kyaakwanda (iki kyaalisile panja) kyaali paasi pa lutabulo, kyabagiile ukutabuligwe,; kilikyooosa kyaafimbilisigwaga ukutabuligwa! Haleluya! O, ikyo itolo kikunsangalusya une. Ngimba umwe mukupilikisya ikyeene? Iky *kwaanda* kyafimbilisigwaga ukutabuligwa. Ulweene lwaali lulagilo. Yisayigwege i Ngamu ya Ntwa!

710 Kangi akabalilo kaako Yeso Kristi aapaapigwe, Umweene aatabwiile ikiisu kyosa. Naloliloli, Umweene aaboombile. Umweene aali Ntabuli gwa kipeligwa kilikyooosa iki kyapeligwemo siku pa kiisu. Umweene aali Ntabuli. Kangi ku . . . ubutabuli boosa bulaambalele mwa Umweene, kangi injila nayimoyweene na panandi ubagile ugwe ukwiisamo siku ni mbombo innuu, ukwiisila ukwingila ikipaanga, pamo kilikyooosa ikyeene kili; ugwe kufiimbilisigwa ukwisila mu ndisi unkesefu gula, yula u Ntabuli, yula u Ntabuli nkamu.

Umma ndaga, lilino ilikoonge lyo:

71. Ngimba ifikuungilwa fili kugu...Ngimba fyo filiku ifikuungilwa ifi fyakutumigwa ukufwaana nu bufwe bwa baketi babili ba Busetuli 11?

O, Nkundwe Palmer, linga ugwe ukabagila ukulaalusya amalaalusyo gamo!

⁷¹¹ Lilino, ubutabulo, imilisi igi apa, undisi unkesefu ugu, uswe tukukeeta ikyeene kyanusyaga ulutabulo.

⁷¹² Lilino ililalusyo ilikoonge lyo:

Ngimba fyo fiki ifikuungilwa fwa mu Busetuli 11?

⁷¹³ Kakwiisa akabalilo . . . Lilino apa pikuya ngapo ilyaamulo ili lyaalyaamuligwe ikilo ikingi, ili undumbilili mwinangu gwa une aasiimbile isya baYuda, muumo ikyeene kikuyaga.

⁷¹⁴ Lilino abaYuda aba bali ni fyiinja fitatu-na-sinda fifiingigwe ku beene. Balinga bamenye ikyo? Imilungu malongo mahano na mabili gyafiingiligwe. Alinkuti, “Mesiya isakwiisa nukutumiligwe pakatikati.” Ifyiinja fitatu-na-sinda Kristi aalumbilile, aagogiigwe katikati mu fyiinka fitatu-na-sinda, ifyinja fitatu ni myesi mihano-na-gumo Umweene aaluumbilile.

⁷¹⁵ Kangi polelo ikyamwiiko iki kikupela ubusaame, i—i kisilamu kya Omar kyaabiikigwe pa Buyo Ubwiikemo; muumo Kyaala aayobile ifyiinja abamia malongo mabili-na-bahano bo kikaali ukuboneka. U nsololi aakibweene ikyene, kangi aketile ikyene, kangi alinkuyoba abeene bayaga pakuboomba, a Baapanja, bisakuyaga mbwenekaya pala mpaka akabalilo ka Baapanja kikumalikaga.

⁷¹⁶ Lilino fikaali filipo ifyiinja fitatu-na-sinda fyaafingiigwe. Linga umwe mukukeetesya, abaketi aba ba Busetuli 11 bikusolola amasiku elifu yumo, abamia babili na malongo mahano na limo; katikati ifyinja fitatu na sinda. Lilino . . . kangi abeene baali mfisaka. Lilino, keetesya ubutumigwe bwaabo, iki abeene bali. Lilino, abaketi babili aba bikugogigwa.

⁷¹⁷ Lilino, i . . . Abeene bagomokiile ku baYida ukufuma pa Kunyakiligwa kwa Kipanga kya Baapanja. I Kipanga kya Baapanja kikubuuka ku Kaaya ku Lusekelo lwa Bweegi, kangi bo muumo Rabeka aalyegigwe mbuyo bwa Abraham na Isaka kangi kula aalyegiigwe. Kangi Rabeka na Isaka bikwisa panja nu bwenenakyo boosa bwa filifyosa ifi Abraham aali nafyo, ikyeene kyoosa kyaabuukile kwa Isaka. Naloliloli! Kangi ikyeene kikaabagiile ukwiisa kwa Isaka mpaka ikyakwaanda aalyegiile. Oh haleluya! Mwaketi umwe lelo.

⁷¹⁸ Kangi Kristi ikuya . . . Kyaala ikwituugasya mbupelelesye, umbili umonangiike loosa bwilanabwila kangi ukukiinda Syeepwa. Akabalilo kaako u Kang’osi nu Nsiingiligwa beegeene ku Mwanja, Umweene unkiikulu ikusooka panja mbwenenakyo

bwafyoosa. Naloliloli! Isaka na Rabeka baasookile panja mbwenenakyo bwafyoosa.

719 Kangi akabalilo kaako ulusekelo ulu lukuboombigwa ku Mwanya, ukwa Nsiingiligwa, u Nsiingiligwa Gwaapanja ukweegigwa kwa Unsooka (Mwanundumiana gwa Kyaala), mu Lwiimiko; akabalilo koosa abeene bikweegana, filipo ifyiinja fitatu-na-sinda ifi fikuyapo akabalilo koosa i...Moose na Eliya...

720 Iki, Moose akayongilemo mma siku... umma, umbili gwaake gwaapiimbigwe ukusoosigwaapo. A Baandumi baalimmwegile umweene, umweene akaafwile mma, umweene akaabolile mma siku. Umweene aali yo kyakwegelela ikipelelesye kya Kristi. Umweene aafwile kangi a Baandumi balimpimbile umweene ukunsoosyaapo, kangi yoope na moohesi akamanya kuuko umweene aasyiiligwe, kangi aagelile ukukanikana na Mikayelo u Gwaandumi-nkulumba isya kusyiligwa kwaake. Ikyo kyo iki i Baangeli lyaayobile. Kyala aalimmwegile umwene mu Kunyakiligwa.

721 Kangi Eliya, akabalilo kaako umweene endaga pala, unsololi gwa Kyaala, alinkusulukila ku Yorodani, ikufuula ikikingo kyaake nukutika amiisi, kangi umweene alinkupaagukana ku kiliilo na kukiimama. Umweene alinkufyuka pa kyaamba. Elisha alinkuti... Alinkuti, "Ngimba ugwe kungoongesya une panongwa ya fiki?"

722 Umweene alinkuti, "Une nguloonda ifiyabo fibili fya Mbepo gwaako."

723 Alinkuti, "Ugwe gusuumile ikindu ikikafu, looli linga ugwe kumbona une bo une ngubuuka." Umweene alinkuumiliisya amaso gaake pa mweene.

724 Kangi ukukiinda akabalilo, ukusuluka ukufuma ku Mwanya kulinkwiisa iligileta lya moto kangi a Baandumi ba moto, ifalasi sya moto, kangi Eliya alinkwitoga pala nukubuuka mmwanya mu Lwiimiko. Umweene akagonjilemo ifwa siku, umweene aasamisiigwe, umweene ikufiimbilisigwa ukufwa!

725 Kangi linga umwe mwisakukeetesya abasololi babili aba Busetuli 11, abeene bikuboomba ikindu kilakila ikifwaane iki Moose na Eliya baaboombile. Ugwe kuyoba, "Nkundwe Branham, ngimba ugwe kusanusya ukumbula une ukuti Eliya na Moose bakaali bali nu bumi?" Naloliloli!

726 Fiki, pankyeni pa Kyaamba Bwaanduke... Ku Kyaamba Bwaanduke, bo Yeso akaali ukubuuka ku Kalvari, pala palinkwiima bosa-babili Moose na Eliya bimile pala bikuyoba ku Mweene. Naloliloli, abeene baaboombile, abeene bakafwa mma. Kangi abeene bakaafwiilemo siku; abeene bo baakufwa, abeene bikufimbilisigwa ukufwa. Popapo abene bali itolo nkayilo kalwimiko bikugulila akabalilo kala.

⁷²⁷ Kangi polelo akabalilo kako abene bikwiisa ukugomokela nukuluumbilila katikati ifyinja fitatu-na-sinda paasi pa kupakigwa kwa Loosyo lwa Mbepo Mwikemo, akabalilo kaako isayo syeegiigwe ukufuma ku Baapanja (kangi i Kipanga kyeegiigwe mmwanya); kangi ikitalale, ikipanga kyanyiho kikufwiimigwa paasi ngati mmbwa, na bakikomyunisti ni kibugutila kya Roma, kangi akabalilo kaako abeene bafwiimiigwe paasi nukugogigwa. Abeene—abeene bagogiigwe akabalilo kala; abasololi aba bikuluumbilila ifyinja fitatu-na-sinda, kangi i Baangeli lyaayobile abeene baagogiigwe nkakulumba...mu lukiindi, lukukooleligwa mwambepo, Sodomu na Igupti, kuuko u Ntwa gwiitu aakomeleliigwe. Uko ko kunyuma kula mu Yerusalemu; muketile, ukugomokela mu Yerusalemu, ukukooleligwa mwambepo.

⁷²⁸ Kangu abeene baalaambalele pa lukiindi amasiku matatu ni kilo fitatu. Kangi polelo ku bumalikisyo bwa masiku matatu-na-sinda, umbepo gwa buumi alinkwisa mwa beene kangi abeene balinkufyuuka mmwanya. Abeene baafiimbilisiigwe ukufwa ukuya bo baakufwa, abeene balinkufimbilisiigwa ukubomba ikyeene. Kangi akabalilo kaako abeene baagogiile abaluumbilili babili...

⁷²⁹ Abeene baluumbiliile ukulwana nubusobi, kangi abeene baatweele u moto ukufuma ku mwanya. Ngimba ywani aaboombile ikyo? Muketile? Abeene baatweele ifigwaya ukufuma ku mwanya, kangi balinkutika ikisu nakalinga bo... kangi pa kablilo kalikosa abēne bālondeḷāga. Abeene baatweele u moto ukufuma ku mwanya. Kangi abeene balinkwimisya ku mianya ukuti ifula yingagwaga, nu butali ubu abeene baaloondaga. Ngimba yo ywani aali yula? Katikati Moose na Eliya. Kangi pala po bala baketi babili.

⁷³⁰ Kangi akabalilo kaako abeene baakubilwisye ikipanga, pamo ikiisu, ukwisila mu kulumbilila kwaabo, nukwambilila ukugomokela kwa baYuda, nukubatwaala abeene kangi ku lupindiko, ukubatwala abeene kangi ku kwitika pa...Akabalilo kaako abeene bikumbona Yeso ikwiisa lilino panongwa ya Nsiingiligwa, abene bisakuyobaga, “Keta, uyu yo Kyala gwiitu Uyu uswe tukuguulilepo. Uyo yo Mwene!” Looli Umweene atikwisila abeene mma; Umweene ikwisila panongwa ya Nsiingiligwa Gwaake. Kangi u Nsiingiligwa Gwaake...

⁷³¹ Akabalilo kaako Yosefu aabuukile mu Igupti, umweene akaalyeegile abakundwe baake nu mweene, looli umweene aali nu nsiingiligwa gwaake mula. Naloliloli! Looli akabalilo kaako umweene aalifumwiisye mweene ku bakundwe baake, akaalipo nayumo alipo. Uko ko katikati kutalusya. Kangi akabalilo kaako Umweene ikwifumusya ku baYuda aba, batisakuyapo nabamo kula looli ba baYuda. Pala bo bala baabo balingogiile Yosefu, bimile pala; kangi umweene alinkuti, “Ena, une ne Yosefu, ukundwe gwiinu.” Kangi umweene aakuutile.

732 Kangi abeene balinkuti, “Lilino uswe tumenye tuli mu nongwa, panongwa yakuti uswe twaalingogile umweene.”

733 Ikindu kilakila, abaYuda bala bisakuya na kabalilo akakulumba aka butolwe itolo kifuki ku kwisa lilino, isya lufwiimo ukubabopesya abeene ukugomokela kwa kiisu kya kukaaya. Ikyeene ukubakaga abeene ngati kibugutila kya ng’osi ukugomokela ku Kyaamba Karmeli kwiisiilya.

734 Akabalilo kaako u Ntwa Yeso isakwiisila u Nsiingiligwa Gwaake, kangi abeene bikumbona Umweene, abeene bisakuyoba, “Uyo yo Yula uswe twaaguulila ngapo, pala Umweene alipo!” Umweene isakufyuuka nu lubumbulusyo mmapiko Gaake. Uko ko kotalusya.

735 Kangi ikipanga, abasyaale ba baYuda, akabalilo kaako abeene kubumalikisya bikugoga abasololi babili aba, kangi abeene baalaambaleele ndukiindi mwambepo ulu lukukoleligwa Sodumu na Igupti, kuuko u Ntwa gwiitu aakomeleliigwe, abeene bikutuma ifyaabupi yumo ku nnine (ikiisu kikuboomba).

736 Lilino, Nkundwe Palmer, ugwe gwaketa lelo. Keeta kunyuma mu syaambukulu sya Roma kangi mwe mwisakusyaagania kilipo ikiisu kimokyeene itolo nkiisu kyoosa kyaatumilemo ifyaabupi ukufuma pa bwiite, ikyo kyo Kitangalala kya Roma.

737 Iyo yo nongwa une nguyoba ukuti u ndwananakristi ikwiisa ukufuma mwa Roma. U kinyamana ikwiisa ukufuma ku Roma, ikyeene kikabagila ukufuma ku Moscow. Ikyeene kikufuma ku Roma, inyiifwiila ingesefu yaliimile pa nkiikulu yula ukulasulania u Mwanike gwaake ukufuma paapo Akeene kapaapigwe. U mōhesi yula, ngimba ko kuugu aaliko mōhesi yula? Ngimba aali ywani ikyeene? Kaisala Ogastusi uyu aatumile panja kangi aagogile abaana boosa ukufuma ifyiinja fibili ukwikilila paasi. Inyiifwiila ingesefu, inyiifwiila, *kinyamana* kokuti “maka.” A maka ga kiRoma gafwiimaga nukugela ukummwaga yula Kristi Mwanike.

738 Kangi ikindu kilakila! Akabalilo kalikoosa ukuti abaRoma, abaRoma abaiyoli abiiputafifwani baalisibile ukuya nu buponjoli ubukulumba, abeene abeene baalisibile ukutuma amabwe ameelu na filifyosa yumo ku yuungi, ukuya fyaabupi ngati lula, ukuya fikuumbusyo. Popaapo amabwe gala aga gaali. . Iki ikyeene kyaali, fyaali fyaabupi finini fitumiigwe pakati pa kipanga kya Roma. Naloliloli! Katikati. Ikyene kyo kibagile ukuya.

739 Une naliimile palapala pala mu Kaya Vatican kangi nakeetesisyemo mu li Baangeli. U paapa ukufwaala ingiga yabutatu, *Vicariivs Filii Dei*, ifindu fyosa fila ifi une naapilike na fyosa bo ifyo, ubweene bo naloliloli bo bwanaloli; ikibugutila kyabwiputiputi iki kikulagila ikiisu kilikyoosa paasi pa ku Mwanya, kangi ikyeene kikuboomba. Mwaketi ikyeene lelo, ikyeene kyo luulo.

740 Nakimo ukulwana nu Bandu ba kiKatolika (umma, nkulumba), abene bo itolo banunu bo aligwesa yumo uyungi, looli ubwiputiputi bwaabo bo busobi ukufwana ni Baangeli ili. Linga i Baangeli ili lyo litalusye, abeene bo basobi. Abeene bikuyoba abeene batiku. . . “Ikyene kikaya ni mbombo iki i Baangeli likuyoba, ikyeene kyo iki ikipaanga kikuyoba.” Uswe tukwitika ukuti i Baangeli likuyoba nu na maka gapamwanya! Naloliloli, ilyeene lyo Lisyu lya Kyaala.

741 Popaapo umwe mukukeeta apo, amabwe aga gaago gatumigwaga akabalilo kala, aga Busetuli apa, go a—a mabwe aga gaali fyaabupi ifi fyatumigwaga yumo ku nnine. Iki itolo kikubuuka ukunaangisya. . . Ili Baangeli lyaayobile, u Busetuli apa, lyaayobile, “Unko umweene uyu ali na mahala abale imbalilo ya kinyamana. Unko umweene uyu ali na mahala aboombe *kyakuti-na-kyakuti*. Unko umweene uyu ali nu mbepo gwa kikungilwa kimo aaboombe *ikyakuti-na-kyakuti*.” Umwe muketile muumo kiyiilile kipiimba ikipanga kili?

742 U nnyaambala unkeke alindalusiiisye une ulubunju ulu isya fikuungilwa ifyamwambepo, isya kuyobela mu ndimi. U mwiniti unkeke, gwanaloli-ndumbula naloli, une ngusuubila umweene ikuyaga ndumbili gamo mwa masiku aga. Kangi ukufwana ni kipanga, une ndinkuti, “Filipo fingi fiyo ifya ikyeene ifi fyo mbili. Uswe tutikuloonda ikyo mma, looli uswe tukuloonda ikiindu kyanaloliloli. Uswe tukuguulila ukuya nakyo ikyeene.”

743 Ugwe ukabagile ukubuuka ukumanyisya ikyeene nkipanga; ikindu kyaakwanda umwe mumenye, ugwe kwaaga, yumo ali nu lulimi, yumo ali nu lwiimbo, Polelo ugwe kufiimbilisigwa ukulwana ni kindu iki moosa. Lōli akabalilo kāko Kyāla ikupa ikikūngilwa pakyēne, ikyēne kisakubonekela pakyēne. Uko ko kotalusya. Muketile, ifyo fyo fyabupe fya Kyala, ifyo fyo Umweene ikutuma ku Kipanga ukuti baponjolege.

744 Lilino, u ndwananakristi ali ni kindikimo ngati kinunu kangi kibibi, ikyeene kili ni—ni—ni njila iniongasiigwe iya kuboomba ikyeene. Kangi ikyo kyo kitangalala kya Roma iki kikutuma ifyabupe yumo ku nnine, ifyaabupe ifipeligwa. Kyaala ikituma ifyaabupe ifyamwambepo ku baponjoli; u gwa kiRoma ikutuma ifyaabupe ifyakipeligwa kwa yumo nu nnine.

745 Uswe tukwitika u Mbepo Mwikemo yo Mbepo, uswe tukumwambilila Umwene ukwisila mu loosyo ulu lukufuma pa Mwanya.

746 Ikipanga kya Katolika kikumanyisya, “Umwikemo ukaristiya uyu yo mbili gwa Kristi; ukuti linga ugwe kwaambilila unkati ugu na kosha, ikyeene yo Mbepo Mwikemo, Unsyuka Mwikemo, ukaristiya mwikemo.” Muketile?

747 Uswe tukwitika akeene ko kapatu ka nkati, uswe tutikwiitika akeene ko mbili gwa Kristi, (uswe tuli kifuki

ukweega ikyene mu maminiti manandi). Uswe akeene kakwiimilila u mbili gwa Kristi. Looli akeene kakaya. . .

⁷⁴⁸ Uko ko kukiindana pakati pa kimanyisyo kya kiKatolika na kyaBakaanikana. Muketile? Ikipanga kya Katolika kikuyoba, “U mbili go. . .Unkati go mbili gwanaloliloli. Ikipanga kili na maka ukwandusya iki.” Ngimba umwe mumbwenemo unKatolika ikukilania ikipanga, ikwiinamisya untu gwaake, nukuteendeka ifipingika? Kangi panongwa yakuti ubwelu ubunini bula bukwaaka nkipanga pala paasi pa kateembe akanini kala. Ikyeene kili nako ubweelu ubunini nkati mula, kangi u nkati gwa kosha gulaambalele nkati mula. “Kangi ikyo go mbili gwa Kristi. Kangi akabalilo kaako umwe mukweega ako, ugwe naloliloli kulya u mbili gwanaloliloli gwa Kristi pa bulilanisi bwaako ubwakwaanda nu kwilata kwaako na fyosa bo ifyo. Ugwe kulya, naloliloli, umbili gwa Kristi.”

⁷⁴⁹ Uswe tukuyoba ukuti akeene *kakwiimilila* u mbili gwa Kristi, muketile, ukuti akeene ko nakimo nkiiisu kya paasi looli akapatu ka nkati. Kangi kisita kupasya linga akeene kakaali koope nkati, linga ikyeene kyaali kalikoosa ikingi, ikyeene kyaabagiile ukwiimilila itolo ukufwana. Itolo—itolu katikati. Kali abene. . .

⁷⁵⁰ Bo muumo abaandu aba baabo bikuyoba, “Une ngabagila ukoosigwa nkitubwi, une nguloonda ukoosigwa nkisooko.”

⁷⁵¹ Ngimba bo bukiindane buki ikyeene kikupela, pene paapo ugwe goosiigwe? Linga ikyeene kili nkitubwe, kangi. . . Fiki, Philip alyoosiigwe nkitubwi. . .akabalilo kaako umfule alyoosiigwe. Akabalilo kaako Filipu aalimmosiisye umfule nkitubwi, u Mbepo Mwikemo aalinkunyaka umweene fiyo mpala Umweene alinkumpiimba Filipu ukusookapo, umweene akaabonike kangi ku mamailosi bamia babili. Ukumpimba umweene mwa Mbepo, ukumpa umweene i—i gileeta palapala ukufuma ku Mwanya ku mamailosi bamia babili. Ameni. Kyakuswiigisya!

Lilino:

Ngimba abiikemo bisakuyaga kuugu ukufuma pa bulagili bwa fyinja elifu yumo? Kangi ngimba lo luko luki ulwa mbili abeene bisakuyaga nalo? Une ngugomokelaga ku ikyo nkabalilo. [Nkundwe Branham ikwaamula ililaalusyo ili pa kiyabo 820, ukuya lilaalusyo 74—Nsimbi.] Abeene bisakuyaga Yeso.

⁷⁵² Umma ndaga, i—i lilaalusya lya buhano na bubili:

72. Ngimba uswe twisakuloonga abaandumi bulebule?

⁷⁵³ Ikyo kikwaagigwa mu. . .Ngimba uswe twisakuloonga bulebule abaandumi? Ukwisila mu kuya banabalumiana na banabalindwana ba Kyaala. Abandumi bo baambombo; uswe twe banabalumiana na banabalindwana ba Kyaala. Kangi ili

Baangeli lyaayobile ukuti uswe twisakuloonga abaandumi. Isyo syo bwanaloli. Lilino, lilino linga umwe . . .

Iilaalusyo lya 8:

73. Nongwa ya fiki inywiili panongwa ya baandumi Bakorinti Gwakwaanda?

⁷⁵⁴ Lilino umunduyumo aanyagileko une u Bakorinti Gwakwanda, u—u untu gwa 11, kangi uswe twisakukeeta pala, ukuti umwe mwisakusyaagania ukuti u—u. . . Mwa Bakorinti Baakwanda, u—u gwa 11, uswe tukusyaagania ukuti Pauli ikuyoba. Unko une mfiikeko ku kyeene itolo mu miniti, kangi Polelo uswe twisakubala ilyeene nakalinga palapala kangi Polelo uswe twisa—uswe twisa kuyaga ni kyeene paasi.

⁷⁵⁵ Une ndinakyo ikindukimo ikyakuyoba pa ili linandi ilingi apa, ukuti une ngusuubila u Ntwa ikukupaga ikyeene kwa uswe muumo uswe tubagiliile ukuya nakyo ikyeene. Linga umundu yumo ikukyaaga ikyeene. . . Une ngwinogona ukuti gula go untu gwa 11, ena, umma ndaga. Lilino pilikisya kifuki, kifuki fiyo lilino, mpaka umwe mwisakupilikisya. Lilino ega amabyeye gaako goosa nukubiika agene mu nyaambi yaako yapakipaambaga mpaka ukufuma paapo une mbalile iki, umwe muketile, ukuyobapo pa Ilyeene. Pilikisya kifuki fiyo, iki kyo ISI SYO IKUTI UNTWA:

Yaga umwe bakongesya ba une, na muumo une. . . njiliile gwa Kristi. (Pauli aayobaga, “Umwe ngongesya une, itolo muumo une ngukoongesya Kristi.”)

Lilino une ngupaalisya umwe, bakundwe, ukuti umwe mukungumbukila une mu findu fyooa, kangi ukukyunga kwa ngomelesyo, muumo une naatwaliile. . . kwa umwe.

Looli une nguloonda umwe uku manya, ukuti untu gwa nnyaambala aligwesa yo Kristi; kangi unto gwa nkiikulu aligwesa yo nnyaambala; kangi untu gwa Kristi yo Kyāla.

⁷⁵⁶ Muketile mumo ikylene kyo? Kyala, Kristi, nkikulu,. Lilino:

Unnyaambala aligweesa ikwiipuuta pamo ukusolola, nu ntu gwaake gukupililigwe, ikunjwekula Kristi.

Loli unkiikulu aligwesa ikwiputa pamo ukusolola nu ntu gwaake gukakupililigwa ikujweelula untu gwaake: . . .

⁷⁵⁷ Lilino uswe tukufika itolo iminiti, kangi ukubanaangisya umwe ukuti inywiili ku nkiikulu kyo kyakwikiंगा kyaake:

. . . namanga ikyo. . . kyoope kyoosa kimokyeene kifweene itolo ukuti umweene āli ammwegigwe. (Uko kokuti linga—linga umweene ikutumulaga inywili syaake, polelo umweene amwe isyeene syoosa.)

Namanga linga unkiikulu akakupililigwa mma, unko yoope amwegwe: (ukumwegwa kokuti ukusenga syoosa, muketile) . . . looli linga ikyeene kikuya kikosyasoni ukuti unkiikulu ukusengigwe pamo ukumwegwa, unko umweene akingigwe.

758 Lilino uswe tukufika itolo ku lilaalusyo apa ugwe kulaalusya. Muketile? Umma ndaga, lilino ikyeene kisobi ukuti u—u nkiikulu ukutumula inywili syaake, ukufwaana ni Baangeli. Lilino umwe pilikisya papapa apa nukukeeta linga i Baangeli litikupa unnyaambala ubwabuke bwalulagilo ukusoosya unkasi gwake linga umwene ikutumula inywili, keeta linga isyo syo bwanaloli pamo umma.

Linga u nnyaambala . . . Kabuno u nnyaambala alingikiingaga untu gwaake (uko ko, ukuya ni nywiili indali), ukongelelapo namanga umweene yo ali nkifwani kangu yo lwiimiko lwa Kyaala: looli u nkiikulu yo ali mu lwiimiko lwa nnyaambala. (Ngimba mwaalinogwinemo isya ikyo?)

759 Lilino une nguloonda ukwiima apa, 'nongwa yakuti une nguloonda iki kiyubikigwe nkati kanunu fiyo, muketile. Kangu lilino kumbukilaga, une mbabweene amalongo ga maelifu ga bakiikulu banunu (mbamenye abeene lululu lilino, kangu biingi ba abeene nkipanga iki) aba bali ni nywiili imbimba, aba Bakristi. Kangu iki une une ngubiika ikyeene pamwanya kikaya pa umwe mma, ikyeene yo muumo umwe mumanyisiliigwe. Muketile? Ikyo kyo kyeene. Undumbilili gwaako akakubuulilemo ugwe siku iki. Looli linga balibosa ba bakiikulu ukusyungutula ikipanga iki bo ulu, Polelo abeene batobesiigwe. Muketile, 'nongwa yakuti uswe naloliloli tukubabuula abeene isya ikyeene.

760 Lilino, ketesya iki:

. . . u nnyaambala . . . Kabuno . . . (ilinandi lya 7) . . . Kabuno u nnyaambala . . .

761 Lilino, ywani yo ukuyoba apa? Lilino, utubalilo tumo u nkiikulu ikuyoba, "O, Pauli yula ali yo gwaiyolo kibengankikulu."

762 Ena, lilino bo uswe tukaali tuli apo, unko uswe itolo tusanukile kubwa kuno kwa Galatiya 1:8, nukukeeta iki Pauli ikuyoba isya iki, muketile, mwa Galatiya 1:8. Umwe mwisakusyāgania ukuti Pauli āyobīle apa mwa Galatiya 1:8

. . . palema nalinga uswe, pamo u gwaandumi ukufuma ku mwanya, ikuluumbilila inongwainunu yiliyosa iyingi ukukindana na iyi umwe mutalile mupiliike, unko umweene ayege ngunigwe.

763 Lilino komma ukundeyela une, umwe muleyelaga Umweene, muketile.

Kabuno u nnyaambala naloli alingikiingaga untu gwaake, ukongelelapo namanga umweene yo ali mu lwiimiko kangi ikifwani kya Kyaala: looli u nkiikulu yo ali mu lwiimiko kangi i kifwani kya nnyaambala.

764 Lilino keetesya ilinandi ilikoonge:

Kabuno unnyambala akaya gwa nkiikulu; loli unkikulu yo gwa nnyambala.

Kangi u nnyaambala akapeliigwe panongwa ya nkiikulu; looli u nkiikulu aapeliigwe panongwa ya nnyaambala.

765 Lilino, une ngusanusya iki lilino nu Lugano lwanaloliloli nu bunoge, kangi une ngusuubila umwe mukupilikisya ikyeene yo njila yilayila une nguyoba iki. Looli Amerika... Ukuya mmwenda mfiisu fyaapanja, Amerika alinasyo simo mwa syaapaasi-fiyu ukukinda, indagilo imbiikigwe-paasi isya bakiikulu baabo ukukiinda ikikolo kilikyosa nkiiu kya paasi. Paris, France abagiile ukuya inyumba-imfikilammwanya pamwanyapo ku lubafu lwa njila iyi Amerika ikwitikisya abakiikulu baake ukuboomba. Ikyeene kikosyasoni!

766 Ngimba umwe mukusyagania ukuti Kyala gwa Amerika yo nkiikulu? Une mbagile ukusisimikisya ikyo ni Baangeli ili. Isyo syo bwanaloli. Ngimba umwe mukusyaagania ikyeene kibagiile ukwiisa injila yila ukuti ikipanga kya Katolika kibagiile ukutwaala mula ikimanyisyo kya mfunde Maria?

767 Lilino, linga unkiikulu aapeliigwe komma panongwa ya nnyaambala, komma...Linga u nnyaambala akapeliigwe panongwa ya nkiikulu, looli u nkiikulu aapeliigwe panongwa ya nnyaambala, polelo ugwe bulebule kubukaga kukwiiputa u nkiikulu? Muketile? Lilino, iki kyaaboombile ikyeene, ikyeene kyaalyaandile mu Paris kangi kyasulukiile mu Hollywood. Lilino Parisa ikufimbilisigwa ukwiisa mu Hollywood ukweega ifyakweegelela fyaabo nukweega utusumo twaabo ni fiindu, ikyeene ko kusuluka paasi kwa bakiikulu biitu ba kiMerika.

768 Ngimba ikyeene kyo fiki? Ikiisu kyiiu kisile ukuya kinini fiyo mpaka abeene beegiile imbombo ukufuma ku nnyaambala, nukubiika abakiikulu panja apa mabuyo aga, mpaka malongo-mahano-na-mana mw amia yumo ba abeene, kifuki, balogwe. Kangi yoba isya banyaambala ukuya bakiindile, naloli, ikyeene kyo panongwa yakuti abeene babiikiile abakiikulu panja pala mu mbombo syaabo. Kangi abene bapasi-fiyu mpaka abeene baabiikile abakiikulu ukuya basikali ba luteengano pa lukindi. Ikyo kyo kikosyasoni ku kiiu kilikyosa! Ena, nkulumba. Ngimba ugwe kubombaga fiki pa ikyo?

769 “Ngimba ugwe kubombaga fiki pa ikyo, Nkundwe Branham?” Une ngufiimbilisigwa ukukiyiindika ikyeene, une na mwenekaya gwa Amerika, unenguboomba iki u bwaana unkulumba ikuyoba mboombe. Linga une siku...Linga i—

linga i kikolo kikutagamo siki uluyiindiko lwaabo lwa kikolo (abaana bikutaaga uluyiindiko lwa bapaapi), ikikolo kila kiswaanyuligwe ntupatu. Linga i—linga i kipaanga kikutaagamo siku uluyiindiko lwa ntiimi gwaake, fiki, ikipanga kila kikiindile. Kangi linga ikiisu kikutagamo siku uluyiindiko lwa Bulongelo Bwapamwanya nu bulongi bwaake, ikiisu kila kibuukile kutupatu. Uko ko katikati kutalusya. Uswe tukufiimbilisigwa ukuyiindika ifindu fila panongwa yakuti abeene bo ba bwaana banywaamu, muketile. Loli ikyene kikaya kitalusye mma ku bwandilo. Naloliloli!

770 Ngimba umwe mumenye ukuti unnyaambala mu li Baangeli...ilya Bwandilo, untu gwa 1, akabalilo kaako Kyaala aapelile u nkiikulu nu—nu nnyaambala, nukunteendeka unnyambala kangi unkiikulu, kangi Kyaala aalimbuulile Eva ukuti, “Undumego isakulagilaga pamwanya pa ugwe, ukuya ndagili gwāko”? Yoba ikyo mu Amerika kangi kēte kūko ugwe kufikaga! Ndumiana, ikyēne kikaya ikyo mma, unkikulu ikulagila pamwanya pa nnyāmbála; abēne bikufimbilisigwa ukubōmba ikyo, amabuyo ga kilundilo gabāmbikigwe. . .

771 Une nabagiile ukutwaala abakiikulu, linga une naafimbilisigwaga, ukufuma ku kyumba kyaangu kula, mu malonga miingi, isya bakiikulu abiifyuusi. . . Une ndikuyoba ukuti abakiikulu boosa bafiimbilisigwege ukusita kuboomba imbombo utubalilo tumo; lumo abeene bali nu nnyaambala umbine pamo ikindikimo, kangi abeene bikufiimbilisigwa ukuboomba. Looli linga abeene batikufiimbilisigwa ukuboomba, abeene balingaboombaga ikyeene. Ubuyo bwaabo ko ku kaaya, kubwibilile kwaabo ukunini, kula ko katikati kuuko abeene babagiile ukuya.

772 Kangi abakiikulu biitu aba kiMerika bali nu lusako ukubuuka nukulya ingulube nu kufwa. Mope mu finyamana fyoosa na fyo bo ifyo, akabalilo kaako ikindu kila kikubaala, ikyeene kikweega ubuyo kangi ikyeene kikususulusya paasi uluko loosa lwa ikyeene.

773 Kaliko akayuni akanini mu Afrika, kangi umweene yo kayuni kanini akasale.

774 Lilino, bwiila, ingiikulu yo mbiibi ukukinda pa babili bala. Innyaambala yo akabalilo koosa yo mmogi ukukinda, imbabala inyaambala, akasya akanyaambala, ingukundembo inyaambala, i—i nguku inyaambala, kangi akabalilo koosa yo yikiindile. . . Panongwa yakuti, ingiikulu yo njuni ya pa kaaya. Umweene ikwitugasya pa kifumbwa, umweene ikukusya utuniini tula. Umweene ikwiisigisya ukufuma kwa kapuula, injoka, ukaambwe, kilikyosa ikingi, muketile, ukukusya abaniini bala.

775 Looli mu luko muumo ikyo i. . . pamo mu luko ulu—ulu—ulu unkiikulu, pamo ikikiikulu, kikukiinda mbumogi, ikyeene kyo

kabalilo koosa lo luko lwakusulukisya paasi. Mu Afrika, ugwe kweega injuni . . . Yiliko injuni innini kula, kangi yo yeene ikiisu kyoosa kila iyi une njimenye, iyi ingiikulu yo mmogi ukukiinda innyaambala. Kangi akabalilo kaako iyeene yikuboomba . . . Injuni yila—yila yo ndogwe kingikingi. Umweene ikwisa ukweendendeka nukummwaga ugwakugonana nayo, kangi ukubopela panja nukuteela ikibugutila kya mafumbi ukufuma paapo umweene agonene na yumo, nukundeka unnine yula ukwituugasya pa mafumbi akabalilo kaako umweene ikubuuka ukufwima ugwakugonana nagwe uyungi. Ikyo kyo katikati kotalusya. Muketile? Muketile ifi une ngusanusya?

776 Mu, lilino kēta, mu Amerika umwīsyūgu, ukufwana na bakikūlu bītu. Unnyambala unkeke ukufuma ku Kentuck aalimbuulile une, amasiku manandi aga gakiindile, ukuti baalipo anakiikulu bamia lweele bikuboomba imbombo pa butendekelo bumo apa mu Kentucky. Kangi umweene alinkuti, “Une mbagiile lumo ukwipilika ukuya mpone mukulapa ukuti bamia bana ba beene bo naloliloli balogwe ba ndukindi, kangi bakiikulu beegi na baana.” U miana yumo alimmwegile unkasi gwaake panja pala nukumbombela umweene mosa ni kitapwa, kangi polelo umweene angali angogiile umweene. Kangi uyungi yumo aabukiile kukutusulila u nyaambala yumo. Kangi yumo uyungi ukutumula nu kulwa. Ikyo kikabagila ukuya. Uko ko kotalusya.

777 Mbiika unkiikulu agomokele kubupiiyilo kuuko umweene kokumyaake, polelo kiklikyoosa kikuyaga kanunu. Looli ugwe mbiika umweene panja pala mu mbombo syakilundilo, umweene akindile. Nalolil- . . . Une ndikuyoba ukuti . . .

778 Unkiikulua gwa kiMerika ikwinusya mmwanya imbulo nukuyoba, “Kikayako nakimo ku Ikyo.” Kangi, “Ugwe nnaangisya une.” Naloliloli, ugwe kufimbilisigwa ukubomba ikyene, panongwa yakuti i Libangeli lyasolwile ugwe kubombaga ikyene. Ugwe kufimbilisigwa ukubomba ikyene.

779 Kangi apa akabalilo kako . . .Ukwene kwaali, akabalilo katali fiyo, mu kipanga kya Methodisti, linga unkikulu ikutumula inywili, umwene aatagigwe panja pa kipanga. Naloliloli, abeene babombile ikyeene. Ena, naloli. Nazarene, Pilgrim Holiness, baPentekosti, bosa ba abene baalisibiile ukuboomba ikyeene. Fiki fyabonike?

780 Umwe mumenye nongwa ya fiki? Umwe muli nagyo imikiikulu kunyuma kukigemo. Uko ko katikati kotalusya. Umundu yumo ikutiila itikiti lya buliilo bwaabo . . .ukutila umwe mwisakukagaga abeene, ukubabopesya abeene panja pa kipanga. Abeene bakaali nabo bulabula ubukifu ukwiima, ukwiima pa Lisyu lya Kyaala kali Ilyeene likufulasya pamo kali Ilyeene mma. Ikyo kyo katikati kotalusya.

781 Pilikisya apa, unnyaambala yo ndagili. Komma ukwinogona ugwe kwisakulagila inyumba. Ugwe ukaya ndagili gwa nyumba mma. Ugwe gwe naloliloli. . . Ugwe ukaya ntumwa lilino, looli ugwe gwe ntuli-mwinake. Kangi Adam. . . U nnyaambala ali nu bulagili pa nkasi gwaake, kangi umweene ali ni mbombo loosa pa nkiikulu gwaake. Kyala ikuteendeka unnyambala ukumwaamulila u nkasi gwake. Lilino, bala kangi keeta linga Kyala ikuyoba isyo lilino.

Kabuno unnyaambala naloli alingikiingaga untu gwaake mma, ukongelelapo nongwa yakuti umweene ali mu kifwana kangi u lwiimiko lwa Kyaala: . . .

782 Kyala akaya nkikulu, Kyala yo Nnyambala. Umwe mumenye akabalilo kaako abeene bikuteendeka u mfunde Maria na fyosa ifyo, kangi ukwimi-. . . pamo ikwimilila pakati na filifyosa bo ifyo, nukwiipuuta kwa mfunde Maria, umwe mumenye iki ikyeene kikungumbusya une? U kyala-nkiikulu unkulumba yula Diana, uyu Pauli abakemiile nukubopela panja. Uko ko kotalusya. Umwene alinkuti, “Fiki, Kyala akaya nkikulu mma!”

783 Ibwe lyaagwiile ukufuma mu ngunda, kangi abeene balinkuti ukyaala-nkiikulu aasopile paasi ikifwaani kyaabo, iyo yo nongwa unkiikulu ku Korinti, kangi mmwanya nkti mula, i. . . aba bammwiiputaaga Diana, abeene baaloondaga ukuya baluumbilili.

784 Abene balinkuti, “Fiki, u mbepo aatubulile uswe tubagile ukulumbilila.”

785 Umweene alinkuti, “Fiki? Lyaalisile i Lisyu lya Kyaala ukufuma mwa umwe, kangi kyaalisile ikyeene ukufuma mwa umwe mwibeene? Linga unnyaambala aligwesa ikwinogona mweene ukuya gwamwambepo pamo nsololi, unko umweene itikisye iki une nguyoba syo ndagilo sya Ntwa: unko unkiikulu ayege kimyemye nukuya paasi pa bulambikiigwe nkipanga, komma ukumanyisya pamo ukuya nabo ubulagili bulibosa.” Ikyo kyo katikati! Ikyo kyo iki i Lisimbo lyaayobile. Muketile? Kangi Kyaala ikuteendekaga ikibugutila kya balumbilili ukwaamula panongwa ya ikyo pa Lisiku lwa Bulongi.

786 Ena, pilikisya! Ugwe kuyoba, “Mulimosa, une naamanyisiigwe ikyo.” Ugwe umenye kanunupo lilino! Uko ko kotalusya. Linga ugwe pamo umundu yumo ikwaanda ukunwa ubupime bwa nkota, kangi umundu yumo ikukubuula ugwe ugweene yo mwaafi, kangi ugwe—kangi ugwe kukiindilila nkyeni nukunwa ugweene mulimosa, ubo bo busobi bwaako ukufuma apo. Muketile?

787 Lilino pilikisya ku iki:

Kabuno unnyambala yula akaya gwa nkikulu; loli unkiikulu gwa nnyaambala.

*Panongwa ya iki ikufiimbilisigwa unkiikulu ukuya na
maka pa ntu gwaake panongwa ya baandumi.*

788 Aligwesa gwa umwe ikubala ikyeene? Bakorinti Gwakwanda, untu gwa 11, kangi ilinandi lya 10. Linga umwe mukukeetesya, “maka,” (Fiki?) “aga baandumi,” Bakorinti Bakwaanda, panongwa ya baandumi yo nnyaambala, untumigwa. Keeta, umweene yo nnini “b” kangi. Kuuko a Baandumi bikuyobiigwa, aba ku Mwanya, ikyeene yo nnywambu, “A,” unkulumba “A.” Kuuko ikyeene yo nnini “b,” ikyeene kyo banyaambala baandumi.

*Palema iki koope kukayako kula u nnyaambala . . .
pamo u nkiikulu . . . yoope unkiikulu yo kisita
nnyaambala—u nyaambala, mwa Ntwa.*

*Kabuno muumo unkiikulu ya gwa nnyambala, yope
luulo u nnyaambala yoope yo gwa nkiikulu; . . . ifindu
fyosa fyo fya Kyaala.*

*Longa . . . gwimweene: ngimba ikyeene kinunu ukuti u
nkiikulu ukwipuuta kwa Kyaala (ni nywiili imbimba)
nsitakwikinga? (inogona sya ikyeene lilino)*

789 Lilino ketesya:

*Ngimba kyooye nikipeligwa kyeene kitikubamanyisya
umwe, ukuti, linga unnyaambala ali ni nywiili
indali, . . .*

790 Mukuyoba, “Ngimba ikyeene kili nkiyabo kiki?” Inywiili. Ngimba umwe mukutikeeta iki Pauli ikuyobelapo? Inywiili, inywiili indali! Linga . . . Unkiikulu abagiile ukuya ni nywiili indali. Ilinandi lya 14 lilino:

*Ngimba kyooye nikipeligwa kyeene kitikubamanyisya
umwe, ukuti, linga unnyaambala ali ni nywiili indali,
ikyene kyo kikosyasi ku mweene?*

791 Umwe mukupilikisya ikyeene? Ikyeene kikosyasi unnyaambala ukuya ni nywiili indali, looli u nkiiku- . . . ubo bo buyo bwa nkiikulu. Kyaala aapelile unnyaambala ukukindana nu nkiikulu, ubunyaambala ubukiikulu na mububonekelo, na mu filifyosa ifingi. Umweene unkiikulu ikufiimbilisigwa ukufwaala umweenda . . . Ili Baangeli lyaayobile ukuti, “Linga unkiikulu isakufwala isulubali pamo umweenda guligoosa ugu gukufwaana nu nnyaambala, ikyeene kyo buketelo bwaamwiiko kangi bunyali kangi bwaakinyanyasi pankyeeni pa Kyaala.” Kangi Kyaala isakuntendekaga umweene ukuhomba panongwa ya ikyeene. Ngimba yo ywani ugwe kupilikilaga? Looli ili lyo i Baangeli!

792 Kangi ugwe kubopa ukusyungutila nukuyoba, “Fiki, une ngwinogona ikyeene kinunu ukuti . . . ukubabona abakiikulu bikufwala isulubali.” Loli Kyala ababuumbile abene bakiindane, Umwene ikulonda abene bafwalege nu bukiindane.

793 Kangi ili Baangeli lyaayobile, “Linga unkikulu isakufwala umwenda ugu gubagilile unnyambala, ikyene kyo mwiko.” Umwe mumenye iki *kyamwiko* kili? Ikyeene kyo “kindukimo iki kyo kyakinyanyasi mmaso ga Kyaala.” Kangi u Yehova Unkulumba Yuyo ikukeetela paasi pa ugwe ukuya kindu kyakinyanyasi . . . Kangi i Baangeli lyaayobile . . .

794 Kangi ugwe gwe kuyoba . . . Mwe bamo ba bakiikulu umwe mumenye lilino, ku balindwana abakeke biinu ukusyungutula ubutubwa, kalongo na lweele, fyinja malongo mabili mbukusi, ukubitikisya abeene babopelege panja apa bafwele muume umweene ayiilile!

795 Kangi ugwe, nuugwe, mama! Muketile? Akabalilo kaako ugwe kusooka panja nukufwala isulubali sila ni fiindu nukwiituugasya . . . kangi ukufika pa lukindi, kangi—kangi ukuya ni myenda igyaiyolo gila igi abeene bikuteendeka amasiku galilino, nukuteendeka ugwe ukuboneka ngati kimo iki ugwe ukaya mma. Muketile? Kangi ugwe kubuuka panja pala pa lukiindi kuboneka moosa mwabulogwe, ugwe ubagile itolo ukuya nsitabusobi kangi mpelesye pankyeni pa ndumego na fyooosa, looli linga ugwe kubuuka panja pa lukiindi kangi unnyaambala ikukeeta pa ugwe panongwa yakuti ugwe gwaalitweele bo ulo, ugwe utobesiigwe, kangi ugwe kwisakwaamula pa Lisiku lya Bulongi ukuti panongwa ya kuboomba ubulogwe na nnyaambala aligwesa uyu aakukeetile ugwe bo lula. Ikyo kyo iki ili Baangeli lyaayobile.

796 Ili Baangeli lyaayobile, “Aligwesa uyu ikuketa ku nkikulu ukunonyonywa umwene, atalile aboombile ubulogwe nu mweene mu ndumbula yaake,” kangi ugwe utobesiigwe kangi kwiisa . . .

797 Ugwe kwiisa ku Bulongi kangi kuyoba, “Ntwa, Ugwe umenye indumbula yangu; une ngaboombamo siku ubulogwe, une naalituugesye nubwanaloli ku ndume gwaangu.”

798 Looli apa isakuyaga u nnyaambala, apa isakuyaga uyungi yula, apa uyungi yula, uyungi, uyungi, kalongo na bahano, malongo mabili, malongo matatu, malongo mana ga beene biimile pala bikuyoba, “Atobesiigwe panongwa ya bulogwe!” Nongwa ya fiki? Unnyaambala yumo aakukeetile ugwe.

799 “Ena, une ngaali nakyo nakimo ikyakuboomba ni kyeene.” Ena, nongwa ya fiki ugwe gwitwaalaga gwimweene ngati lula? Akabalilo kaako Kyaala aakubuulile ugwe ukufwaala igyeene, ikyeene kyaali mwiko ukuboomba ikyeene, kangi ugwe kubuuka ukupilikisya *Ywani Anganile Susie*? Pamo kyo fiki kila . . .

800 Ngimba umwe mwasyaagenie iki kyaabonike na kila *Ywani Anganile Susie*? undume gwaake? Umwe mwesa mukibweene kila apa lululu mu kalatasi. Akabalilo kaako uswe twaali panja mu Casper, Wyoming, iyeene yasookile panja. Kangi ngimba yaale ywani? Umiana yula uyu . . . pa kila *Uswe Tunganile Sussie*, pamokyo fiki mu—kyo fiki nkisu kyali kila? I . . . O, iki umwe

mukusyaala ku kaaya ikilo kya Kitatu nukupondwa ulukomano lwa lwiipuuto ukuti mukete. Ngimba kyo fiki ikyeene lilino? *Uswe Tunganile*. . . Ngimba ingamu ya kila yo fiki? [U kalumbu ikuyoba, “*Une Nunganile Lucy*.”—Nsimbi.] *Une Nunganile Lucy*, undume abagiliile ukuya. . . ikukoma ukusyungutila, akoliigwe panja palak u Reno, Nevada, nu ndindwana gwalaangi, itugasyaga nu mweene ku fyiinja. Kangi ikyo kyo iki ugwe kusyaala ku kaaya ukukeeta mbuyo bwa kubuuka, ukupilikisya I Nongwainunu. Unkiikulu alaatile ikyeene. O, kisa! Kikayapo nakimo ikipelesye panja pa Yeso Kristi!

⁸⁰¹ Asaye indumbula yaako, nkundwe, une—une ngwisakukubuula ugwe—ugwe miana, fimo mwa fi. . . Ugwe kuyoba, “O, mwe, keeta ku bufyuuke.” Simo mwa i—i mbiibi ukukiinda iminombo uswe tuli nagyo, abalyafibole, syo njuni imogi. Ugwe ukabagila ukulonga injuni na mayoya gaake, muketile. Popaapo itolo kumbukilaga ikyo. O, mwe!

⁸⁰² Lilino ketesya:

Ngimba *kyope ikipeligwa*. . . (ilyo lya lila ilinandi lya 14). . . *kitikumanyisya umwe, ukuti*, ikyeene kyo kyaasoni ukuti unnyaambala ukuya ni nywiili indali? (Ikyo kyo kya bakiikulu.)

Looli linga unkiikulu ali ni nywiili indali, ulweene lo lwiimiko ku mweene: . . .

⁸⁰³ Lilino fyo fiki umwene ikuyobelapo? Ikitili iki umwe mwe baandu baKatolika mukufwaala nkipanga? Umma naloli! Akakiingo akanini pamwanya pa ntu gwaako, nikitaambala? Umweene ikuyoba isya ywiili syaako!

⁸⁰⁴ Lilino! Kangi linga unkiikulu ikutumula inywiile, umweene ikutumula ulwiimiko lwaake, kangi atikwitikisigwa ku kigemo ukwiipuuta. Muketile, itolo iki ikyeene kyaayobile apa, “Ngimba ikyeene kindu kyaitolo ku nkiikulu ukubuuka ukwiipuuta nu ntu gwaake gukakiingigwa?” Kuyoba apa, kuyoba, “Ena, umweene ikufimbilisigwa ukutumula inywiili syaake.” Popapo ndeke umweene amweegwe moosa syoosa lelo. “Kangi linga umweene isakumweegwa syosa moosa,” liyobile, “ikyo kikyuwelula, ikyeene kyo kikosyasoni ku mweene ukuboomba ikyo.” Polelo lyaayobile, “Umweene ikuloondigwa ukuya nkiingigwe.” Lilino, une ne itolo—une ne itolo ngubala u kalata gwa Pauli. Umwe mwesa, ikyeene kili kwa umwe, muketile.

Looli linga u nkiikulu ali nasyo inywiili indali, ikyeene kyo lwiimiko ku mweene: kabuno inywiili syaake sipegiigwe ku mweene ukuya kikiingo.

⁸⁰⁵ Ngimba ikyeene kyaayobile ukuti umweene ikupiigwaga ikitili? Umwe baandu baKatolika pamo umwe Bakanikana, aligwesa gwa umwe, mwe mukubuuka ku kipanga nukuloonda ukufwaala ikitili, mukuti, “Ena, une ngubuka ku kipanga,

ngufimbilisigwa ukufwala ikitili.” Umma, ugwe kufimbilibigwa ukuleka inywiili syaako ukukula. Ubo bo bukiindane. Muketile?

. . . *kabuno inywiili syaake syo panongwa ya kikiingo kyaake.* (Kangi ikyeene kyo kikosyasoni ku mweene ukwiisa nkipanga kisita kikiingigwa, ukubuuka ku kigemo ukwiipuuta.)

Looli linga u nnyamba ikuboneka ukuya—ukuya . . . (Une ndikusuubila une mbagiile ukuyoba ilisyu lila, n-k-a-n-i-k-a-. . .) . . . *Nkanikane—nkanikane* (umwe mumenye iki nkanikane ali), *uswe tukaya nalo ulwiho bo ulu, kyope* i Kipanga *kya Kyaala.*

⁸⁰⁶ Lilino linga ugwe kuloonda ukukanikana isya ikyeene, ugwe kanikanaga na Ikyo. Umma ndaga, linga ugwe kuloonda ukuya nkanikane isya ikyeene, “O, ikyeene kitikupela ubukiindane buliboosa. Unko uswe tubaleke abeene bakiindililege. Fiki, une ngwinogona ikyeene kyo nakimo. Une. . . Ikyeene kikaya iki inywiili sili, mulimoosa, ikyeene kyo iki indumbula yili.” Ubo bo bwanaloli; linga indumbula yili kanunu, inywiili sisakuya kanunu (Uu-huu).

⁸⁰⁷ Buukaga nkyeni, linga ugwe kuloonda ukuya nkanikane, Pauli alinkuyoba, “Uswe tukaya nalo ulwiiho bo ulo mma, komm ni Kipanga kya Kyaala.” Alinkuti, “Linga ugwe kuloonda ukuya ku lubafu lwa Kaini, ena, kiindililaga itolo.” Loli Iki kyo kikyo Pauli aayobaga.

⁸⁰⁸ O, kangi une ndikusanusya ukuseka, ’nongwa yakuti ikyene kyo kikaya kindu kyakuseka. Looli une ngubabuula umwe biinangu, ikyeene kyo kikosyasoni ukukeeta injila iyi ifindu ifi fitikisiigwe ukubombela. Une. . .

⁸⁰⁹ Pilikisya! Kwa umwe, bakalumba bapala, une nguloonda umwe ukuboneka mubununu bwiinu ukukinda-bosa kangi yaga banunu ukukiinda bosa, ikyo kyo iki umwe mukufiimbilisigwa ukuya. Ikyo kyo iki umwe mukufimbilisigwa ukuya. Kangi umwe mukufiimbilisigwa ukuya banoge kangi bapupwano na filifyoosa muumo umwe mubagiile akabalilo kaako undumego ikwiisa, itolo ukufwana nukuti yula aali yo nnogandumbula gwake. Ugwe kufiimbilisigwa ukwagana nagwe pa kifigo itolo nu—itolo nu mfipo ukuya nnoge ku mweene ukuya ikyeene lyaali lisiku ugwe gwalimfipile umweene ku kigemo ukuya ndumego. Uko ko kutalusyo. Une ndikuleyela kwa umwe pakuboneka mbununu bwiinu ubukiinde nukuya mbununu bwiinu ubukiinde. Kangi une ngulonda ugwe ukuya injila iyo, Kyala amenye une ukuti une nguboomba.

⁸¹⁰ Apa akabalilo kamo aka kakindilepo, une nayobaga kwa Jack Shuler. Yoywani apilikemo isya Jack Shuler? Undumbilili umfumuke ukukiinda bosa abaMethodisti bali nabo. Umweene alinkuti, “Unkiikulu ikwisa nukuyoba. . . inywiili mosa sifitile, kangi ikutafunya umpulya-gwakutafunya, kangi imyenda

gyaake sinda pa mweene, ikuyoba, ‘Ugwe umenye, undume gwaangu atisakwikasya nukwikasya n aune kangi mma.’”

811 Umwene alinkuti, “Une ndikundēyela umwēne.”

812 Uko ko kotalusya. Lilino, looli linga ugwe kufiimbilisigwa ukubomba, ugwe kufiimbilisigwa ukuya mu njila indalusye. Komma ukweega ubupupwano nu bumogi bwaako ukufuma ku Hollywood, egaga ikyeene ukufuma mu i Baangeli, pankyeeni pa Kyaala. Yaaga mweehe, bombelaga ngati mweehe, fwalaga ngati mwehe, yaga mpelelesye. Bombelaga ngati mwehe, komma ukufwaala fila . . .

813 Unnyaambala aligwesa uyu ukummwitikisya unkasi gwaake ukusooka panja nukufwaala tula utundu utunini pankyeeni pa banyaambala, kangi fila ifindu ifinini ifyaiyolo . . . ukusooka panja ba lubiingilo nukuseenga ilisu pa lubiingilo, ni findu bo fila, nkulumba, une ngukubuula ugwe, nkundwe! Une ndikuloonda—une ndikusanusya ukuya mbiibi, une . . . Kyaala amenye ukuti iyo yo ndumbula yaangu. Looli une ngufiimbilisigwaga uku . . . Une nguyaga pakufiimbilisigwa ukwandusya ikibugutula kyoosa bo ngaali ukummwitikisya ugwaangu ukuboomba ikyeene. Une nguyaga bwaana pamwanya pa kaamba pamwanya pala akabalilo koosa muumo une mbagiile, umwe muketile; kangi akabalilo kaako une ngabagila, une ngusooka ngapo ukufuma pala. Uko ko kotalusya.

814 O, nkundwe, uko ko kukosyasoni kangi kiywelufu unkiikulu ukuboomba ikyo. Kangi une—une ndikusanusya, kalumbu . . . Une—une ndikukubiika paasi ugwe mma, une itolo ngugela ukuyoba . . . Ikipanga kyiitu apa yikaya naba abenekaya, abaandu itolo bikwiisa apa. Looli iyi yo nyumba yo Kyaala, kangi uswe naloliloli tukubabuula abaandu komma ukufwaala ifindu ifyo. Ukuti ikyeene kyo . . . ugwe kubuukaga ukwaamula panongwa ya ikyeene pa Lisiku lya Bulongi. Lilino keetesya apa. Kangi sileka inywiili syaako sikule panja, muketile, kangi yaga mwehe.

815 Lilino:

Lilino mu iki ukuti yo . . . une ngufumusya kwa umwe une ndikubapalisya umwe mma, kabuno fikuti umwe mukwiisa palikimo ku . . . komma panongwa ya bununupo, looli panongwa ya kibibipo.

Namanga ikyaakwaanda ikya fyoosa, akabalilo kaako umwe mukwiisa palikimo nkipanga, une ngupilika ukuti silipo imbaagukano pakati pa umwe; na fyosa . . . (ikyeene kikukiindilila lilino ku mesa ya bulilanisi)

816 Lilino pilikisya ku Ikyo. Ikyo kyo nongwa yakuti bandumi . . .

⁸¹⁷ Lilino, Nkundwe Palmer, une ndikubabuula umwe pa tepi iyi umwe mukuluumbilila ikindu kimokyene paasi pala iki une nguboomba kuno. Loli umwe mumenye bununu kangu kanunu, kangu ugwe ukaya ndumbilili, ugwe umenye ubo bo Bwanaloli, nkundwe. Umma ndaga.

⁸¹⁸ Polelo a *bāndumi* apa bo “banyāmbala.” Linga umwe mukukeetsya ikyeene, Nkundwe Palmer, ikyeene kili mu lisimbo ilinini, a “baandumi.” Kangu i Baangeli likukiindilila . . . Umweene ikuyoba isya nnyaambala ni nkasi gwaake, muketile, ikyo kyo iki inongwa yili.

⁸¹⁹ Iyo yo njila abandu bikifuluganikana mu i Baangeli, abeene bikuyoba, “Ena, Kyala ikuyoba ikindu kimokyene *apa*, kangu limo . . .” Umma, ugwe—ugwe kufika pa kimanyisyo. Itolo syāla pa kimanyisyo, iki kyo kyosa. Umwene ikuyoba isya nnyambala kangu.

⁸²⁰ Lilino ikindu kimokyene ukongelelapo une nguloonda ukutika itolo bo uswe tukaali ukwiigala, ikyene kikunyeegelaga une kifuki amaminiti mabili:

74. Ngimba ko kuugu abikeemo bisakuyaga ukufuma pa bulagili bwa fyiinja-elifu-yumo? Kangu lo luko luki ulwa mbili ulu abeene bisakuya nago?

⁸²¹ Une ngwinogona iyo lyo lilaalusyo ilinoge ukukinda, une nkiganile ikyo. Lilino unko uswe tukeeta itolo ukutalula mu lyeene.

⁸²² Mbwāndilo, Kyāla . . . Uswe twisakugomokela ku kimanyisyo kyītu ikya kiHiburi itolo mmaminiti manandi. Kyaala aali Nyibuko iyi ingulumba iya laangi ihano-na-sibili. Balinga bamenye ikyo? Muketile? Kangu balinga bamenye ukuti Kyala ali n Mbepo ihano-na-sibili? Naloliloli, i Mbepo sihano-na-sibili. Kangu fyaalipo ifisige fihano-na-fibili mwa Kang’osi, na fyosa bo ifyo, fyosa ifyo ukwiisa palikimo lilino. Muketile? Lilino, yula aali Kyaala.

⁸²³ Lilino akabalilo kako Umwene (u Logos) aasookile ukufuma mwa Kyala, iki aali Kyaala ikwiisa ukufuma ku iyi yimoeyene inyibuko inywaamu mbubuumbe bwa—bwa nnyaambala; kangu ikyeene kyaatendekiike Logos, iki uswe tukukikolela kyala-mundu.

⁸²⁴ Lilino, linga ugwe kweega u kyala-mundu akabalilo kaako ugwe kukeeta ku ikyo, yula yo nnyaambala. Lilino pakuti uswe . . . Lilino, ikyo kyo kuko uswe twaali kubwandilo. Lilino, umwe mutikukupilikisya ikyeene lilino, looli umwe mwaali kunyuma kula mbwandilo mu njila iyo. Akabalilo kaako u muundu . . . Akabalilo kaako Kyaala aapelile u muundu nkifwaani Kyaake, Umweene aalintendike umweene ukuya kyala-muundu. Kangu Umweene alimbiikile umweene mu mbili itolo . . . Akabalilo kaako Kyaala alintendiike u muundu nkifwaani Kyaake, mu bufwane Bwaake, abeene baali . . . Ku

Bwandilo 2, baali kula . . . pamo Bwandilo 1:28, une ngusubila ilyeene lili, “Akaalipo u muundu nayumo taasi ukulima umfu,” kangi Kyaala amaliisisye ukutendeka unnyaambala nu nkiikulu. Uko ko kotalusya, “Nayumo u muundu ukulima umfu.”

⁸²⁵ Polelo Kyaala alinkuntwaala umuundu pa bwapaasi panini nukumbiika umweene mbumi bwa kinyamana, ugo go mbili ugu, itolo ngati finyamana ukuti umweene aabagiile ukulima umfu, aabagiile ukupalamasya. Ikyā kyala-mundu kila kitikupalamasya mma, ikyeene kitikukeeta, ukoonja, ukunungisya, ukupilika; ifyakwipilikisyila ifi fiifyo uswe tuli nafyo. Popaapo Kyaala alinkumbiika u muundu paasi pala ukuti abagiile—abagiile ukupalamasya kangi ukwipilika.

⁸²⁶ Kangi—kangi umwene alinkwenda mu ngunda gwa Edeni, Ikyāakwanda ukuya kyala-mūndu (mūmo u Mbepo Mwikemo ali muno lilino ikwēnda muno), ikyeene kilinkwitūgāsya ubūmi bwa kinyamana. Ikyēne kyālagilāga kilikyosa, lōli ikyēne kilikutoligwa ukulima imigūnda, muketile. Popāpo Kyāla alinkumbiika umwēne mu mbili ukuti umwēne ābagile ukulima umfu. Ukumpa umwēne ifyākwipilikisyila fihano, ukulima umfu nukutēndekesya mōsa i—i mbingilo sya mipesa kangi—kangi na fyōsa, kangi poleli u nnyāmbāla pōpe ābonekāga alimwēne. O, iki kyo kibonekelo kimogi.

⁸²⁷ Kēta, kabuno akabalilo kāko umwēne ābumbígwe akākwānda, umwēne ātēndekígwe bāndu babili palikimo. Umwēne āli bosa-babili nnyāmbāla kangi nkīkūlu, u nyāmbāla uyu āli. Ili Bāngéli lyāyobīle umwēne āli. Kyāla ātēndīke u nnyāmbāla ukuya fyosa-fibili nnyāmbāla kangi nkīkūlu, “Umwēne alinkumpela umwēne.” Kētēsya lilino, akabalilo kāko u nnyāmbāla āpagulígwe ukufuma ku kyāla-mūndu nukubīkígwa mu mbili, umwēne āli—umwēne akāli itolo lōsa mula; kiyabo kya būndu bwāke bwākāli mwa kyāla-mūndu, polelo ikyēne kikābonekāga kinunu mma.

⁸²⁸ Pala palinkubūka u nnyāmbāla nu nkīkūlu mu ng’ombe, pala palinkubūka i falasi, kangi pala palinkubūka i ngāmbāko, kangi pala palinkubūka kilikyōsa ikingi, fibili-fibili. Loli Adamu, umwene . . . ikyene kyaali . . . Muketile, ikindukimo kyālongdigwaga. Ikyūmilwa kilakila kila kyānāngisyāga ukuti ālipo umwināke ikungūlila umwēne. Umwe mukukipilikisya ikyēne? Kangi aminogono galagala ukuti uswe tukufimbilisigwa ukufwa apa, ukuti uswe tukutamigwa kangi ukuya mbutolwe, kangi uswe tukwisyūkila u Būmi ubu bukaya nu bufwe, ikyēne kikunāngisya ubwēne bukugūlila uswe. Muketile?

⁸²⁹ Kangi Adam āli mpina. Kangi Kyāla, ukunāngisya ukuti abēne bakābagile ukupāguligwa . . . Lilino une ngubūka ukugomokela mu ikīndu kikiki iki, itolo mu sekondi.

⁸³⁰ Kēta, Umwēne akabūkilémo siku nukwakwēga umfu nukubūmba Eva, lōli Umwēne ābūmbīle ukufuma ku mfu

gwapabwändilo, Adam. Umwēne älyēgile imbambafu ukufuma ku lubafu lwāke nukubūmbíla umwēne umwinake-ntuli, kangi yula āli Eva. Umwēne ātēndekígwe kuli nyāmbála, kangi ikiyabo kya nnyāmbala. Umwēne āli kiyabo kya umwēne mbwändilo, nkipeligwa, mwa kyāla-mūndu. Umwēne āli kiyabo kwa umwēne pāsi apa nkipeligwa iki. Umwēne akābagile ukuyabanigwa nkipeligwa ikīngi, umwēne abagile ukutēndekígwa mu kipeligwa kilakila.

⁸³¹ Iyo yo katikati nongwa iyi Kristi kangi Kyaala fyaabagiile ukuya Muundu yumoywene yulayula, ikyeene kikaabagiile ukuya kalikosa akakiindane. Linga Umwene ali nu mundu unnunu pamo nsololi, Umwene angali akaya Ntabuli; Umwene afimbilisigwaga ukuya Mpeli Mweene. Loli Umwene akali yo kyaala-muundu lilino, umwe muketile, kangi injila iyi Umwene aali akabalilo kala.

⁸³² Lilino unnyambala ikwisa pasi apa kangi umwene—umwene aali nnunu; kangi Kyaala akiganile kila, Umweene alinkuti, “Ikyo kyo kimogi, unko abeene bayege pa kiisu nukwiitugasya palikimo kwa bwilana bwila. Ikyo kyo kyoosa; kwa—kwa Syeepwa, ukukiindilila nukukiindilila nukukiindilila. Unko ikyeene itolo kikuleege, kangi ikibyaaligwa kilikyosa kipaapege panja, kangi kilikyosa bo ikyo. Kangi unko u muundu ayege muumi, kangi ifinyamana fiyege fyuumi, na kilikyosa ikiingi, bwilanabwila kangi bwiila. Ikyo kyo kili kanunu.” Muketile?

⁸³³ Kangi Polelo ubutulwanongwa bulinkwiingila. Kangi une nguloonda ukuteendeka ubuyobelo ubu. Mu i...Abaandu biingi fiyo bikubomba ubusobi ububiibi bo ubu pa Lisimbo limolyeene ili, kangi ilyo lyo pa Masalimo lya 23. Abeene bikubala Ilyeene bo ulu, “Ena, palema une ngweenda ukukilania nkikoga *ikyangiisi* ikya nsyuungulu gwa bufwe.” Lilino, kikayapo ikindu kimokyene ikya luko ulo. Ili Baangeli litikuyoba, ukuti, “Unsyuungulu gwa ngiisi gwa kikoga... ikikoga *ikyangiisi* ikya misyuungulu gya bufwe.”

⁸³⁴ Likuti, “Palema nalinga une ngweenda ukukiinda nkikoga kya nsyuungulu gwa bufwe.” Lilino, bo ugweene gubagiile ukuya nsyuungulu, ugweene gubagiile ukuya nu bweelu ukupela unsyuungulu. Muketile, Davidi ukuya nsololi kangi paasi pa bupakigwe, umweene akateendike ubusobi, umweene aayobile itolo u Bwanaloli: “Ena, palema nalinga une...” komma, ukwenda ukukiinda nkikoga *kyaangiisi*, looli, “ukukinda nkikoga kya *misyuungulu* gwa bufwe.”

⁸³⁵ Polelo ugwe ubagiile ukuya na kayabo kamo aka bweelu ukupela unsyuungulu. Kangi iyo yo njila ikyeene kiyiilile apa. Uswe tulu fyosa-fibili kipeligwa kangi kikinda-kipeligwa. Umbili ugu guli paasi pa bufwe, kangi gwatwaaligwa panja nu nkiikulu; komma ukwisila mu nakimo looli ukwisila...Kooma ukwisila mwa Kyaala, ugwe gwe bubuumbekangi bwa Adam

na Eva. Yaga ntiitu, mweelu, pamo kilikyosa iki ugwe guli, ugwe gwe bubuumbwe, ikisooka ukufuma kwa Adam na Eva. Ikyo kikupela umbili gwako “gupaapigwe mu mbiibi, gubumbigwe mbutulanongwa, ukwisa nkisu iki tukuyoba ubusyobi.” Ugwe uguuniigwe kangi utobesiigwe ku bwaandilo bwa buumi bwaako, komma koope, kisita lusako.

⁸³⁶ Lilino, panongwa yakuti imbepo iyi ugwe uli nayo yiisile kwa ugwe ukwisila nkipeligwa, kangi ni kipeligwa ukwiisa ukufuma ukugonana, ikinyonywo kya banyaambala na bakiikulu kikutwaala u mwaana gwankiisu. Kangi ndeke u mwaana yula pamweene, kangi komma ukummanyisya umweene nakimo ikitalusye, umweene isakubuukaga mbusobi. Komma ukummanyisya umweene kali kitalusye pamo kisobi, umweene ikweegaga ubusobi. Panongwa yakuti ikyeene kyo kipeligwa kyaake ukuboomba bo kila.

⁸³⁷ Keetesya a kaana akanini akaiyolo, kisita kuya ntalipo ukukiinda *lula*, itolo kikuya kakalale fiyo; umweene itolo isa . . . umweene—umweene ikuniongotolaga amabolo gaake, kangi ukwanduka nkesefu nkisyo kyaake, nukukolela umuyi gwaake. Naloli. Ngimba fyo fiki ikyeene? Ikyeene kyo kipeligwa kyaake. Umweene aakyaagile ikyeene ukufuma kwa baaba gwaake pamo uyuuba gwaake yumoyweene; umweene uyuuba aali nu bugaasi ubwakufikapo ukulwana nikikekela-matapwa, pamo ubaaba gwaake. Linga abeene bakaaboombile, umwiisukulu gwaake pamo umbuuya aaboombile. Muketile, ikyeene kyo mwaana.

⁸³⁸ Polelo ikyo kikupela. . . Ugwe ukuya nkisu. Ugwe kwiisa ni kipeligwa, kangi ubuundu bwaako boos abo butiitu kangi bwakinyanyasi, kangi buguniigwe, kangi bwakigune kangi bukubuuka ku gehena. Uko ko kotalusya!

⁸³⁹ Loli akabalilo kaako ugwe upaapiigwa kabubili, polelo u Bweelu bwa Kyaala bukumulika paasi mu moyo gula (haleluya) polelo ikyeene kyo kangi mma kikaya kikoga kyaangiisi, looli ikyeene kyo kikoga nu nsyuungulu mu kyeene. Ugwe ubagiile ukukiingigwa apa nu mbili, kangi ifiindu pamwanya pa kisyo kyiiitu, looli bulipo u Bweelu bwa kufwaana nkati mula. Kangi ilisiku limo u Bweelu bula ni ngiisi fikufiimbilisigwa ukupaagukana! Kangi akabalilo kaako ubweelu bukumulika, ingiisi yikubopa. Kangi akabalilo kaako uswe tukubuuka ukuya na Kristi mu mbili ugo, ingiisi nu bufwe fikubopa, kangi uswe tukubalanila nkati m’Bweelu ubupelelesya. Lwiimiko kwa Kyaala! Apo uswe tulipo; kisita bubine kangi mma, kisita ngiisi yonganikene ni kyeene kangi mma.

⁸⁴⁰ Lululu lilino uswe tuli nafyo fibili-fyoosa ububine nu busangalufu, kangi tuli nubukafu na maka, kangi uswe tuli *nukwiingila* kangi *ukusooka*, kangi *mmwanya* na *paasi*, kangi ubusangalufu nu busulumanie, na fyosa. Ena, ikyeene kyo itolo nsyuungulu. Uswe tuli ni bweelu ubwakufikapo ukumanya ukuti

buliko u Bweelu kula; kangi uswe tukaali tuli mu mbili, mu nyoofu. Looli ilisiku limo i Lisiku likupaandaga. Apo po u gwaandumi gwa bufwe ukwituugasya pa kilundi kya kitala, ako ko kabalilo kaako u nganga ikuyoba ikyeene kyo kyoosa kimaliike; kangi ikipeligwa iki kikusookapo ukubuuka ku kikindakipeligwa, kangi ubweelu bukunyelela ukugomokela ku Bweelu, kangi ingiisi yikugomokela ku ngiisi. Polelo ikyakufwa iki kikufwaala ikisitakufwa. Ako ko kabalilo kaako ububole ubu bukufwa ubusitakubola. Ako ko kabalilo kaako ikyakufwa iki kikufwaala ikisitakufwa, kangi uswe tukwisa ukufuma ku kipeligwa kya kabalilo ukubuuka ku kipeligwa kya Syeepwa. Ugwe ukabagiile ukubuuka panja pal ani ngiisi yoosa, ugwe ubagiile ukuya nabo ubweelu mu ngiisi. Mwaketa umwe lelo. Ugo go gula umbili ugwe kwaambilila.

⁸⁴¹ Ngimba uswe tukuboomba fiki? Ena, nkundwe gwaangu umpala unkemesigwe, kalumbu gwaangu umpala unkemesigwe, bo ikisu kikaaligwa, akabalilo kaako Kyaala aapelile ugwe nkifwaani Kyaake, pamo aapelile u—u muundu nkifwaani Kyaake, kangi aapelile u nkiikulu nkifwaani kya nnyaambala ku lwiimiko lwa muundu, Umweene aateendike ugwe kyaalamuundu. Itolo ngati Mweene, akabalilo kaako Umweene aayobile, “unko Uswe” ku fipeligwa ifi Umweene aateendike, “unko Uswe tuteendeke u muundu nkifwaani Kyiitu Kyeene, mbufwane Bwiitu, u kyaala-muundu.” Kyaala akaalimo siku mu mbili taasi, Umweene aali mu kyaala-muundu.

⁸⁴² Kangi Mōse aketile Umwene. Mōse alinkulila, “Ntwa, unko une ngete Ugwe.”

⁸⁴³ Umwene alinkuti, “Buka kula kangi iibiilila mu lyālábwe, mu mbako.” Kangi Mōse alinkugomokela mu mbako yila; kangi akabalilo kaako Kyaala aakileenie pala, injasi nu kulunduma . . . Kangi bo Kyaala ikukilania pala, Umweene aali ni nyuma Yaake yisanwike bo *ulu*.

Kangi Mose aatile, “Umwene aali nyuma ya Nnyaambala.” Haleluya!

⁸⁴⁴ Ngimba aali ywani Ikyeene? U Melekizeeki uyu aalisile paasi, u Mwalafyale gwa Lutengano, kisita tāta pamo māma, kisita bwāndilo bwa masiku pamo ubumalikisyo bwa būmi. Yula yo Umwēne! Kangi Umwēne ikwisa pāsi. Yula yo Yūyo uyu āyobaga kwa Abraham; uyu ābūngenie Umwēne umbili unnini gwa nyōfu bo lula, kangi “Whuu!” ātūyile mu gwēne, alinkwitoga mugwēne, nu kusuluka pāsi nukulya ingwāta, ukunwa ulupya ukufuma ku ng’ombe, nukulya ikyāmbiko kimo kangi unkati gwa filōmbe. kangi a Bāndūmi babili.

⁸⁴⁵ Kangi akabalilo kāko abēne bālyēndile panja pala, kangi fyōsa ifya findu fila itolo, “Whuu!” filinkuyōnga nukubūka ukusōkāpo.

⁸⁴⁶ Une ngingonamo siku isya ikyo. Apa akabalilo kamo aka kakindile, ngusōnda ikipolopolo kya ndusu, une nāli na ndudu ya .22, iyēne yo .220 Swift. Kangi umwe bakundwe bandusu muno mumēnye. Ikipolopolo ikinini, ikyēne kyo luseke lwa kipolopolo kyamalongo-mana-na-lwele, itolo kifuki ubutali *ubo*, iyabwila kipolopolo kya .22. Ikyēne kikisōndigwa kifuki pa maka ga kyumba ikya .30-06. Lilino. . . I fakitale tikusōnda itolo ikyo ku kifuki abamia malongo-mana-na-fina pa sekondi. Umma ndaga, lōli ugwe ubagile ukubika ifwakufwana. . . ukusōnda ikyēne gwīmwe, kangi ugwe ubagile ukubika ikyēne ukufika ku maelifu mahano pa sekondi. Kangi—kangi apo mma, linga ugwe gwaatusulilāga. . . Uswe twātusulilāga, ilisiku limo, pa mayadi bamia babili, kangi ikipolopolo kyātikāga umfu, ikyēne kyapulukāga bo indusu yikakūta nukukūta mma. Ubo bo mūmo yayīlile ubwengo.

⁸⁴⁷ Polelo ugwe kwēga akapiki akasogolelo mmimo (umwe mumenye, ikiyabo ikisitabusōngōke kya kasogolela-mino) nukufika pāsi mu bufu bwāko nukwega ikindu kila kiswile nu bufu, itolo kifuki iseke innini sina pamo sihana, nukulāmbalika ikyēne pamwanya pa pala, kangi polelo ukubika ikipolopolo kyāko nkati mula. Ima apa, kangi ugwe uli nakyo ikipolopolo kyāko mu sekondi. Kangi kutusulila ikyēne panja ku ngulube ya ndiisu yitūgēsye amafiti bamia babili ukufuma kwa ugwe, kangi ingulube ya ndiisu yikalayēndilemo siku kangi mma. Ikipolopolo kikwanduka ukugomokela ku kayilo kake kakubwāndilo, ukugomokela ku myūyi. Apa kilipo ikipolopolo iki kyo kopara na ledi fifulugenie palikimo, kangi mu kuyabania kwa sekonda, ikyēne kigomokile mpaka ugwe utikwāgamo siku ikyēne kangi. Ikyēne kyāgomokile mūmo ikyēne kyāli ifyinja elifu-elifu-elifu mia yumo ifi fikindile, ukugomokela ku myūyi. Imyūyi gila gikufimbilisigwa ukubūmba nukugomokela mwa kopara kangi mwa ledi, na fyosa bo ifyo, bo ulo. Imyūyi gila gikufimbilisigwa ukusēngāma.

⁸⁴⁸ Lilino, mwaketa umwe lelo. Iyo yo njila uswe tuli apa, uswe tufumile ku būndu ubwapamwanyapo. Mbwandilo uswe twāli mu kifwāni kya Kyāla. Ikikīngo kangi ingisi yikutukyūnga uswe ukuti tungamanyaga ikyēne lilino. Lōli Yeso ābabūlile abafundigwa Bāke Umwēne “āli na bēne bo kikāli ukwālīgwa ikīsu.” Muketile? Uswe twaali! Ugwe ukabagila ukumanya lilino, loli ugwe gwaali ku bwandilo. “Kangi linga ikitembe kyankīsu iki kikusungulula, uswe tuli nakyo kimo kitalile kikugūlīla!” Haleluya! Kangi polelo uswe tukusāma ukubūka mu kyāla-mūndu uyu, iki uswe twalimo nu būmi akabalilo kamo, ukuti uswe tubagile ukulya nukuponia amaboko. Kangi imyoyo pāsi pa kigemo gikukūta, “Ko kabalilo katali kaki, Ntwa?”

⁸⁴⁹ Galipo amakato mahano na mabili aga gikubūka kwa Kyāla, kabuno i Mbepo ihano-na-ibili bo—bo Ikyēne kikwīsa pāsi. Umma ndaga, bo ugwe kubūka pāsi pa kigemo kya Kyāla,

abēne bākútága, “Ntwa, mpaka ndili? Ngimba uswe tubagile ukugomokela, ukukinda pási apa?”

⁸⁵⁰ Kyála alinkuyoba, “Itolo pa kabalilo kanini, mpaka abīninu bakubilwe ikindu kilakila iki umwe mwakubilwe.” Muketile?

⁸⁵¹ Kangi polelo imyoyo gikugomokela, kangi igyēne gikuya banyāmbala na bakīkulu kāngi, nukwitūgásya bwilanabwila akabalilo kāko ingīsi yōsa nu bufwe nu bubine nu busulumanie bwa butītu busimilīle; gikayapo kangi mma imisyūngūlu, ukwēne kyo loosa bwēlu bwa lisuba!

⁸⁵² Pilikisya. Apa po fiki. Unko ukwēne kuyege kutītu mūmo ukwēne kukulōnda ukufika; ukwēne kukabagila ukufika ukuya kutītu fiyo mpaka ilisuba lisakubalania akayabo kalikōsa ka ngīsi. Ngīsi nu bwēlu fikabagila ukwitūgasya palikimo. Namanga i. . . Kyo kiliku kili na maka fiyo? Bo bwēlu. Kangi akabalilo kāko u bwēlu bukumulika, ingīsi yikubopa. Amenī. Ngimba umwe mukasangaluka? Ngimba umwe mukahoboka ukuti umwe mumenye? Kisita kwilāmwa, kukayapo u nsyūngūlu napamo paliposa. Lōli u Bwēlu ubusayigwa ubu būbo buli mu ndumbula syītu lululu lilino, ikindukimo kibīka ubuketi ukugomokesya: u Mwanundumiana gwa Kyála, amaka ga Kyála.

⁸⁵³ Kangi uswe tukwēnda apa, ukukētésya amaka ga Mbepo Mwikemo ukusuluka pási nukubūka mula mu lukōmāno, nukuyoba, “Ugwe gwāli Nka. *Gwakuti-na-gwakuti*, ukuti gwāmbóle ikindu *kyakuti*, pa buyo *bwakuti*. Ugwe ubikígwe nulutamio ulu akabalilo katali *kakuti*, lōli ISI SYO IKUTI U NTWA, ‘Ima pa malundi gāko, ugwe ubumbulusígwe.’” Kangi abalemale na bafwamaso bikufyuka pa malundi gābo. Kangi unsyūngūlu gwa mūndu, alyēkígwe na kansa, ikufyūka ku būmi nu bukafu ubupyā kāngi.

⁸⁵⁴ Kisita kwilamwa, Yeso aayobile, “Ifindu ifi une ngubomba, numwe mwisakubombaga.” Kangi Umwene alinkuyoba, “Une ngubomba nakimo pene papo Tata ikumbonesya Une.”

⁸⁵⁵ Ngimba kyo fiki kila? Bula bo Bwēlu ubu bo bwísile ukwifulugania mu ngīsi iyi, umwe muketile, ukututabula uswe. Mukupilikisya iki une ngusanusya?

⁸⁵⁶ Lilino, umunduyumo ikugomokela kulakula kula, kangi polelo akabalilo kāko u kyála-mūndu ikuya nyōfu nsitakufwa kangi mūmo ikyēne kyāli mbwāndilo, polelo Yeso ikwisa, kangi Kyála. . . akabalilo kako Kristi ikuyaga yumo. Kristi isakwitūgásya pa Kikota, kangi abāndu bōsa bisakuya bāndu. Kristi isakuya pa kikota kya Davidi, u Nnyāmbála, u Ntwa Yeso; nasiku ukufwāmo. Nasiku twisakufamo uswe, nasiku uswe ukuya babine, ukuya nubusulumania kangi mma, kangi uswe pōpe ukuya būmi ukukinda ifyīnja elifu.

⁸⁵⁷ Kangi akabalilo kāko ifyinja elifu fimalike pa kīsu iki, polelo u mōhési ikwisa pala; kangi ubusyūke bwakibili bukwisa, ubusyūke bwa baniongafu. Abēne bikubūngania ababwīte

bakulumba ngati nsanga gwa nu nyanja, kang'i abēne bikwisa pala ukusyungutila a kāya ka bīkēmo, kang'i akabalilo kāko ikyēne kikubōmba, Kyāla ikugwīsyā ifula ya moto na mabwe ga sufure ukufuma ku mwānya nukubōnanga abēne.

⁸⁵⁸ Kang'i Yohani alinkuti, "Une nkubwene kumwanya ukupya kang'i ikisu kya pasi ikipya, kabuno kumwanya kwakwānda kang'i ikīsu kyākwānda fyakīndīle, kang'i yikālīko kang'i mma inyānja. Kang'i une, Yohani, ndinkukabona a Kāya Akīkēmo, u Yerusalemu Umpya, ikusuluka ukufuma kwa Kyāla ukufuma ku Mwānya, atēndekesīgwe bo yu nsīngilīgwa amogesīgwe ku ndume gwāke." Mwaketa umwe lelo.

⁸⁵⁹ Pala umwēne alinkuti, "U nkasi... U Kang'osi kangu u Nsīngilīgwa bisakuyaga kula bwilanabwila." Pisakuyapo ikīsu ikipya, ma elifu-elifu kang'i ma elifu-elifu ga mamailosi gābuyo. O, mwe. A Kāya, i Bāngeli likugela mōsa a Kāya aka mamailosi gābuyo maelifu kalongo na mahano. Ikyēne kyo mamailosi maelifu kalongo na mahano mbutali, mamailosi maelifu kalongo na mahano mbupapate, kang'i mamailosi maelifu kalongo na mahano mbufyūke. Ikyo kyo katikati bulīngānio i Bāngeli likupa ubwa Kāya. Yo nongwa yikayako kang'i mma i nyānja, bukālīko ubuyo bwa iyēne.

⁸⁶⁰ O, kwisakuyako ubumogi buki! Kang'i nkati mula, yilipo i nyībuko palapala ku Kikota kya Kyāla, iyi yikukwēndelēla pankyēni pa Kikota. Gulipo u mpiki pa mbafu syōsa isya mpiki... isya kisōko kya Būmi. Kang'i mu mpiki ugwe mukwitūgasyāmo uluko kalongo na sibili ulwa kipaso, kang'i kikupa ikipaso kyāke umwēsi guligōsa.

⁸⁶¹ Pala balipo bakulumba malongo mabili na bana. Pala alipo u Nsīngilīgwa. Pala balipo bala maelifu malongo mana na bana, abafulwe ba ku tempeli. O nkundwe, uswe tukubūka ku buyo bumo! Ifindu filāmbalēle pankyēni kuli uswe. A bana... A bakulumba malongo mabili na bana. A maelifu mia yuma na malongo mana na bana abafulwe. U Nsīngilīgwa itūgēsye na Kristi. Mwe, ugwe kuyoba... Akangu a Kāya, kanoge Kāya! Amen.

⁸⁶² Ukwinogona ukuti une ndi nulusako ulwa kubūka kula, kang'i ugwe uli nulusako ulwa kubūka kula. Kang'i nongwa ya fiki ugwe ubagile ukusala ukwēnda mu ngīsi iyi nukukēta nu Bwēlu nabumo, nukufwa nukubūka ku bufuluganikane nukwisa ukuya nakimo? Kabuno akabalilo kāko u Bwēlu bukwēga amaka gāka gapamwanya, bukayapo ubuyo bwa ngīsi. Būka kayāge kūko ingīsi yābūkīle akabalilo kāko u bwēlu bukwīsa. Ako ko kabalilo kāko ikyēne kili, akabalilo kāko ifindu fyōsa fisamisīgwe ukugomokela kwa Kyāla. Ikyēne kyābōmbīle, ingīsi yāli nu bwāndilo, ingīsi yili nu bumalikisyo. Ubwēlu bukālīmo siku nu bwāndilo pamo ubwēne nasiku bukaya nu bumalikisyo bumo. Kyāla akālīmo siku nu bwāndilo

pamo nasiku alimo ni bumalikisyo bumo. Polelo, ilisiku limo, ikisu kyōsa ikiniongale nu butulwanongwa bwāke bōsa nu bumogi bwāke, bukukōlelígwa-būbo, kangu ni fyapamwanya fyāke fyōsa kangu ifyakunyegesya, kangu ubumulike bwāke bōsa ka kilikyōsa fisakusimilila ukwīngila mbu nakimo, kangu ikyēne kisakuyaga nakimo. Ikyēne kisakuyaga nakimo, nagamo aminogono ga kyēne kangu mma! Ikyene aatile, kangu, “Ikyene kitisa nukwisamo mbukumbukiligwe kangu mma.”

⁸⁶³ Lōli abasayigwa ba Ntwa bisakuyaga akabalilo kōsa nu Mwēne. Uswe twisakuyaga nu mbili ngati Gwāke Mwēne umbili gwalwīmiko; nukuya būni nu Mwēne, nukulya nu Mwēne, nukwitugasya nu Mwēne, kangu ukuya nnyumba nu Mwēne kwa bwila na bwila kangu ku ma eyoni ga kabalilo; kangu i ngulilo sya Syēpwa sisakubāluligwāga nkyēni ni kisu kisita bumalikisyo.

⁸⁶⁴ Kangu ugwe uli nu lusalo ikilo iki. Linga ugwe ukītendekesya ukwagana ubuyo bula, kali bu bwingi buki ugwe kubūka ku kipanga, mūmo uyīlīle mwenekaya nnunu gwa kipanga ugwe guli, ugwe uyōngile mpaka Kristi akupele ugwe u Būmi ubupya mu ngīsi yila iyi ugwe kwēndāmo. Ugwe ubagile ukuya mwiputiputi. Mwiputiputi, pilikisya, binangu, ubwiputiputi bo bwamahala. Muketile? Bōsa a bāna ba Kaini bālī akabalilo kōsa nabo ubwiputiputi. AbaYuda bala bālī nabo ubwiputiputi akabalilo kāko Yeso ālisīle, lōli abēne bāpīkīle ubupoki.

⁸⁶⁵ Ugwe ubagile ukuya mwiputiputi fiyo ikilo iki. Ugwe ubagile ukuya mPuresibeteri, gwaMethodisti, gwaPentekosti, gwaNazarene, Pilgrim Holiness. Ugwe ubagile ukuya itolo bwiputiputi; ukubūka kukipānga kyāko nukwiyobela, ugwe ubagile ukwīmba nukuywēga nukuntufya u Ntwa, ugwe ubagile ukutwāla ifyakaalongo fyako ku kipanga, ugwe ubagile ukumbombela mpalamani gwāko kanunu, ikyo kitikusanusya ni kindu nakimo ikyakubōmba pa bufikilo bwa Bwilanabwila. Kaini ābōmbīle akayabo kalikōsa aka ikyo. Naloliloli.

⁸⁶⁶ Ili Bāngēli likuyoba ukuti, “ingano na ndūlwe fikwisa palikimo.” Akanini akaiyolo akangano kitūgesye, akēne kūmīlwe panongwa ya fula, kangu i–i mitulatula gyōpe gyūmīlwe. Akabalilo kāko ifula yikwīsa, imitulatula itolo gyōpe gihobwīke ukuya ni fula mūmo i ngano yihobwīke. “Loli, ikyene kyo ni seke syabo, ugwe gwisakubamanya abene.”

Lilino unko uswe twipute akabalilo kāko umwe mukukētesya ifipaso fyīnu.

⁸⁶⁷ Lilino, Tāta Kyāla, pala gālipo amalālusyo amakafu apa ikilo iki. Une lumo ngabōmba ikindu ikitalusye, lōli ubumanyi bwāngi ubununu ukukīnda. Ugwe umenye indumbula yāngu. Une ngusuma, Kyala, ukuti Ugwe kwāmbililāga ikyene. Kangu lilino, lumo, mu gamo mwa malālusyo aga, linga une ngagatēdeka agēne nukutalusya, polelo Ugwe yoba ku ndumbula sya bāndu, kangu Ugwe bapela abene itolo kuko abene

babagile ukuya. Une ngwipilika ukuti Ugwe gwaalimbulile une. Loli linga une nābagile ukuya nsobi, polelo Ugwe nswaga une.

⁸⁶⁸ Kangi une ngwiputa, Kyała, ukuti aligwesa gwa aba bikwēgelāga ifindu ifi mu ndumbula syabo, kangi abēne balinogonaga pa gēne nu kwinoḡona bo ulu, “Ena, pala kilipo ikipanga, pala filipo ifindu ifi. Ikyo kyo iki ili Bāngéli lyāyobīle.”

⁸⁶⁹ Lumo abehe, Ntwa, Ugwe umenye une ngasanusyaga ikindukimo kyakusala yumo pakubabūla abēne. Loli, Kyāła, une—une mbaganile abakalumbu bangu, kangi Ugwe umenye ikyo, Tāta. Ugwe umenye mūmo une ngwinonela isya bēne. Lōli ukwīma nukubabūla abēne ikindukimo ikisobi, une nguyaga u—u nsyōbi ku bēne. Une ndikulōnda ukuya nsyōbi ku bakalumbu bāngu, une ngulōnda ukubabūla u Bwanaloli. Kangi, Tata, une ngwega Ikyēne itolo ukufuma ku Lisyu Lyako.

⁸⁷⁰ Kangi lilino une ndikubatāga abakundwe bangu, lōli, Ntwa, une nguyoba ukuti abēne basobile akabalilo kāko abēne bikwitikisya ifindu ifi. Kangi linga u mwehe āmenye ukukīndana kangi ābūkīle nukubōmba ikyēne, poleli ikyēne kili kwa umwēne, untimi akaya ni nōngwa mma.

⁸⁷¹ U Abba Tāta, ifindu fila fyo Lisyu Lyāko, kangi ifyēne fyo kwa Ugwe. Lilino Ugwe yoba ku ndumbula sya bāndu. Une ngubabika abēne bōsa kwa Ugwe. Une ngwisakukētāga iki Ugwe ubōmbīle, Tāta; Ugwe umenye. Yoba ku ndumbula. Uswē tukusuma mu Ngamu ya Kristi.

Kangi ni mitu giytu ginamisigwe:

⁸⁷² Une nguswiga linga umunduyumo abagile ukufyusya ikiboko kyabo, ukuyoba, “Nkundwe Branham, itolo ngumbukaga une ukuti une mbagīle ukuya mponjolo lōsa, kangi ku lisiku lwabumalikisyo ngafwāle umwēnda gwabwegi nukuya na Kristi.” Ngimba ugwe kufyusyaga ikiboko kyako, yoba, “Nyīputila une”?

⁸⁷³ Aligwesa kyunga untu gwāko pāsi lilino, kangi itolo inama. Kyāła akusaye ugwe, ikyo kyo kinunu. Kula, Kyała akusaye ugwe, kalumbu gwangu; kangi nkundwe gwangu, nugwe, fyusya ifiboko fyinu. Ikyo kyo kinunu.

⁸⁷⁴ Lilino, Tāta, Ugwe kukēta amaboko gābo. (Une mmenye, utubalilo tumo ugwe kwinoḡona, “Ena, itolo akīpūto kanini bo lula?”) Kyāła, une nḡinogonela u māma yula, āyobīle mmayolo, “Itolo akīpūto kanini kula mu nyumba yāke ilisiku lila akabalilo kāko undumiana āfwāga, imilungu mitatu ukuya mūmi, kila ikimele pa bōngo, kangi lilino ukwandusya ifindu.”

⁸⁷⁵ Une ngwinogona isya Hezekiya, ukugemekesya ikisyo kyāke ku kibūmba, nukukūta, “Ntwa, une ngukulāmba Ugwe, yaga ni kisa kwa une. Nyinogonela une, kabuno une nēndīle pankyeni pa Ugwe nu ndumbula imbelesye.” Ikyēne kilinkwanduka ukufuma ku bufwe ukubūka ku būmi.

⁸⁷⁶ Ukukúta kumokwene ukufuma kwa Mwanundumiana gwa Kyāla, “Lazaro, sōka pānja!” kangi unnyāmbála umfwano alinkusōka pānja.

⁸⁷⁷ O Kyāla, Ugwe gwāyobīle, “Yoba, sūma, kangi ikyēne kisakupīgwāga. Akabalilo kāko umwe mukuyoba kalikōsa, itika ukuti iki umwe mukuyoba kikwisa ukuboneka, umwe mwisakuya nakyo iki mukukiyoba.”

⁸⁷⁸ Lilino, Tāta, une ngusuma ukuti aligwesa uyu āfyusīsye ikiboko kyābo isakwāmbililāga iki abēne bafyusīsyle amaboko. Kangi abēne bayege basayīgwa. Kangi Kyāla, une ngusuma ukuti Ugwe kwisakubatula abakalumba bītu, ukuti abēne bisakuyaga... unko abēne bayege ba kayīlo bēne, ukuti Sētāno ukwisila mu senema kangi i magazini sya *Akapango Kabwanaloli* na fyosa bo ifyo, ifi fikorīgwe nubupepe fiyo, kangi imbatiko insitakukētesīgwa, mūmo ifyabubwāpufu ni fyākinyanyasi pa senema na fyos bo ifyo, ifi fyābagīle... Kyābagīle ukuya kyombo ukukaba amaelifu-elifu ga myoyo kwa Ugwe, lōli mūmo ifyēne fikaya fikētesīgwe, kangi bikubīka panja fyosa ifi ifyaiyoli ifindu ifyabubwāpūfu ifi abēne... O, kupelakisa kuki! kangi ukumanya ukuti imbepo ya mōhesi yīngile nkati kangi ukusyūngutula abakalumbu bītu, kangi bikugela ukutēndēka ifyēne bumogi nukufwala bo ulu.

⁸⁷⁹ Kangi uswe tukusyāgania ukuti mu... mu bakundwe bītu, bópe, Ntwa, ukuti mūmo abēne bikwinogona ukuti abēne babagīle ukukwēsa nukunwa, nukwipīmba nkyeni bo ulu, kangi pōpo nukwikōléla Bakristi panongwa yakuti abēne bikuyoba abēne, “bikwitīka.” Bitikisya abene ukumanya ukuti “u mōhesi ikwitika, yope.” kangi umwēne akapokigwa, “umwēne ikwitika kangi ikutetema.”

⁸⁸⁰ Kangi lilino, Tāta, uswe tukwīpūta ukuti Ugwe kwisakuyaga gwakisa kwa uswe twesa, kangi tuswaga uswe pa mbībi syītu, kangi lumo bamo bakafyūsīya amaboko gābo, O Kyāla, yaga gwakisa. Tukulamba ulusako ulungī ulu abēne bali nalo, balifyusyaga abēne amaboko gābo.

⁸⁸¹ Uswe tukwitēndekesya ukulya ungonelo, Ntwa. Tuswaga uswe pa ngilano syītu kangi isyakunyuma sya būmi. Kangi uswe tukusuma u lusayo Lwāko, kabuno uswe tukusuma ikylene mu Ngamu ya Kristi. Amenī.

⁸⁸² U Ntwa abasaye umwe. Une nsulumenie ukubakyunga umwe bo ulu. Une itolo nguswiga, itolo bo gukāli ungonelo, linga alipo aligwesa ikwisa ukwiputiligwa, abagīle ukulonda ukwiputiligwa, ena, uswe twisakusangalukaga ukubōmba ikyo itolo akabalilo aka, linga alipo aligwesa ukwiputiligwa.

⁸⁸³ Umma ndaga, nkundwe, ugwe ntuala umwēne kunokuno pamwanya, ikyo kisakuyaga kanunu. Kangi itolo akabalilo, kangi polelo uswe tukubūkāga uku—uswe tukubūkāga kukusāta. Kangi polelo akabalilo kāko uswe tukusāta, polelo

bala bābo bikulōnda ukusyāla ku mugonelo, babagīle ukusyāla. Lōli lululu lilino uswe tukuyaga pakupa ulwīpūto kuli babine. Ngimba ili Bāngéli lyāyobile fiki?

⁸⁸⁴ Linga unkundwe akabagīle ukusumuka mmwanya. . . Ikyo kili kanunu, itolo ndeke umwēne itugasye apo, uswe tukwisaga ku mwēne. Ikyo kyo kili kanunu mosa, itolo ndeke umwēne itugasye apo. Kangi uswe twisakusulukaga pāsi nukwīputīla umwēne. Ikyo kyo kinunu. Umma ndaga, nkulumba, itolo ndeke—ndeke umwēne itūgāsye palapala pala. Ikyēne kikafu kuli umwēne ukwuma apa, fiki, uswe tukusangulukaga ukwīsa kulakula ku mwēne.

⁸⁸⁵ Lilino une ngulōnda ukutēndēka iki kimokyene ikyakuyobapo ikinini, mwinangu umpala. Muketile, une—une mmenye ukuti u Ntwa asisimikisye iki kingi na kingi utubalilo twingi fiyo. Muketile? Une ngaya fiyo mma ndumbilili, une ngaya nabo ubumanyi na fyosa bo ifyo. Une nunganile Ntwa Yeso, Kyala amenye ukuti une nunganile Umwene. Loli ikindu kimokyene une nakōleligwe ukubōmba, ukwīputila ababine. Ngimba umwe mukwitika ikyo? Pōpe bo ngāli une ngamanyamo siku isya kikungilwa, une nālisibīle ukubūka panja apa ku kipatala; kangi une ngukumbukila aba nāsi bala bikyuba, “Lilino uswe tukuyaga babumbulusigwe.” Muketile? Kangi itolo ikindukimo, iki Kyāla ayīle gwalipyana fiyo ukuyindika inyīpūto syāngu panongwa ya bāndu.

⁸⁸⁶ Une ngwinogonela, ikilo iki, linga ikyēne kibagīle ukukōleligwa, itolo ukufumusya kwa kīsu-kyapasi kyōsa kulikōsa nkīsu. Kangi yoba, aligwesa uyu Nkundwe Branham aliiputile, isa kuno, une ngulonda ukuti umwe ukupa ilyāmulo ku sikali ya United States, nu kalata. Kangi ikyo kisakuyaga bufumusya bwa kīsu-kyōsa kyāpāsi. Une ngusakikisya, lumo amamilioni mana pamo mahano ga bāndu bābagīle ukwāmula ukukōlēla kula linga ukwēne kwamanyigwe. Muketile?

⁸⁸⁷ Kangi abāndu bala, pamo bamo ba bēne batalile bāfwīle, balambalikīgwe na bagānga, na—na batēndeki mifimba. Bāmo ba bēne bagogīgwe mbufulale; bamo ba bēne bāfwīle ubufwe bwakipeligwa. Bamo ba bēne bāli bāfwamaso, basitakwenda, balemale, baniongale, bāmbungo, mubōngo. . . nkipatala, bakamenye nukuti uswe twāli nkipatala ukwīputila abēne. Ukubatwāla abēne mula, ukufimbilisīgwa ukubēga abēne. Abēne bifinyikisya ingila yābo ukukīnda nukwitumula bēne kutumbakasya, kisita nukumanya kūko umwēne aliko. Mu maminiti mahano, ukuya kanunu, banoge, abandu bālugano, kangi banunu amasiku gosa aga gasyele. Muketile?

⁸⁸⁸ Ikyeene kyo. . . Ngimba ikyeene kyo fiki? Ikyeene akaya Nkundwe Branham. Ikyeene yo Yeso Kristi, Umweene alindumile une ukwīputila ababine. Lilino apo po kilipo iki ikyeene kili. Ikyeene kikaali kyakuponjola fiyo mu

Jeffersonville, panongwa yakuti, apa po yilipo inongwa. Lilino, une ngulonda umwe mumanya une ndinabo bamo ba binangu abaakifuki fiyo kangu abinangu abanunu ukukinda bosa bo kunokuno kuno nkaya aka. Palema nalinga akaaya keene, akayiilo ka kaaya, une ngakagana akeene. Une ngabugana ubwitugasye ubu, kangu nasiku ngabuganamo; akabalilo kaako une naali ndumiana, ngubala amabuku gaangu agasyambukulu, Une ndinkuyoba, “Ilisiku limo une nisakusookako kuno.” Muketile?

⁸⁸⁹ Une ngangana Jeffersonville, akeene ko kitubwi, akeene kali paasi apa. Akeene ko itolo naloliloli kafitubwi, kangu—kangu akeene ko kabibi fiyo. Buuka pamwanya apa pamwanya pa Spickert Knobs pamo kubuyobumo, kangu keeta panja paasi kubwa ku New Albany na Jeffersonville, linga ugwe kuloonda ukukeeta. Keta kuno, aba dokotala boope bikuyoba lilino, ukuti, “Abaandu ba kikoga iki bikwisa ukuya basitalilopa panongwa ya bwitugasye.”

⁸⁹⁰ Unkiikulu unnini pamwanya apa, Nka. Morgan, abumbulusiigwe ukufuma ku kansa, alinkweega imbwa yaaake ku kipatala, inongonaga ukuti iyeene yaali mbine. Umwe mumenye fiki ikyeene kyaali? Ifisengame fya Colgate ni findu pa liisu kuuko iyeene yakindilemo. Ubweene bo buyo bubwapufu ukukiinda.

⁸⁹¹ U mwinitu aali mu Baabwiite, aabukile paasi apa nukweega. . . Umwene aali nububine bwakipaambaga. Aabukile paasi apa mu Florida kangu ifisige fyaake filinkuya naloliloli fitiitu, kangu umweene alinkubuuka ku ngaanga kangu umweene alinkuti “Ngaanga. . .”

⁸⁹² Ungaanga alinkuti, “Lilino, ugwe ufumile pakulwa, bule ugwe?”

⁸⁹³ Umwene alinkuti, “Umma, nkulumba, une ngaya’mma.”

⁸⁹⁴ Linga umwe mukuloonda ukumanya yo ywani umweene, ingamu yaaake yo Herby. Lilino, ling aune mbagiile itolo ukwinogona. . . Ikyeene kyo—ikyeene kyo kili mu Union National Bank, mu New Albany, umweene yo mwambililalahela. Itolo buuka kula kangu nketa yumo ikuyoba, “Herby,” ndalusya umweene.

⁸⁹⁵ Kangu umwene alinkuti. . . Umwene aabukile, umwene alinkuti, “Ngaanga,” umwene alinkuti, “Une ndinakyo ikipungo ikyabwilabwila.”

⁸⁹⁶ Kangu umweene alinkumweenesya umweene, alinkuti, “Uko ko kotalusya.” Umweene alinkuti, “Une ninogonaga ugwe ufumile pakulwa.” Alinkuti, “Ndumiana, ngimba ugwe kwitugasya kugu?”

⁸⁹⁷ Umwene alinkuti, “Ugwe lumo ukabagila ukumanya ubuyo bula,” alinkuti, “Une ngwitugasya nkaya akanini ukufuma ku Louisville, Kentucky, kakukooleligwa, New Albany, Indiana.”

⁸⁹⁸ Alinkuti, “Ugwe kusanusya ukumbula une ukuti ugwe gweegile ikipungo ikyabwilabwila ukufuma ku miisi gamunyu kuno mu Miami, panongwa yakuti gwiisileko?” Alinkuti, “Linga ugwe gwabagiile ukuya nu buumi mu Jeffersonville, Indiana, pamo New Albany, Indiana, ugwe ubagile ukwitugasya nkisu kilikosa abaabwiite ba United States babagiile ukukutuma ugwe.” Ikyo kyo kyosa. Muketile?

⁸⁹⁹ Ubweene bo buyo ubusitabwiifyusi ukukinda moosa ubu buliko nkisu, ubu une mmenyepo, pene paapo ukweene kukuyaga kumo ku fitubwi fya sekema ya mbweele. Muketile? Kangi une—une—une ndinabo abiinangu apa.

⁹⁰⁰ Keta kuno, une mbagile ukukoolela abene bo ulo. Nkeeta Dr. Sam Adair, u mwinangu. Umma ndaga, pala alipo Mike Egan, ituugeesya pala. O, mwe, baling aune mbagiile ukuyoba ingamu! Itolo ba mia abiinangu abanunu, abaakwangala nabo abaiyolo abaangu, aba une naangeele nabo...Kali une ngubaaga abinangu abapya balinga, kikayapo nakimo kisakweega ubuyo ukufuma ku mwinako ugwaiyolo. Umwe mumenye ikyo.

⁹⁰¹ Pala alipo umaama gwaangu unkaangale itugeesye ku nyuma kula, kisita masiku mingi ukufuma pa kiisu, umweene ali mu malongo-mahano-na-limo lilino. Pala alipo u maama gwa unkasi gwaangu, malongo-mahano-na-mabili, ikubuuka ku malongo-mahano-na-mabili-na-kimo; itugeesye kunyuma apa pabuyu bumu, une ngwinogona, ikilo iki. Kangi kula, ndeke umweene. U taata gwaangu asyiiligwe pamwanya apa; unkasi gwaangu asyiiligwe panja kuno pa Walnut Ridge; u mwaana gwaangu alambalele panja pala. Mukuketa iki une ngusanusya?

⁹⁰² Une—une—une ngakugana... Une—une—une—une ndikuloonda ukwitugasya kuno, kangi une ngusuubila ukuti lululu, itolo nakalinga, une nguyaga pakusookamo. Muketile, ’nongwa yakuti ikyeene kisaga kw aune, une nguyoba iki pa kigemo ni li Baangeli lyaangu, kingikingi.

⁹⁰³ Akabalilo kaako une naalimbuulile unkasi gwaangu, akabalilo kaako abeene baatupeele uswe ihela ukuyeenga inyumba ya ntimi yila iyi une nayipeele kangi ku kipanga iki...Ikipanga iki kyo kenenakyo kya nyumba ya ntimi yila; buka pasi apa, kasyaaganie linga iyeene yikaya. Muketile, une ngaabagiile ukuyeega iyeene nimweene.

⁹⁰⁴ Lilino, akabalilo kâko une nayaga pakuyēnga kula, Meda alinkuti, “Une ngulōnda ukusyāla kuno pa nongwa ya māma gwāngu.”

⁹⁰⁵ Une ndinkuyoba, “Lūki, itolo nubusisimikisya mūmo uswe tukubōmbela, uswe twisakuyaga basulumanie isya ikyēne.

Uketile, ikyëne kitisakubōmba. Kyāla ayobīle, ‘Ipāgūla,’ Une ngufimbilisigwa ukubōmba ikyëne.”

906 Kangi alinkuti, “Mulimosa, māma gwangu!”

907 Une ndinkuti, “Mama gwangu, nīne. ‘Lōli yūyo uyu atisakutāga abāke mwēne, nukungōnga Une, yo akaya gwākufwanapo ukukōleligwa Gwāngu.’ Kangi ikyo kyo kyābwanaloli.”

908 Ilisiku limo, lululu, une ngwipilika une nguyaga pakusama, kokuti, ukusōkapo apa. Lōli apa po yilipo injila, ingomano sitisakubōmba kuno. Ikyëne kitisakubōmba kuno ngati ikyëne kikubōmbela kulikosa ukungi, kangi aligwesa uyu ālimo mu lukomani amenye ikyo kyābwanaloli, panongwa yakuti ikyëne kili munomuno nkaya ka ka kaya kangu. Ikyo kyo kyëne.

909 Yeso ayobile ikindu kilakila akabalilo kako Umwene ālisīle.

910 Abēne balinkuti, “Yo ywani umiana uyu? Ngimba yula akaya yo ndumiana gwa nkekamatapwa panja apa? Ngimba yo sukulu nki umwēne ābukilemo siku? Ko kugu umwēne ākabīle ukumanyila kwāke? Lilino unko une ngēte ugwe kubōmba... Ugwe gwātigi ugwe gwābōmbaga ifika kubwa kuno, unko une ngēte ugwe kubōmba ikindu kilakila kuno. Iki ugwe gwābōmbile mu Kaperenaumu, unko une ngēte ugwe kubōmba ikyëne kuno.”

911 Yeso alinkuti... “Umwēne āswigīle ku busitakwitika bwābo.” Umwēne alinkusanuka kangi alinkuyoba, “Naloli, naloli, Une nguyoba kwa umwe, unsololi akaya nsita kyākupēgigwa pene pāpo umwēne ali pakati pa bāndu bāke mwēne nkīsu kyāke mwēne.” Ngimba uko kutalusya?

912 Kangi uswe tumenye...kēta kuno...Ega Finney, ega Sankey, Moody; ega John Wesley, akaponjwilemo siku pa kyëne, muketile, mpaka umwe āsokilemo nkīsu kyāke. Kēta kwa—kēta kwa—kwa—kwa Moody. Akabalilo kāko Moodu, unsoka filato gwa ku Boston, alinkutoligwa ukuponjola napanandi, umwēne alinkwisa ku Chicago bo umwēne akāli ukuya mfumuke. Muketile? Umwene afimbilisigwaga ukukaba ikyene ukusōka ku bāke mwēne. Ugwe bwila kufimbilisigwa ukubomba ikyene.

913 Lōli lilino, apa, Kyāla isakwāmula ulwīputo linga ugwe kwisa kwībwa ikyëne yo William Branham (Muketile?), linga ugwe kwisa kwībwa ikyëne yo William Branham aliko akandukamo ukubōmba ni kyëne, mwēne itolo yumoywēne ukwīma nukukwīputīla ugwe. Ikyene yo Yeso Kristi uyu abombile nganila iki ugwe usūmīle ukubomba, linga ugwe itolo kwitikaga ikyene. Muketile? Ikyëne kyo kikaya kalikōsa akakubōmbapo...Une ngaya nakyo nakimo ikyakubōmba nimkyëne, itolo ukubīkīla ubukēti. Lōli kikufwana ngati ukufuma ukukula kuno na umwe, kangi umwe mukumanya ubōnywa bulibōsa une ndinabo, kangi akasolo kalikōsa une ndinako...Kangi umwe mumenye iki Kyāla abōmbīle, munomuno nkaya aka.

914 Akaya aka, Pisiku Iya Bulongi, kasakwāmula untēngo unkulumba ilisiku limo, namanga silipo abamia na bamia ba mbumbulusyo isyakubonekela pabwelu papapa apa (Uko ko kotalusya.), papapa apa. Ifimanyilo ni fiswīgo, kang'i ukubonekela kwa Gwāndūmi pāsi pala, kang'i ifikalatasi fifumwīsyē panja kang'i kilikyōsa, kang'i pōpe abāndu batiku . . . Nongwa ya fiki ikyēne?

915 Lilino ilisiku limo, une ngusōka ngapo apa. Une nguswīga: “Ngimba bukuyaga buliku ubumalikisyo bwāngu? Ngimba ikyēne kimalike? Ngimba ikyene kyo itolo? Une ndi ni fyinja malongo mana na lwele. Ngimba ikyene kili kifuki ukumalika?” Une nguswiga iki. Linga ikyene kyo . . .

916 Kēta, nongwa ya fiki ikīsu kyōsa kikakyāgēnie ikipicha pala? Nongwa ya fiki abēne bakakipilikisye ikyēne nakalinga itolo? Nongwa ya fiki abēne batikupilikisya ifindu ifingi ifi? Nongwa ya fiki abēne batikupilikisya isololi isi ni findu? Umwe mumenye, abene batikufibona ikyene lilino, loli ilisiku limo une ngusōkamo nkisu, kang'i akabalilo kākō une ngusōkapo, polelo abēne bisakukyāgania Ikyēne. Mwe bamo ba umwe bāndu bakeke mwisakukyāgania ikyo bo une mbūkile. Muketile? Lōli Kyāla akālitikisya ukuti kibōmbigwēge lilino. Mukuketa iki . . . umwe mukupilikisya iki une ngusanusya. [Ubuyo ubusita kandu pa tepi—Nsimbi.]

917 . . . Itolo akakōsa akalini aka ndindwana. Aligwesa abagīle ukuya nako akene. Kang'i une ngusūbīla Nkundwe Sothmann āyobīle ukuti umwēne ālilekīle i Bāngēli limo apa akabalilo kabumalikisyo umwēne āli apa, une ngusūbīla. Aligwesa lyāga i Bāngēli, i—i Bāngēli iliyōnge pabwa apa? Linga umwe mukulyāga, ikyēne Iyo Iya Nkundwe Sothmann ukufuma ku Canada. Lilino unko uswe twīpūte.

918 Ntwa, yaka gwakisa, bo ubukubanyimbo bukukubila pāsi kang'i Nkundwe Neville yo ikupakaga na mafuta, Une nguya pakubika amaboko gāngu pa babine mu Ngamu ya Yeso. Tupaga ikyene, Ntwa, panongwa ya bubumbulusyo bwābo. Ameni.

919 Aligwesa iputa, lilino, aligwesa. Umma ndaga.

Ntwa, unnini uyu, bo umwisukulu gwāke ikwīma apa panongwa ya mwēne. Umwēne abēngēne nu lupyū, ulupyū lōsa. Lōli Ugwe uli na Maka gōsa kang'i akīnītu akanini kakabagīla ukuya nu lwītīko kuli kēne mma. Kang'i polelo, Ntwa, une ndinalo u lwītīko kuli kēne, na bapāpi na bīsukulu kang'i uswe tukuyoba, mu Ngamu ya Yeso, ukuti umwāna yula isakuyaga gwakubagila ukunwa ulupyū nukuya nu būmi ku lwīmiko lwa Kyāla. Ameni. Ukwene kukuyaga mu njila iyo.

O, Kyāla, umwene ikwiputīla tāta gwāke. Une ngwiputa nu mwene ukuti Ugwe kumbumbulisya ugwīse nukumpa umwene kila iki umwene ikufūmbwa, mu Ngamu ya Kristi. Ameni.

⁹²⁰ Lilino, kipepe bule ikylene? Abāndu bikwīpūta, lōli ikyo kyo iki abāndu. . . Abēne bikulōndesya ikindu ikinywāmu kangī abēne bikutabania ikyēne. Kyāla ikutēndēka ikyēne kipepe. Ugwe kukitēndēka ikyēne kitabanikane kangī kupondwa ikyēne. Muketile? Itolo tēndēka. . . Unko ikyēne kiyege kipepe ngati mūmo Kyāla āyobīle: “Ifimanyilo ifi fisakukongaga abene aba bikwitika; linga abene bikubika amaboko gabo pa babine, abene bisakubumbulukaga,” bo Kyala āyobīle.

⁹²¹ Uswe tukubīka amaboko pa nkikulu uyu, Ntwa, uyu kalumbu gwītu imile apa, kangī umwene ali bumbulusigwaga uswe kabuno uswe tukusuma ikylene, mu Ngamu ya Yeso Kristi. Amenī.

⁹²² Tata, bo uswe tukubīka amaboko pa kalumbu, mu Ngamu ya Yeso Kristi, mu kukumbukila kya i Bāngēli nukumanyisya kwa Ntwa, umwēne ali bumbulusigwāga.

Tāta, mu Ngamu ya Kristi, uswe tukusumila ububumbulusyo bwa kalumbu gwītu, kangī une ngusūma ukuti Ugwe kwisakuntēndekāga umwēne nnunu mōsa bo uswe tukupilikila i Lisyu Lyāko, kisita kwilāmwa kumokwēne mu linogono lyāngu lōli iki umwēne ābagīle ukuya. . . ? . . . Amenī.

⁹²³ Tata, uswe tukubika amaboko pa kalumbu, kangī tukusuma ukuti, mu Ngamu ya Ntwa Yeso, ukuti Ugwe kubumbulusya umwene nukuntēndeka umwene ayēge kanunu. Amenī.

Mu Ngamu ya Ntwa Yeso, uswe tukubīka amaboko pa nkundwe imitu gyitu kangī tukusuma ukuti Ugwe kuntēndekāga umwēne ukuya kanunu ku lwīmiko lwa Kyala.

Tata, mu Ngamu ya Ntwa Yeso, uswe tukumpaka kalumbu, nukubīka amaboko pa mwēne nukusūmila ulubumbulisyo lwāke mu Ngamu ya Yeso.

Tata Kyala, uswe tukubīka amaboko pa nkundwe gwitu, uswe tukusuma ukuti, mu Ngamu ya Yeso Kristi, mumo uswe tukonelela umwene ukuti Ugwe kuntēndekāga umwēne ayege kanunu.

Tāta, apa, unkasi gwāke unganígwa. . . ? . . . monelela umwēne nukubīka amaboko pa mwēne, ukusuma ikyēne, mu Ngamu ya Yeso Kristi.

⁹²⁴ Ntwa Kyāla, uswe tukupaka unnini Edith, ukubīka amaboko pa mwēne, kangī tukusuma mu Ngamu ya Ntwa Yeso Kristi ukuti Ugwe kupaga ubusume bwake.

Tāta, kwa māma gwāke, uswe yōpe tukupaka nukubīka amaboko pa mwēne nukusumila ku lubumbulusyo lwāke, mu Ngamu ya Ntwa Yeso Kristi, umwene ali bumbulusigwaga.

⁹²⁵ Tāta, uswe tukupaka ibwe ilipala ilinini ili ilya kikolo iki, akakuba ka ndumbula kanini, mu Ngamu ya Ntwa Yeso, ilisiku limo abikígwe ku Mwēne, kangī une ngusuma ukuti Ugwe kwisakubumbulusya akēne. . . ? . . .

926 O Kyala, Ugwe umenye ukusuma kwa kalumbu gwītu kangi uswe tukupalisya Umwene panongwa ya lwitiko lwāke ulukifu. Lilino, tukulamba ifindu fila ifi umweene asūmile, ukuti . . . ? . . . umwēne āsālīle nafyo akabalilo kāko umwēne āli nnini, kangi Kyāla, undugu alimmwabalaga unkīkulu mwābūke kangī alisaga umwēne ku kāya ali kanunu, Ntwa. Uswe tukwīputila unnyāmbala yula, yōpe, iki umwēne asūmile, Ugwe ufīngīle, “Linga umwe mukusūma kalikōsa mu Ngamu Yāngu, Une nisakubōmba ikyēne.” Une ngusuma ukuti Ugwe kupaga ubusume ubu, mwa Ngamu ya Yeso. Ameni. Kyala akusaye ugwe.

927 Ntwa, bo ulundepa ulu lukufwa nkipulilo kya nkundwe gwāngu, uswe tukusūmila u būmi ukutupukila panja, bo uswe tukubīka amaboko pa mwēne nukusūma ikyēne, mu Ngamu ya Yeso, ukuti ulutepa lula lwisakuyaga kanunu.

Tāta Kyāla, uswe tukubīka amaboko pa kalumbu gwītu ukufuma pakumpaka umwēne na mafuta, mu Ngamu ya Ntwa Yeso Kristi, uswe tukusūmila ku bubumbuluso bwāke. Ameni.

928 Tāta Gwakumwanya, bo u kalumbu gwītu imile panongwa ya buponjoli ubukulumba ubwingi fiyo Ugwe untwelemo panja, umwēne ikwima panongwa ya yumo mwa bāmbombo Bāko, u ndumbilili, gwalutende fiyo; indumbula yītu iya kibabilisi yikubūka ku mwēne uswe tumenye iki umwēne ikukīndamo. Une ngusuma, Kyāla, ukuti Ugwe kwisakupaka ukalumbu gwītu panongwa yakwīma apa panongwa ya mwēne kangī mpake umwēne ku bubumbuluso bwāke. Une ngwiputa, mu Ngamu ya Kristi. Ameni . . . ? . . . U Ntwa amenye . . . ? . . .

929 Kinunu. Une nsangalwike. Uko ko naloliloli kupaka kwa Ntwa. Ntwa Kyāla, ukufuma pāpo unkīkulu uyu aponile ukufuma ku isyētano ili umwēne alwīle nalyo ku fyīnja, ilisiku limo Ugwe gwālintumile umwēne ukwisa ku nyumba pala kangī polelo u Mbepo ikwisa pasi, “ISI SYO IKUTI UNTWA,” bo umwēne akūtīle, umwēne ālambalele pa kigemo, umwēne ābōmbīle kilikyōsa iki umwēne āmenye akabōmbelo, loli ikyene kyālyēgīle ISI SYO IKUTI UNTWA. Lilino, umwēne yo ikwīsila u mwāna gwa ulilumbu gwāke uyu ikutēka; ukutoligwa ukwēnda, atalile ukukīndapo ikyinja mbukusi. Une ngusuma, Ntwa, ukuti Ugwe kupaga ulusayo lwa Kyala ku mwēne mu Ngamu ya Yeso Kristi. Hobwike fiyo panongwa ya ikyo, kalumbu, kuboneka nubukīndane, nugwe. Kangi ugwe uli injila indali ukufuma kukufwa lilino, bule ugwe?

Tāta Kyāla, uswe tukusuma ukuti Ugwe kusayaga u kalumbu gwītu bo uswe tukumpaka umwēne kangī tukubīka amaboko pa kwēne nukusuma ukuti ikindu iki Ugwe gwāyobīle: “Ifika ifi fisakukōnga bala bābo bikwītika. Abēne bisakubīka amaboko pa babine, abene bisakubumbulukaga.” Uswe tukwīkōlēla

ukuya bitiki, gwe Ntwa, polelo uswe tukusuma ukuti Ugwe kumbomba ikindukimo, mu Ngamu ya Yeso...?...

⁹³⁰ Tata Kyala, bo mmenye indumbula iya nkikulu unnini uyu, akabalilo kako umwene onile iyene panja, uswe tukusuma ukuti Ugwe kuyaga gwakisa ku mwene kangu paga ubusumilo ubu umwene asumile. O Tata Kyala, pnongwa ya kikolo kyake, panogwa ya bana bake, undumiana gwake, fiyofiyo, Kyala, une ngusuma lilino, ukuti Ugwe kupaga ifindu ifi...?...ni ndumbula yangu yosa, une ngusuma ikyene, mu Ngamu Yeso. Ameni.

Tata Kyala, mumo uswe tukonelela na mafuta, kangu tukwiputa pa mwene mu Ngamu ya Ntwa Yeso, ukuti Ugwe kumbumbulusyaga umwene nukuntendeka umwene ayege kanunu ku lwimiko lwa Kyala.

⁹³¹ Ingamu yako yitikuboneka ukuya West, bule iyene?

Tata, uswe tukusumila umwehe unnini. Umwene ikunsumila ugwise. Lilino, une ngusuma ukuti Ugwe kupaga u tata gwake, koléla pa ndumbula yake, Ntwa. Umwene ikulonda umwene apokigwa. Umwene atikulonda umwene ayege nkisu mumo ayilile, uyu, umwana gwake mwane, uluyungu lwake. Une ngusuma, Tata, ukuti ugwe kuyaga gwakisa ku mwene, mu Ngamu ya Kristi.

⁹³² Akusaye ugwe, mwanundindwana gwangu, Kyali alikupaga kwa ugwe ikindu ugwe usumile.

Gwempala Kyala, uswe tukunsumila umwene, kangu uswe tukusuma ukutu Ugwe kuyaga gwakisa, bo uswe tukumpaka umwene...?...



AMALĀLÚSYO NA MĀMÚLO BAHIBURI KIYABO III KYA57-1006
(Questions and Answers on Hebrews Part III)

KAYÍLO, LUBATIKO NI KIMANYISYO KYA KIPĀNGA IMBĀTIKĀNO

Ubulumbilili ubu butwaligwe nu Nkundwe William Marrison Branham, ubu pakwanda bwatwaligwe nki Ngereza pa Ndungu namayolo, Okutobala 6, 1957, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org